


A. o.r

2506

A. or. 2506



জানকী নাটক ।

শ্রীহরিশচন্দ্র মিত্র প্রণীত ।

“বুদ্ধিমত্তাভিমানঃ কো ভবেৎ প্রাজ্ঞোপজীবিনাম্ ।
অন্যদেবৈরলঙ্কারৈ নাইঙ্কারো বিভূষণে ॥”

টাকা—ইমামগঞ্জ ।

সুলভযন্ত্রে মুদ্রিত ।

শকাব্দ ১৭৮৫ ।

মূল্য ১ টাকা মাত্র ।

4A

শ্রীদেবানন্দ শীল প্রিন্টার ।

A. or. 2506

Mitra

জানকী নাটক।

শ্রীহরিশচন্দ্র মিত্র প্রণীত।

“বুদ্ধিমত্তাভিমানঃ কো ভবেৎ প্রাজ্ঞোপজীবিনাম্।
অন্যদেবৈরলঙ্কারৈ নাহঙ্কারো বিভূষণে ॥”

টাকা—ইমামগঞ্জ।

সুলভমূল্যে মুদ্রিত।

শকাব্দা ১৭৮৫।

মূল্য ১) টাকা মাত্র।

A

সুহৃদর

শ্রীযুক্ত নরনারায়ণ রায়

মহাশয় সমীপেষু।

মহাশয় !

আমাদিগের সমাজে একটি প্রথা আছে, কাহার সহিত কাহার কোনরূপ কুটুম্বিতা হইলে নূতন সঙ্ক-
ন্ধ-নিবদ্ধ উভয় ব্যক্তিই উভয়কে যথোপযুক্ত উপ-
হার দিয়া থাকেন। আপনি মাদৃশজনের রচনাপাঠে
প্রীত-চিত্ত হইয়া, কি স্বীয় স্বভাবসিদ্ধ উদারতায়,
জানিনা, কি কারণে আমাকে মধুময় ‘বন্ধো!’ সম্বোধন
করিয়া সম্মানিত করিয়াছেন। যাহাইউক আপনি
যখন এতদূর অনুগ্রহ প্রকাশ করিয়াছেন, তখন
আপনাকে আমার এই নূতন বন্ধুতার অভিজ্ঞানস্বরূপ
একটি উপহার দেওয়া কর্তব্য। কিন্তু বন্ধো! আমি
অনেক বিবেচনা করিয়া দেখিলাম, আপনার যোগ্য
অথবা আমার শক্তি-সাধ্য উপহার কিছুই দেখিতে
পাইলাম না। কেবল আমার এই জনমদুঃখিনী “জা-
নকী” কে উপহারের যোগ্য দেখিতেছি। অতএব
আপনাকে এই “জানকী” সমর্পণ করিতেছি, আপনি
ইহার গুণগ্রামে না হউক, বন্ধুর প্রণয় চিহ্ন বলিয়া
যদি এতৎ প্রতি একটু স্নেহভাব প্রদর্শন করেন,
আমি অত্যন্ত বাধিত হইব।

ঢাকা বাবুরবাজার। }
১লা পৌষ। ১২৭০। }

শ্রীহরিশ্চন্দ্র মিত্র।

বিজ্ঞাপন ।

বর্তমানসময়ে, বাঙ্গলাভাষায় যে কয়েক
খান নাটক বিদ্যমান আছে, তাহার অধি-
কাংশই আদিরসপ্রধান । অধিকাংশই ভদ্র কু-
টুম্বনীগণের অধ্যয়নের অনুপযুক্ত । এই সকল
कारणे स्त्रीशिक्षाबन्धुगण नाटक पाठोत्सुक
তরুণীগণের হস্তে ঐ সকল নাটক অসংশ-
য়িত চিত্তে সমর্পণ করিতে ইচ্ছুক নহেন ।
একদা আমার কোন সহদয়বন্ধু প্রসঙ্গাধীন
প্রাণ্ডুক্ত বিষয়াবতারণা করিয়া আমাকে সঙ্ক-
রিত্তার আদর্শ স্বরূপ একখানী করুণরস-প্র-
ধাননাটক লিখিতে অনুরোধ করেন । আমি-
ও বান্ধবের অনুরোধ বশব্দত হইয়া দম্পতীর
সঙ্করিত্তা ও অকৃত্রিমপ্রেমপ্রবণতার পরা-
কাষ্ঠা স্বরূপ জানকীর বনবাস বৃত্তান্ত লইয়া ম-
হাকবি ভবভূতির “উত্তর রামচরিত” অবলম্বন
পূর্বক জানকীনাটক প্রণয়নে অঙ্গীকৃত হই ।
জগদীশ্বরের অনুগ্রহে অন্য সেই অঙ্গীকার প্র-
তিপালিত হইল, কিন্তু বান্ধবের উদ্দেশ্য কত
দূর সফলতার সহিত সাধনা করিয়াছে, সহদয়
পাঠকগণের পরীক্ষা সাপেক্ষ । কিন্তু যাহা

মহাকবি ভবভূতির নাটকোৎকর্ষ, “উত্তররাম-
চরিত” পাঠ করিয়াছেন, তাঁহারা এই জামকীর
দুরবস্থা দর্শন করিয়া ব্যথিতনেত্র হইবেন, স-
ন্দেহ নাই। ফলতঃ মহাকবি ভবভূতির কবি-
ত্বের সহিত আমার যৎসামান্য কল্পনাশক্তি-
সঙ্গতা হওয়ার পয়োক্তে গোমূত্র নিক্ষেপের
ন্যায় যে মহাকবির সহৃদয়তা ও নাটক রচ-
না-চতুরতা বিকৃত হইয়া গিয়াছে, ইহা আমি
মুক্তকণ্ঠে স্বীকার করিতেছি। বাস্তবিক, যাঁ-
হারা সংস্কৃত নাটকের রসাস্বাদনে ভৃগুহৃদয়,
বাল্মীকিভাষার নাটক পাঠে তাঁহাদের কোন
মতেই আমোদ জননের সম্ভাবনা নাই।

বীণার মৃদুলস্বর, শুনি যাঁরা নিরন্তর,
অতিশয় আমোদিত হন,
কঠোর পটহ-স্বর, তাঁহাদের ভৃগুকর,
হইবারে পারে কি কখন ?


এস্থলে আর একটী কথাও উল্লেখ করা
আবশ্যক, অনেক অ বিশেষজ্ঞ পাঠকের এরূপ
সংস্কার আছে যে, যে প্রস্তাব একবার একজন
লিখিয়াছেন, কেহ আবার সেই প্রস্তাব গ্রহণ
করিয়া পুস্তক প্রণয়ন করিলে প্রণেতার প্রতি

চর্কিতচর্কণাপবাদ প্রদান, এবং সেই পুস্তকের প্রতি অনাদর প্রকাশ করেন। এদোষটী বা-
 ন্ধাসাহিত্য-পাঠকদিগের মধ্যেই বাহুল্য
 রূপে লক্ষিত হয়। উল্লিখিত দোষদুর্ট-পাঠ
 কগণ “জানকী নাটক” এই নাম শ্রবণমাত্রই
 এতৎপ্রতি উপেক্ষা করিতে পারেন; অতএব
 এস্থলে তাদৃশ স্বভাবসম্পন্ন পাঠকদিগকে
 বিজ্ঞাপ্য এই যে, যদিও এতন্নাটক সীতার
 বনবাস বৃত্তান্ত লইয়া প্রণয়ন করা হইয়াছে,
 তথাপি বাল্মীকিরামায়ণের প্রস্তাবের সহিত
 ইহার বিলক্ষণ বিভেদ আছে। আদ্যন্ত
 পাঠ করিয়া দেখিলে পুরাতন প্রস্তাব বলিয়া
 এই “জানকীর” প্রতি অপ্রীতি জন্মিবার স-
 ভাবনা নাই।

পরিশেষে বক্তব্য এই যে, এই নাটক প্র-
 ণয়নে উত্তররামচরিত, সর্কার্থপূর্ণচন্দ্র, এবং
 সীতারবনবাস ইহিতে সহায়তা গৃহীত হইয়াছে,
 এবং কোন২ স্থানে ঐ সকল পুস্তকের কোন২
 বাক্যও উদ্ধৃত করা গিয়াছে।

ঢাকা বাবুরবাজার }
 ১লা পৌষ ১২৭০। } শ্রীহরিশ্চন্দ্র মিত্র।

বর্ণিত ব্যক্তিগণ ।



। মিত্রীসঙ্গার (ভিত্তি) কিসাও

রামচন্দ্র

রাজা ।

ভরত

লক্ষ্মণ

শত্রুঘ্ন

রাজভাতৃগণ ।

অষ্টাবক্র

মুনি ।

বাল্মীকি

রামায়ণ-রচয়িতা ।

জনক

রাজার শ্বশুর ।

বশিষ্ঠ

রাজগুরু ।

বসন্তক

মৈথিল-বিদূষক ।

সুমন্ত্র

রাজসারথী ।

কুশ

লব

রাজকুমারদ্বয় ।

চন্দ্রকেতু

লক্ষ্মণের পুত্র ।

কঞ্চুকী, শম্বুক, রাজপুরুষ, বীরপুরুষ, মুনিকুমার-

গণ, দুর্মুখ (রাজচর) স্ত্রবধর, বিদ্যাধর প্রভৃতি ।



স্ত্রীগণ ।

জানকী (সীতা) রাজমহিষী ।

তরলিকা	}	সখী ।
তমালিকা		

সেবিকা	}	পরিচারিকা ।
মাধবিকা		

ভগম	}	নদীর অধিষ্ঠাত্রী দেবীদ্বয় ।
মুরলী		

বাসন্তী (বনদেবী) সীতার সখী ।

কৌশল্যা রাজমাতা ।


অকম্বুতী বশিষ্ঠের পত্নী ।

আত্রেয়ী বাল্মীকির ছাত্রী ।


বসুমতী সীতার প্রসূতি ।

গঙ্গা জলদেবী ।

রাজমাতৃগণ, শান্তা এবং বিদ্যাধরী প্রভৃতি ।



জানকী নাটক।



প্রথম অঙ্ক।

প্রথম গর্ভাঙ্ক।

অযোধ্যা, অশোকবন।

তরলিকা এবং তমালিকা সখী কুসুমচয়ন
করিতেছে।

তর। সখি, আমি কাল বড় এক আশ্চর্য্য স্বপ্ন
দেখেছি। তার মর্ম্ম যে কি, ভেবে ঠাউরতে পাচ্ছি
না। কিন্তু সেই স্বপ্ন দর্শন অবধি মন বড় কাতর
হয়েছে।

তমা। কি স্বপ্ন সখি, বলনা?

তর। সখি, স্বপ্নে দেখি কি, যেন আমি এ-
কটি মনোহর উপবনে উপস্থিত হয়েছি—”

তমা। তারপর।

তর । তারপর সেই বাগানের এক ধারে দেখি, একটি হীরকখচিত আলবালের মধ্যে একটি মরকতময় সহকার তরু, একটি স্বর্ণ মাধবীলতা সেই তরুবরকে বেষ্টিত করে রয়েছে । মাধবীলতার কুসুম প্রসবকাল নিকটবর্তী, মুকুল উদ্গত হয়েছে । সখি তমালিকে, সেই স্বর্ণ মাধবীলতার মাধুর্যের কথা আর আমি একমুখে কি বোলবো ! এখন দেবীকে দেখলে যেমন নয়নের উৎসব জন্মে, সেই কুসুম প্রসবোন্মুখী হেমময়ী মাধবীলতাকেও দেখে তেন্নি আহ্লাদের সঞ্চোর হতে লাগলো ।

তমা । সখি, কোন রমণীয়বস্তু দেখলে আপনিই মনে আহ্লাদ উপস্থিত হয়—তারপর ?

তর । সখি, আমি সতৃষ্ণনয়নে মাধবীলতার শোভা দেখুচি, এর মধ্যেই হঠাৎ একটা বায়ু বায়ু এসে, সেই মাধবীলতাকে ছিন্নভিন্ন করো একবারে উন্মূলিত করে ফেলো । আমি অমনি “অ! নিষ্ঠুর প্রভঞ্জন ! কি কল্লি !” বলে চেচিয়ে উঠলাম, আর নিদ্রা ভঙ্গ হল । সখি, সেই অবধি, কি জানি আমার মন কেমন কচ্ছে । অদেখে কি ঘটেবে, বলতে পারিনা ।

তমা । তাইত সখি, আমিও এম্বপনের কোন ভাব উদ্ধার কতে পাচ্চিনা । তা যদি স্বপনটা কোন অমঙ্গল ঘটনার অগ্রগামী হয়, রঘুকুল দেবতার মঙ্গল করবেন ।

জানকী নাটক !

৩

তমা । সখি, যাই হোক, ভাবী অমঙ্গল নি-
রাকরণ জন্যে রঘুকুল দেবতাদিগে বোড়শোপচারে
পূজ দিতে হবে । কেননা ঐদেববলের উপর আর বল
নাই ।

তমা । হাঁ, এত কতেই হবে । এখন শীগ্রি
শীগ্রি ফুল তুলে নাও । (কুমুমচয়ন, কিঞ্চিৎকাল
পরে) সখি, অনেক দিন হতে আমি তোমায় একটি
কথা জিজ্ঞাস্যবো, ভাব্চি, মনেও হয় না—”

তর । বলনা ।

তমা । না, এমন কিছু নয় ; বলছিলাম কি আ-
র্য্যশান্তা আমাদের মহিষীর ননোদ হলেন কোন্
সম্প্রদেয়ে ?

তর । বেশ, তুমি কি আজ্ঞে একথাটা জাননা !

তমা । না সখি, এখানকার পুরণো ঘটনাগুলি
আমি জান্‌বো কেনন করে ? আমিও এখানকার
মানুষ নই । মিথিলার রাজপরিবারের অনেক ভদ্র
আমরি জানা আছে ।

তর । আর্য্যশান্তা, আমাদের মহারাজের জন্ম-
গ্রহণের পূর্বেই মহাদেবী কৌশল্যার গর্ভে জন্মগ্র-
হণ করেন ; কিন্তু অধিরাজ দশরথ তাঁর প্রিয়বন্ধু
অঙ্গদেশের রাজা লোমপাদকে কন্যাটী দত্তক
দ্যান । অঙ্গরাজ মহর্ষি ঋষ্যশৃঙ্গকে সেই কন্যা সম্প্র-
দান করেন । এই সময়ে আর্য্যশান্তা রাজমহিষী
জানকীর ননোদ ।

তমা। এতক্ষণে বুঝলাম। তাতেই রাজমাতারা
জামাতা। স্বয়ংস্বরের যজ্ঞে গিয়েছেন। মহিষী গর্ভ-
বতী, তবু অপেক্ষা করেন নাই।

তর। সখি, দেবী গর্ভবতী না থাকলে আমরাও
যেতাম। মহিষী গেলেন না, আমাদেরও যাওয়া হ-
লনা।

তমা। সখি, তুমি আমোদ প্রমোদ বড় ভাল-
বাস, যজ্ঞে যেতে না পেরে বড় দুঃখিত হয়েছ—”

তর। না সখি, দুঃখু কি।

মাধবিকার প্রবেশ।

মাধ। বেশ সখি বেশ! এখনিত তোমাদের
ফুলতোলার সময়! এদিকে আমরা দেবীকে নিয়ে
শশব্যস্ত, তোমরা আপনার আমোদেই আছ। জা-
মহিত যে রাজমাতারা জামাতার যজ্ঞে গিয়েছেন,
অন্তঃপুর এক প্রকার জনশূন্য বলে হয়। তোমরা
এখন সর্বদা দেবীর কাছে থাকবে, ছুট আমোদ
প্রমোদ করো তাঁর মন সুস্থির রাখবে, না আপনা-
দের আমোদ প্রমোদ নিয়ে মেতে পড়েচ। ভাল
তোমাদের বিবেচনা!

তর। সখি, আমরা ছায়ার মত দেবীর সঙ্গে
সঙ্গেই আছি—”

তমা। সখি, আমি এইমাত্র দেখে এলেম মহিষী

জানকী নাটক ।

৫

রাজর্ষি জনকের সঙ্গে আলাপ কচ্ছেন । তা একটু অবসর পেয়ে একবার বাগানে এলেম, ভাবলেম কতক গুল ফুল তুলে দেবীর জন্য মনের মতন করে এক ছড়া হার গাঁথি । তা এর মধ্যে কি এমন তুল হয়ে গেল ?

মাধ । সখি, রাজর্ষি জনক সংসারব্রত এক প্রকার উজ্জাপন করে বসেচেন, এখন কেবল ঈশ্বরোপাসনাই তাঁর নিত্যকর্ম । রাজর্ষি বড় মমতায় ঠেকেই কদিন এখানে ছিলেন, তা তিনিও এই মাত্র মিথিলায় গমন কল্লেন, তাতেই দেবী বড়ই আকুল হয়ে পড়েচেন । আমরা কোনমতেই তাঁকে সান্ত্বনা কতো পাচ্ছি না, তাতেই চতুরা সখী বল্লেন যে “ মাধবিকে ! তুমি তমালিকা আর তরলিকাকে ডেকে আন গে, ওরা এখন খানিক গানটান শুনিয়ে মহিষীর চিত্তরঞ্জন করবে । ” তাই তোমাদের সন্মানে এলেম, চিত্রশালা সঙ্গীতশালা সব দেখে আস্চি ।

তমা । তা চল যাই, আমাদেরও ফুল তোলা হয়েছে ।

সকলের গমন ।

ইতি প্রথম গর্ত্যাক ।

(চিত্রশালা) —

—ত বুঝে। তাই। কবিতা কিসকি। কবিতা কিসকি।

দ্বিতীয় গর্ভাঙ্ক।

কবিতা কিসকি। কবিতা কিসকি। কবিতা কিসকি।

কবিতা কিসকি। কবিতা কিসকি। কবিতা কিসকি।

সীতার মন্দির।

—কবিতা কিসকি। কবিতা কিসকি। কবিতা কিসকি।

—কবিতা কিসকি। কবিতা কিসকি। কবিতা কিসকি।

রাম সীতা আসীন।

—কবিতা কিসকি। কবিতা কিসকি। কবিতা কিসকি।

—কবিতা কিসকি। কবিতা কিসকি। কবিতা কিসকি।

—রাম। প্রিয়ে, গুরুজনেরা কি আমাদিগে বিস্মৃত হতে পারেন? যদিও রাজর্ষি অদ্য মিথিলায় গমন করেছেন, তবুও তাঁর স্নেহ আমাদের প্রতি পূর্ব-বৎই রয়েছে, কিছুকাল পর আবার তাঁর দর্শন লাভে আমাদের আত্মা পরিতৃপ্ত হবে। তিনি এখানে নিয়ত থাকলে তাঁর তপস্যার বিষয় হয় যে—

সীতা। নাথ! তা আমি জানি, কিন্তু তবু মন তাঁর অদর্শনে অত্যন্ত আকুল হচ্ছে।

রাম। (সহাসে) পিতৃবৎসল কন্যাদের এক রূপ হয়েই থাকে।

কঞ্চুকীর প্রবেশ।

—কবিতা কিসকি। কবিতা কিসকি। কবিতা কিসকি।

কঞ্চু। রামচন্দ্র!—না না, মহারাজ অযোধ্যা-নাথ—(নিস্ক্র)।

—কবিতা কিসকি। কবিতা কিসকি। কবিতা কিসকি।

জানকী নাটক ।

৭

রাম । (সহাস্যবদনে) বল বল, শঙ্কা কি ? তো-
মরা আমার পিতার সহচর, আমাকে ব্যাল্যকাল হ-
তেই রামচন্দ্র বলে আসুছ, যা অভ্যাস হয়ে গি-
য়েছে, বল ।

কঞ্চু । প্রভুর এরূপ সৌজন্যে অধীনেরা আ-
পনাদিগে সৌভাগ্যশালী জ্ঞান করে ।—ভগবান্ শ্রী-
শঙ্করের আশ্রমহতে মহর্ষি অষ্টাবক্র আগমন করে-
ছেন ।

রাম । কৈ—তিনি কোথায় ?

সীতা । শীঘ্র আস্তে বল ।

কঞ্চু । যে আজ্ঞে ।

[গমন ।]

অষ্টাবক্রের প্রবেশ ।

অষ্টাবক্র ।

যিনি সর্বসার, সর্বাধার ; নিরঞ্জন, নিরাকার ;
নির্বিকার, নির্বিকার ; নিত্য নিরাময়—

যিনি নিত্য নিরাময় ;

যিনি অনাদি, অখিল স্বামী ; সর্বেশ, সর্বত্র গামী
অনুরাত্না, অনুরামী ; নিখিল আশ্রয়—

যিনি নিখিল আশ্রয় ;

যিনি বিশ্বকর, বিশ্বধর ; বিশ্বহর, বিশ্বেশ্বর ;
 বিশ্বজন-অগোচর ; অভয় অব্যয় —
 যিনি অভয় অব্যয় ;

সেই পরমেশ পরাংপর ; সকলমঙ্গলাকর ;
 মঙ্গল করুন তব, হইয়া সদয় —
 তিনি হইয়া সদয় ।

রাম এবং সীতা । প্রণাম (আসন প্রদান পূর্বক)
 উপবেশন কতে আজ্ঞা হউক ।

[অষ্টাবক্রের উপবেশন ।

রাম । ভগবান ঋষ্যশৃঙ্গের কুশলত ? নির্বিঘ্নে
 যজ্ঞ হচ্ছে ?

সীতা । আমার গুরুজনসকল আর ননোদ ত
 ভাল আছেন ? তাঁরা কি আমাদিগে মনে করেন ?
 না যজ্ঞের আমোদ প্রমোদে বিম্বৃত হয়েছেন ?

অষ্ট । হাঁ দেবি, ভগবান ঋষ্যশৃঙ্গ আপনাকে
 স্নেহ প্রদর্শনপূর্বক বলেছেন “বৎসে ! তুমি
 পূর্ণগর্তী, এজন্য তোমায় যজ্ঞে আনা হয় নাই, এই
 অপরাধে আমি যেন তোমার বিরাগভাজন না হই,
 যজ্ঞপূর্ণ হলেই আমরা সকলে অযোধ্যায় গিয়ে
 তোমার অঙ্কদেশ একবারে নবকুমারে সুশোভিত
 দেখে নয়নের চরিতার্থতা লাভ করবো ”

জানকী নাটক।

২

সীতা। (সলজ্জভাবে) ভগবতী অকস্মতী ভাল
আছেন ?

অষ্ঠ। হাঁ তিনি আর শান্ত। মহারাজকে ব-
লেছেন “বধূ গর্ভবতী, এমনয়ে তার যে কিছু অ-
ভিলাষ হয় অবশ্য তা পূর্ণ করবে।”

রাম। (স্বগত) একথা বলা বাহুল্য। (প্র-
কাশে) গুরুজনের আজ্ঞা অবশ্য প্রতিপাল্য।

অষ্ঠ। দেব, বশিষ্ঠদেব আপনাকে বলে-
ছেন “বৎস রাঘব ! জামাতার বজ্ঞানুরোধে আমা-
দিগে এখানে আরো কিছুদিন অবস্থিতি কতো
হবে ; তুমি বালক, কয়েক দিনমাত্র রাজপদে ব-
রিত হয়েছ ; সাবধান ! প্রজারঞ্জন কার্যে যেন
অণুমাত্রও শৈথিল্য না হয়। প্রজারঞ্জকতা গুণেই
রঘুবংশীয়েরা বিখ্যাত, এটা যেন সর্বদা স্মরণ
থাকে।”

রাম। মহর্ষে, আপনি তাঁর চরণারবিন্দে আ-
মার প্রণাম উপহার প্রদান করো বলবেন, “যদি
প্রজাগণের অনুরঞ্জন নিমিত্ত আমায় পৃথিবীর সমু-
দয় সুখভোগে বঞ্চিত হতে হয়, এমন কি স্নেহ, মমতা
বিসর্জনপূর্বক প্রাণপ্রতিমা জানকীকেও ত্যাগ কতো
হয়, তাতেও আমি কিছুমাত্র কাতর হবনা। তিনি
যেন নিশ্চিন্ত থাকেন ; আমি প্রজারঞ্জন কার্যে
নিয়তই অবহিত আছি।”

সীতা। (স্বগত) এমন না হলে সংসারের

লোকে একবাক্য হয়ে প্রাণবল্লভকে প্রজারঞ্জন বলে প্রশংসা করবে কেন।

অষ্টা । ভগবান্ বশিষ্ঠদেব দেবীকে আরো বলেছেন “বৎসে ! পৃথিবী তোমার জননী, রাজর্ষি জনক তোমার পিতা, আর মহাকর মিহিরদেব আর আমরা যাদের গুরু, তুমি তাঁদের বধূ ; পৃথিবীতে যা যা প্রার্থনীয় তা সকলই তুমি লাভ করোছ । তোমায় আর কি আশীর্বাদ করব ; অহরহ এই প্রার্থনা করি, বীরপুল্লবতী হও ।”

রাম । অনুগৃহীত হলেম, ব্রহ্মজ্ঞ মহর্ষির আশীর্বাদ অবশ্যই সফল হবে।

অষ্টা । সন্ধ্যা নিকটবর্তিনী হয়েছে ; হে রাজবেন্দ্র ! আমি এক্ষণে বিদায় হই।

রাম এবং দীতা । প্রণাম।

অষ্টাবক্রের প্রস্থান ।

রাম । প্রিয়ে ! আমাদের প্রতি গুরুজনের আন্তরিক স্নেহ বলতে হবে—

চিত্রপট হস্তে লক্ষ্মণের প্রবেশ ।

লক্ষ্মণ । দেব এই সেই চিত্রপট, আপুনি যা চিত্র কতে আদেশ করেছিলেন।

জানকী নাটক।

১১

রাম। (ব্যঞ্চিত্তে) ঠেক দেখি, কি পর্যন্ত
চিত্র করা হয়েছে।

লক্ষ্মণ। দেবীর অগ্নিশুদ্ধি পর্যন্ত।

রাম। হায়! স্বভাবশুদ্ধ পদার্থের আবার
শোধন! তীর্থজল, অনল কি অন্য হতে শুদ্ধ হয়ে
থাকে? কিন্তু লোকরঞ্জন কি দুর্লভব্রত! আমাকে
একসময় তাও কতে হয়েছিল!

সীতা। নাথ! আপনি কুলোচিত কর্মই ক-
রেছিলেন, না কলে নির্মল রঘুকুলে কলঙ্ক হত,
আর আমিও লোকাপবাদ হতে মুক্ত হতে পার-
তেননা। প্রিয়তম! আর ও কথায় কাজনাই, এখন
চিত্রপট দেখা যাক (চিত্রপট দর্শন)।

সীতা। (অঙ্গুলিদ্বারা নির্দেশপূর্বক) নাথ,
এসকল কি?

রাম। জুস্তকাস্ত্র। এই অস্ত্রগুলিন প্রথমতঃ
ভগবান কৃষ্ণাশ্ব মুনি দেবগণের নিকট হতে ত-
পস্যা করে প্রাপ্ত হন, রাজর্ষি বিশ্বামিত্র তাঁর নি-
কট হতে লাভ করেন, তিনি তাড়কানিধন সময়
আমাকে প্রদান করেছিলেন।—হে মহাস্ত্রগণ! দে-
বীপুত্র ভূমিষ্ঠ হলে তোমরা তার অনুগত হয়ো।

লক্ষ্মণ। (নির্দেশপূর্বক) এই মিথিলা বৃত্তান্ত।

সীতা। (সোৎসুক) ঠেক! (দৃষ্টিপূর্বক) হাঁ
তাইত, কি আশ্চর্য্য, অবিকল চিত্র করেছে! এই
যে ইন্দীবরপুঞ্জের ন্যায় সুকোমল শরীর আর্ঘ্য-

পুত্র অবিকল চিত্রিত রয়েছে।—এই যে তোমরা চারিভ্রাতাই বিবাহবেশে!—আহা! এসকল দেখে বোধ হচ্ছে যেন, সেই সময়ে আমি—”

রাম। হাঁ, হাঁ, যেন সেই সময়ই উপস্থিত, যে সময় পুরোহিত শতানন্দ তোমার কমনীয় এই করপল্লব আমার করতলে স্থাপন করো সম্প্রদান করেছিলেন। ভাল প্রিয়সি! তোমার কি সে সকল কথা মনে পড়ে? সেই আমরা চারিভ্রাতা একত্র বিবাহ করো, পথে ভৃগুরামের বীরদর্প চূর্ণপূর্বক অযোধ্যায় এলেম। আমার জননীরা তোমার বদনেন্দু চূষনপূর্বক উৎসঙ্গে ধারণ করো গৃহে গমন কল্লেন, আমি তোমার উত্তরীয় বসনে বদ্ধ হয়ে পশ্চাৎ পশ্চাৎ চল্লেম। সেই সময় মঙ্গলধ্বনি হতে লাগলো, পুরবাসীরা লাজাঞ্জলি ক্ষেপণ কন্তে লাগলো—”

সীতা। এই সকল ব্যাপার চিত্রপটে দর্শন করো সেই সুখের সময়—সেই সুখের অবস্থা মনে পড়্চে।

রাম। আমরা বিবাহ করো এলে কত উৎসবে দিন পাত হয়েছিল! জনকেরই বা কত আহ্লাদ! জননীরা নববধুদিগে পেয়ে কেমন আহ্লাদ সাগরে মগ্ন হয়েছিলেন! তাদের প্রতি কত যত্ন—কত মমতা প্রকাশ কল্লেন! রাজভবন নিরন্তর আহ্লাদ

জানকী নাটক ।

১৩

পূর্ণ। নগর উৎসবময় !—হায় ! সে সকল আনন্দ
আমাদের দিন আমাদের কোথায় গেল !

লক্ষ্মণ। এই ভগবতী ভাগীরথী।

রাম। হে মাতঃ রঘুকুলদেবি ! তোমায় প্রণি-
পাত করি। আমার পূর্বপুরুষ ভাগীরথ দুর্জয় তপস্যা
কর্যে তোমাকে পৃথিবীতে এনে ছিলেন। মাতঃ !
তোমার আগমনে ধরিত্রী পবিত্র হয়েছেন, তুমি
ভগবতী অকলুষতার ন্যায় আমাদের প্রতি স্নেহবতী,
তোমার কুলবধু সীতার প্রতি সর্বদা স্নেহ থেকে।

লক্ষ্মণ। এই গোদাবরী—এই কালিন্দীতটে শ্যাম
বট, মহর্ষি ভরদ্বাজ যার পরিচয় দিয়েছিলেন—এই
গোদাবরীর অদূরে প্রস্রবণপর্বত। এস্থান অতীব ম-
নোহর।

রাম। প্রিয়ে ! আমরা বেলাবসানে এই গোদা-
বরীর তীরে ভ্রমণ কর্যে বেড়াইতাম, তোমার কি স্মরণ
হয়, সেই একটা রূহৎ শুশুক সহসা গোদাবরীর জল-
রাশি হতে উদ্ভূত হয়ে পুনরায় নীরে নিমগ্ন হলে,
তুমি আমাকে তার কারণ জিজ্ঞাসা করলে, আমি শুশুক
স্বভাব বর্ণন কর্তে কর্তে তোমার কমলকর গ্রহণপূর্বক
কুটিরে প্রত্যাগত হলেম।

লক্ষ্মণ। এই পঞ্চবটীতে শূর্ণনখা।

সীতা। হা আর্ঘ্যপুত্র ! আর তোমায় দেখতে
পাব না—” [অক্রপাত।

রাম। প্রিয়ে, এ যে চিত্রপট। (২)

লক্ষ্মণ । এই স্থানে রাক্ষসকুলকুঠার দশানন কন-
ককুরঙ্গ প্রেরণ করো যে কুকার্য্য করেছিল, তার সম্যক
প্রতিফল দেওয়া হয়েছে, তবুও সে সকল কথা স্মরণ
হলে মনের কি অবস্থাই হয় ! এই জনশূন্য বনস্থলে
আর্য্য ষ্ঠরূপ রোদন করেছিলেন, তা শ্রবণ করে পাশা-
নও গলিত হয়েছিল ।

সীতা । (সজলনয়নে) হায় ! এ হতভাগিনী
প্রাণবল্লভের অঙ্গ ক্লেশকারিণী হয় নাই ।

লক্ষ্মণ । (স্বগত) এ সকল আর দেখাবনা, অন্য
দিক দেখাই । (প্রকাশে) দেবি ! এই চিত্রকূট প-
র্ব্বত,—এই কবন্ধের স্থান,—এই দণ্ডকারণ্য,—এই ঋ-
ষ্যমুখ পর্ব্বতে মতঙ্গ মুনির আশ্রম,—এই পল্লাস-
রোবর—”

সীতা । আর্য্যপুত্র এখানে অধিক অধীর হয়ে
রোদন করো থাকবেন ।

রাম । প্রিয়ে ! এই সরসীর সুবিমলসলিলে সর-
কহ সকল প্রসঙ্গ টিত হয়ে সর্ব্বদা শোভা বিস্তার করতো,
কিন্তু তোমা বিরহে সে সকল শোভা আমার চিত্তবি-
নোদন কর্ত্তে পার্ভিনা, আমি কেবল নয়ন সলিলে এর
বারি বৃদ্ধি কর্ত্তাম ।

সীতা । নাথ ! আর বলোনা, এর পর আর সহ
কর্ত্তে পারিবোনা । অতিক্রান্ত দুঃখের কথা সকল স্মরণ
কল্পে মনোবেদনা জন্মে, বোধ হয় যেন সেই সকল
দুঃখ ফিরে এল । (চিত্রপটে নির্দেশপূর্ব্বক) দেবর !

এ কোন্ পর্বত ? যাতে কদম্বকুম্বসকল প্রফুল্লিত
হয়েছে, ময়ূর সকল নৃত্য কর্ছে, আর নূতন জলধরজলি
যার শৃঙ্গ সকল আশ্রয় করে রয়েছে।

লক্ষ্মণ। এ মাল্যবানপর্বত। এই পর্বতেই আমরা
বর্ষাকাল অতিবাহন করি।

সীতা। এর পর আর কি চিত্র করা হয়েছে ?

লক্ষ্মণ। এর পর আর্যের বানর আর রাক্ষসের
সঙ্গে যে সকল ঘটনা হয়, তাই চিত্র করা হয়েছে।

সীতা। (রামের প্রতি) আর্যপুত্র ! এই চিত্র
পট দেখে আমার কিছু অভিলাষ হচ্ছে।

রাম। (সাহ্লাদে) প্রিয়ে ! কি অভিলাষ ?

সীতা। আমার অভিলাষ হচ্ছে, যে সেই সকল
শান্তিরসাম্পদ আশ্রমে কিছুকাল বাস করি। আর
ভগবতী ভাগীরথীর তীরে ভ্রমণ করি। প্রাণবল্লভ,
এটি আমার গর্ভদোহদ বিশেষ।

রাম। লক্ষ্মণ !

লক্ষ্মণ। আজ্ঞে করুন।

রাম। ভ্রাতঃ ! গর্ভদোহদ শীঘ্র সম্পন্ন করা আ-
বশ্যক। বিশেষতঃ এবিষয়ে গুরুজনেরাও অনুরোধ
করেছেন। তুমি শীঘ্র সুমন্ত্রকে রথ প্রস্তুত করতে
বল।

লক্ষ্মণ। যে আজ্ঞে।

সীতা। মাথ ! তোমাদিগেও যেতে হবে।

[লক্ষ্মণের গমন।]

রাম। প্রিয়ে! তোমার মন এত কঠিন! একথা
কি আবার বলতে হয়।

সীতা। তবে ভাল। (ক্ষণেক পর) নাথ! চিত্র-
পট দেখে আমার মন কেমনই কর্চে, কথাবার্তায়
ক্লান্ত হয়েছি, তবুও নিদ্রা আসছেন।

রাম। দেবি, চিত্রই তোমার চিত্তচঞ্চল্যের
কারণ, সন্দেহ নাই।

(নেপথ্যে বিবিধ বাদ্যধ্বনি)

গান।

রাগিনী বেহাগ। তাল মধ্যমানের ঠেকা।

মনের মতন যদি, প্রকৃত প্রণয়ী পাই।

কিছার সে স্বর্গবাস, আর তাহা নাহি চাই।—

প্রিয়জন আলাপন, করে সুখা বরষণ,

স্বর্গীয় সুখায় মম কোন প্রয়োজন নাই।

রাম। দেবি! তোমার সঙ্গিনীরা কি সময়চতুর!
উপযুক্ত সময়েই গান আরম্ভ করেছে।

—প্রিয়জন সংমিলনে, যদি বাস করি বনে,

তাহলে ভাবিব মনে আছি সুরপুর—

প্রিয় শূন্য স্বর্গবাসে, প্রেমিকে না ভাল বাসে

স্বইচ্ছাতে কারাবাসে, কে প্রবেশে বল তাই?

রাম । দেবি ! মনের সুখই সুখ । দেখ, আমরা বনে
পর্ণকুটিরে বাস করে,—পল্লব শয্যায় শয়ন করে যেমন
সুখ অনুভব করেছি, এই সুরমা নিকেতনে বাস করে,
সুকোমল শয্যায় শয়ন করে, সেই সুখ অনুভব করেছি ।

গান ।

নেপথ্যে । রাগিনী বাহার তাল আড়া ।

হৃদয়ভাণ্ডারে রাখ সযতনে প্রেমধন ।

বিষমবিরহ চোরে করেনা যেন হরণ ।

সদা সাবধানে থাকো, মনোরে প্রহরী রাখো,

যেন মন, অনুক্ষণ, সেধন করে রক্ষণ ।

রাম । প্রিয়তমে ! এগানটী প্রেমিকদের মনের-
মতন । সন্দেহ নাই ।


সীতা ! হে প্রাণবল্লভ, আমি তোমার প্রেমধন
নিয়ত হৃদয়ভাণ্ডারে—(নিস্তব্ধ) ।

রাম । (বলমানপূর্বক) অয়ি সরলে ! একথা
কি বলার অপেক্ষা করে ।

সীতা । নাথ ! আমার নিদ্রাবেশ হয়েছে ।

রাম । দেবি, তবে শয়নাগারে যেয়ে শয্যার
কোমল অঙ্কে শয়ন করিগে, চল । [সীতার হস্তধারণ
পূর্বক শয়নগৃহে গমন ।

তৃতীয় গর্ভাঙ্ক।



সীতার শয়নমন্দির।

সেবিকা, মাধবিকা আসীনা।

মাধ। (মালাগ্রন্থন করিতে) সখি! তার পর।
দেবিকা। তার পর, মহিষী বল্লেন “দেবিকে!
তুমি একটি উপকথা বল।” আমি কথা আরম্ভ
কল্লেম।

মাধ। দেবী উপকথা শুনতে বড় ভালবাসেন।
সেবিকা। হাঁ, ভালবাসেন, বিশেষতঃ যে উ-
পকথায় নায়িকার পতিভক্তি, নিৰ্ম্মলস্বভাব, নায়-
কের অনুকূলতা প্রকাশ পায়, সে কথা দেবীর বড়ই
প্রিয়।

মাধ। সখি, অমূল্য রত্ন ভূষণ, রমণীদের ভূষণ নয়,
রমণীদের পতিভক্তিই বহুমূল্য ভূষণ, যে কামিনীর
সরলমন, নিৰ্ম্মলচরিত্র, গুরুজনে শ্রেদ্ধা, সেই অব-
লাকুলে উজ্জ্বলরত্ন।

সেবিকা। বথার্থ কথা। সখি, দেখ কেননা, মহিষী
এই পতিভক্তিতেই কুমুমসুকুমারী রাজকুমারী হয়েও
নাথের সঙ্গে বনগামিনী হয়েছিলেন—”

মাধ । সখি, দেবীর যেমন স্বভাব, তেমনি মন, তেমনি মমতা—মহিষী আমাদিগে কি অগ্নি ভালবাসেন !—(মাল্য প্রদর্শনপূর্বক) সখি, দ্যাখ দেখি, কেমন গাঁথা হল ।

সেবিকা । সখি, বারবার নাই হয়েছে, সংযোগ স্থানটী চেনা যায় না ।

মাধ । দেখি, তোমার কুসুমস্তবক বাঁধা হল কেমন ।

সেবিকা । (প্রদর্শন পূর্বক) বড় ভাল বাঁধতে পার্চিনা ।

মাধ । এখানে গোটা চার গোলাপফুল দাও ।

সেবিকা । (গোলাপ দিয়া) কেমন সখি, হয়েছে এখন ?

মাধ । হ্যাঁ, এখন বেশ হয়েছে । (আকাশে দৃষ্টি পূর্বক) রাত্রি প্রায় এক প্রহরের অধিক হয়েছে না ?

সেবিকা । হ্যাঁ, হয়েছে বই কি । এই যে শশধর কেমন উজ্জ্বলবেশ ধারণ করেছেন—” (নেপথ্যে পদ-শব্দ) অই, মহারাজ আসছেন—

[উভয়ের গত্রোস্থান ।

রাম এবং নীতার প্রবেশ ।

সেবিকা । মহিষীর জয় হোক ।

মাধ । দেবি ! আমরা অনেক যত্নে এই সেবতী-কুসুমেরহার গেথেছি, আপনাকে পরতে হবে ।

সীতা । সখি ! তোমাদের স্নেহের পুরস্কার,
আমি রত্নহার হতেও বহুমূল্য জ্ঞান করি ।

রাম । কৈ, দেখি কেমন হার ?

[সখীর মাল্য প্রদান ।

রাম । (সীতার গলদেশে মাল্য প্রদান করিয়া)

আহা ! এই সেবতীহার মুক্তাহার অপেক্ষাও মনোহর
দেখাচ্ছে ।

নাথ । আমাদের শ্রম সার্থক হল । এখন আমরা
বিদায় হই ।

[সখীদ্বয়ের গমন ।

রাম । (সহাসে) দেবি, এখন আমার ঐ হারের
প্রতি ঈর্ষ্যা হচ্ছে ।

সীতা । কেন নাথ ! হার উপবনের কুসুম
বহিত নয়, ওর উপর এত রাগ কেন ?

রাম । সরলে, ঐ কুসুমহার এখন যে হ-
দয়রাজ্য অধিকার করেছে, ঐরাজ্য ত আমার ম-
নের, তা আপনার প্রেমাস্পদ স্থানে অন্যকে বি-
লাস কর্তে দেখলে কার না হিংসা হয় ?

সীতা । (সহাসে) অয়ে নাথ প্রিয়স্বদ !
(ক্রোড়ে শয়ন) প্রাণবল্লভ ! সুবর্ণপালঙ্গে, পয়ফেণ
শয্যায় শয়ন করেও আমার তত সুখ বোধ হয় না,
এই শয্যায় শয়ন করে যত সুখ বোধ হয় । (নিদ্রা) ।

রাম । এতক্ষণে দেবীর নিদ্রা হয়েছে । নিশ্বাস
প্রশ্বাসে পাবর কুচযুগলের মধ্যস্থিত মুক্তামালা কম্পিত

হচ্ছে। আহা! এসময় প্রেয়সী কেমন প্রিয়দর্শনা হয়েছে! আমি নিরন্তর প্রাণেশ্বরীর লাবণ্যমুখা পান করে আস্চি; কিন্তু কি আশ্চর্য!—প্রীতির কেমনই অনির্বচনীয় ক্ষমতা! তবুও দর্শনলালসার তৃপ্তি হচ্ছেনা। (সীতার গাত্রে হস্তাবমর্ষণ।)

কিয়দূরে দুর্মুখের প্রবেশ।

দুর্মুখ। (স্বগত) মহারাজ অযোধ্যানাথের ধর্ম্মাধিকরণে অনেকেই অনেক পদে প্রতিষ্ঠিত আছেন; কিন্তু এ অভাগার যেমন পোড়া অদৃষ্ট, তেমনি পদ!—পদটা কি?—না। দূতের—হুঁ! এ পদে যে কি সুখ, তা আমার মত হতভাগ্য দূতেরাই জানে। অন্যের কি? যেমন মনে আসে, সেইরূপ বলে। এপদে পদে পদে বিপদ সম্ভাবনা। দূতকে সর্বদাই লোকের দ্বারে দ্বারে ভিক্ষুকের মত ঘুরতে হয়, কে কোথায় কি মন্ত্রণা করে,—কে কোন্ দেশীয়ের সঙ্গে কি অভিপ্রায়ে, কি আলাপ করে, সকল সংবাদই রাখতে হয়। প্রাণের আশা পর্যন্ত পরিত্যাগ করে, বিপক্ষের শিবিরে প্রবেশ কর্তে হয়। কণ দুটি যেন পরের মন্ত্রণা শুনবার জন্যে সর্বদা উন্নত হয়েই আছে। (কিঞ্চিৎ অগ্রসর হইয়া) আর পারিও না, জগতের দীন দুঃখী সকলেই এই সময় নিদ্রার কোলে সুখে শয়ন করে শান্তিদূর করছে, আমি

গ্রাম্যকুকুরের মত, নগরময় ঘুরে মর্চ্চি । (বিরক্তচিত্তে)
না আমি কালই এপদ পরিত্যাগ করবো । (ক্ষণেকপর)
আজ যে দুঃসমচার উপহার নিয়ে মহারাজের কাছে
চলেছি, হয়ত এসংবাদ শ্রবণমাত্রই মহারাজ এ হত-
ভাগাকে বর্জন করবেন । হে বিধাতা ! আমি একান্ত
মনে তাই প্রার্থনা করছি, যেন এইরূপই ঘটে ।

[শয়ন মন্দিরের নিকট গমন ।

সীতা (স্বপ্নাবেশে) নাথ ! তুমি এসময় অভাগি-
নীকে পরিত্যাগ করে কোথায় নিশ্চিন্ত হয়ে রইলে ?

রাম । আহা ! আমার প্রতি প্রেয়সীর কি
প্রীতি ! চিত্রপটদর্শন সময় প্রাণেশ্বরীর মনে যে
আমার বিরহভাবনার আবির্ভাব হয়েছিল, স্বপ্নে
সেই ভাব উদ্ভূত হয়েছে । (সীতার গাত্র হস্তাবর্ষণ
পূর্বক) প্রিয়ে ! তুমি নিদ্রায় অভিভূত রয়েছ,
আমাকে সম্ভাষণা করছনা । তবুও তোমার লাবণ্যময়ী
তনুলতার মাধুরী আশ্বাদনে আমার অন্তঃকরণ কেমন
অনুপম—অনির্বচনীয় আনন্দরসে আর্দ্র হচ্ছে । অয়ে
জীবিতেশ্বরী জানকি ! প্রাণান্তেও তোমার বদন
চন্দ্র বিম্বত হতে পারবো না । প্রিয়ে ! তুমি কতদিনে
—আর কতদিনে প্রস্তুতবতী হয়ে, নবকুমারকে উৎ-
সঙ্গে লয়ে, সন্মুখে চুম্বন করতে করতে আমার ক্রোড়ে
প্রদান করবে ? আমি কতদিনে এই সংসার আশ্রমের
সেইসারসুখ অনুভব করে মানবদেহ ধারণের সার্থকতা
জানি করবো !

জানকী নাটক ।

২৩

দুর্মুখ । কঞ্চুকিন্ ! মহারাজকে বল, প্রজাদের
প্রাত্যহিক সংবাদ নিবেদনের নিমিত্তে দুর্মুখ দ্বারে
দণ্ডায়মান ।

কঞ্চু । অপেক্ষা কর ।

[কঞ্চুকীর গমন এবং কিঞ্চিপরে কঞ্চু-
কীর সহিত রামের দ্বারদেশে আগমন,
তদন্তর কঞ্চুকীর প্রস্থান ।

দুর্মুখ । মহারাজের জয় হোক ।

রাম । সংবাদ কি, বল ।

দুর্মুখ । সকল প্রজাই একবাক্য হয়ে মহারাজের
অখ্যাতি ঘোষণা—

রাম । (বিরক্ত চিত্তে) আঃ ! আমি সুখ্যা-
তির কথা শুনে চাইনা ; কোন অখ্যাতির কথা থাকে
ত বল, সংশোধনে চেষ্টা পাই ।

দুর্মুখ । (স্বগত) কি সর্বনাশ ! আমি কোন্
প্রাণেই বা দেবীর সেই লোকাপবাদ বলবো !—
অথবা হতভাগ্য দূতের কর্মই এই । (প্রকাশে)
মহারাজ ! একটি অখ্যাতির কথা আছে বটে ; কিন্তু
বলতে হৃদয় কম্পিত হয়, আমি যেরূপ শুনেছি, নিবে-
দন করি, অপরাধ গ্রহণ করবেন না । (কর্ণে কথন)

রাম । আহা হা ! (মূচ্ছা) ।

দুর্মুখ । (ক্রোড়ে ধারণ করিয়া) সর্পদংশন
মাত্রেই লোকে যেমন বিবর্ণ ও সংজ্ঞাহীন হয়, দে-

বীর অপবাদ-সংবাদ শ্রবণে মহারাজেরও যে সেই
রূপ অবস্থা ঘটলো। (অঞ্চল দ্বারা বীজন) দেব!
মৃচ্ছা ত্যাগ করুন—”

রাম। (চেতনা প্রাপ্ত হইয়া) হায় কি সর্ব-
নাশের কথা!—দুর্মুখ! যদি শতবজ্র এককালে আ-
মার এই বক্ষঃস্থলে পতিত হতো, তবুও আমি এরূপ
ব্যথিত হতেন না। হা আমি কি হতভাগ্য! অগ্নি
পরীক্ষাদি নানা উপায় কর্লেম, কিন্তু কিছুতেই দে-
বীর পরগৃহবাসাপবাদ আমাকে ত্যাগ কর্লে না।
রে অযশ! আমি কি তোর এতই প্রিয় হয়েছি!
(মৃচ্ছা)।

দুর্মুখ। কি সর্বনাশ! মহারাজ আবার মৃচ্ছিত
হলেন!—দেব, শান্ত হউন।

রাম। (সচেতন হইয়া) দুর্মুখ! এই ভয়ানক
সংবাদ শ্রবণ করো যখন আমার প্রাণবায়ু প্রস্থিত
হয় নাই, তখন যে এ হতভাগ্য শান্ত হতে—ঐর্ষ্য ধারণ
কর্ত্তে অশক্ত হবে, ভ্রমক্রমেও এরূপ মনে করো না।—
রে কৃতঘ্নপ্রাণ! তুই কি সুখের প্রত্যাশায় এখনো
দেহে অবস্থান করিচ্ছিস্?

দুর্মুখ। দেব, শান্ত হউন। বিবেচনা করো
দেখুন।—”

রাম। (দীর্ঘনিশ্বাস পরিত্যাগপূর্বক) রাজ্যস্পাদ
বিড়ম্বনার আস্পাদ!—ভয়ানক হিংস্র-জন্তু-সঙ্কুল-কানন,
দুর্ভুক্ত নীচাশয়-নিন্দুকপূর্ণ-সংসারাগ্রম হতে সহস্র

শুনে শ্রেষ্ঠ !—হায় ! আমি কেন কাননে কুটির নি-
র্মাণ করো প্রিয়তমার সহিত তাপসব্রত অবলম্বন
পূর্বক ব্রহ্মানন্দরসেমগ্ন হলেমনা !—দুর্মুখ ! আমি কি
কেবল অমুখ—অপবাদ—অযশলাভের জন্যেই রাজ-
পদে প্রতিষ্ঠিত হয়েছিলাম !

দুর্মুখ । দেব ! পৌরজনেরা দুর্জ্ঞান—”

রাম । না, না, পৌরজনের দোষ কি ? ইক্ষ্বাকু-
বংশে আমিই কুলান্ধার জন্মেছি ! যে বংশে হরিচন্দ্র,
সগর, মার্কাতা, ভগীরথ প্রভৃতি মহামহা মহাযশা-
সকল, জন্ম পরিগ্রহ করে বংশ উজ্জ্বলিত করেগিয়া-
ছেন, রাম—এ হতভাগ্যরাম সেইবংশ কলঙ্কিত, আর
তঁাদের যশশ্চন্দ্র মলিন কর্তেই জন্মগ্রহণ করেছে !
পিতা প্রাণাধিক আমাকে—আপনার জীবনকে পরি-
ত্যাগ করে অক্ষয়বংশ সঞ্চয় করেগিয়াছেন, আমি
তঁার তনয় হয়ে এরূপ অকীর্ত্তিভাজন হলেম্ ! পিতার
পবিত্রকুল কলুষিত কল্লেম্ !—হা পিতঃ ! আপনি
কেন আমাকে জন্মেরমত বনবাস দিয়েছিলেন না !
তাহলে ত আর আমাকে এরূপ মর্মান্তিক বেদনা পেতে
হতোনা, সূর্য্যবংশও কলঙ্কিত হতোনা !

দুর্মুখ । হে রাঘবেন্দ্র ! দেবীর অগ্নিপরীক্ষা
করা হয়েছে, তবুও অস্ত্র প্রজাদের কথায়—”

রাম । না, না, অগ্নি-পরীক্ষা দূরে হয়েছিল, কে
প্রত্যয় করবে ? আমি রাজ্যভার গ্রহণ করেছি, স-

কোপায়ে লোকরঞ্জন করাই আমার প্রধানধর্ম । আমাকে এখন লোকরঞ্জনানুরোধে জানকীকে পরিত্যাগ—
আ হা হা ! (মুচ্ছিত) ।

দুর্মুখ । দেব, অমন কথা ওষ্ঠাগ্রেও আনবেন না ।

রাম । (চৈতন্য পাইয়া) হা ! আমি কি এতই নিষ্ঠুর হয়েছি ! এ হৃদয় তো এখনও পাষাণময় হয় নাই !—এ নয়নতো এখনও জ্যোতিঃশূন্য হয় নাই !—হে মন ! তুমি কেমন করে এমন কল্পনা কল্লে ? জীবিতেশ্বরী জানকীকে পরিত্যাগ করা আর জীবন ত্যাগ করা, শেষই শ্রেয়ঃ । রে প্রাণ ! তুই এখনি এপাপ দেহ পরিত্যাগ কর, কল্লে আর এ হতভাগ্যরামকে নিরপরাধা জানকীকে পরিত্যাগ করো দুঃপনৈয় কলঙ্ক পক্ষে লিপ্ত হতে হয় না ! [রোদন ।

দুর্মুখ । দেব, এমন কথা ওষ্ঠাগ্রেও আনবেন না ।

রাম । দুর্মুখ ! যাও, তুমি যাও লক্ষ্মণকে বলগে । (কর্ণে কথন) ।

দুর্মুখ । (কিঞ্চিৎকাল নিস্তব্ধ থাকিয়া) কি সর্বনাশ ! কি সর্বনাশ ! হা দক্ষবিধাতা ! তোর মনে কি এই ছিল !

[দুর্মুখের প্রস্থান ।

রাম । আমি এক্ষণেই মহর্ষি অষ্টাবক্রের কাছে প্রতিজ্ঞা করে বল্লেম, “ যদি লোকরঞ্জনানুরোধে জা-

নকীকে পরিত্যাগ কর্তে হয়, তাও করবো।” এই দাক্ষণ
 দুর্ঘটনা। এতশীঘ্র ঘটবে বলেই কি আমার মুখ হতে
 এই কথা বার হয়েছিল ! হা দেবি জনকনন্দিনি !
 হা প্রিয়বাদিনি ! হা রাম-হৃদয় বল্লাভে ! হা অরণ্যবাস
 সহচরি ! হা পতিপরায়ণে ! পরিণামে তোমার ভাগ্যে
 এই ছিল !—হায় তোমার এমন অবস্থা ঘটবে, আমি
 স্বপনেতেও মনে করি নাই। হায় ! আমি এই
 মাত্র কল্পনার কত সুখই অনুভব করছিলাম, কি
 ভাবছিলাম, কি ঘটলো ! মানুষের মনোরথ একান্ত
 অলীক ! কুহকিনী আশা, কেবল প্রতারণা করে মাত্র।
 পূর্বে আমার একবার রাজ্যাভিষেকের আয়োজন হ-
 য়েছিল, কোথায় রাজ্যে অভিষিক্ত হয়ে সুখসন্তোষ
 করবো, না বনগামী হলেম ! তা সে সময় বনবাস
 আমার আদর্শ ক্ষোভের কারণ হয় নাই, কেননা তাতে
 প্রেমসী জানকীর বিচ্ছেদ সহ্য কর্তে হয় নাই।
 (কিষ্কিৎকাল নিস্তদ্ধ থাকিয়া) না, আর এ সকল
 চিন্তায় ফল নাই, যাই প্রেমসীর নিকট যাই, যেয়ে
 জন্মের মতন বিদায়—হা মাতঃ ! হা তাত জনক !
 হা দেবি বসুমতি ! হা ! কুলশুক বশিষ্ঠদেব ! হা
 ভগবতী অক্কুতি ! হা প্রিয়মুহুৎ বিভীষণ ! হা
 সখে সুগ্রীব ! হা প্রিয়পুত্র অঞ্জনাকুমার ! তো-
 মরা এসময় কোথায় রয়েছ ! কিছুই জানতে পা-
 চনা ! এখানে দুর্ভাগ্য রাম তোমাদের সর্বনাশ কর্তে
 উদ্যত !—না, না, আমার আর আদর্শ মহাত্মাদের

নামোচ্চারিণে অধিকার নাই। আমি সরলহৃদয়া শুদ্ধ-
 চারিণী পতিপ্রাণা জানকীকে নিতান্ত নিরপরাধিনী
 জেনেও, যখন অনায়াসে তাকে ত্যাগ কর্তে কৃতসঙ্কপ
 হয়েছি, তখন আর আমার তুল্য মহাপাতকী কে
 আছে!—উঃ! আমি কি কৃতর! ব্যাধ যেমন বি-
 হঙ্গিনীকে প্রতিপালন করে শেষে অনায়াসে তাকে
 বিনষ্ট করে, কিছুমাত্র দয়া মমতা করেনা, আমিও
 সেইমত প্রেয়সীজানকীকে প্রীতিভাবে এতদিন প্র-
 তিপালন করে, অনায়াসে ত্যজ্য বস্তুর মত বর্জন
 করছি। হা ধিক্! হা ধিক্! (জানকীর নিকট গমন
 পূর্বক) আহা! যেমন মানসসরোবরে স্বর্ণকমল শোভা
 পায়, দেবী শয্যাপরে তেল্লি শোভা বিস্তার করে র-
 য়েছেন! প্রদোষসময়ের বিমুদিত ইন্দীবরের ন্যায় দে-
 বীর নিদ্রাভিভূত নয়ন যুগল কেমন মনোহর দে-
 খাচ্ছে। রে হতভাগ্য রামের নেত্রযুগল! তোরা কি
 আর প্রেয়সীর স্মিত-মধুর-সপ্রেম-কটাক্ষে অনির্বচনীয়
 আনন্দরসে অভিষিক্ত হতে পারবি! এখন তোদের
 নিমিত্তে এই অসামান্য-সৌন্দর্য্যনিধান-সংসার কেবল
 গাঢ় তিমিরাচ্ছন্ন হয়ে রইল! অরে নয়নদ্বয়! জন্মের
 মত দেখে নাও! এর পর কেবল কল্পনায় আর স্বপ-
 নেই এই মোহিনীমূর্ত্তি দর্শন করবে বইত না!

[নিমেষ শূন্যনেত্রে নিরীক্ষণ।

সীতা। (স্বপ্নে) হে নাথ! আমি তোমার এ-
 কান্ত অধীনা, আমাকে পরিত্যাগ—

জানকী নাটক ।

০২২

রাম । (সভয়ে) কি সর্বনাশ ! কি ! সর্বনাশ
 দেবী কি আমার সংকল্প জালু পেয়েছেন !—প্রিয়ে
 যদি এখন জাগরিত হয়ে, আমাকে সাতিমানে বলেন
 নাথ ! আমি কি অপরাধ করেছি, যে আমাকে
 পরিত্যাগ কচ্ছেন ? ” আমি এ প্রশ্নের কি উত্তর দেব ।
 ।জাদের অপবাদের কথাই বা কেমন করে বলবো,
 দেবী অগ্নিপরীক্ষা পর্য্যন্ত প্রদান করে আপনার পা-
 তিত্বের প্রমাণ দিয়েছেন । (ক্ষণেক নিস্তব্ধ থাকিয়া)
 না,—ন্যায়পরতা, মমতা ! রামের হৃদয় পরিত্যাগ
 কর !—আমি দেবী জাগরিত না হতেই পলায়ন করি
 (কয়েক পদ গমন) হায় হায় প্রীতির কি আক-
 র্ষণীশক্তি ! স্নেহের শৃঙ্খল কি দুশ্ছেদ্য ! যদিও
 এখন আমার হৃদয় লৌহময় হয়েছে—আমি অন্য-
 যাসে প্রিয়াকে পরিত্যাগ করো যেতে উদ্যত হয়েছি,
 আবু অসম্মান যখন লৌহকে আকর্ষণ করে, প্রিয়তমার
 নির্মলপ্রেম আমাকে সেইরূপ আকর্ষণ করছে ।—না,
 যাই, একবার আঁখিভরে প্রেয়সীর লাবণ্য সুখা
 পান করিগে, এজন্মে তার এসুখ ভোগের প্রত্যাশা
 নাই । (কিঞ্চিৎ অগ্রসর হইয়া) না, না, প্রেয়সীর
 বদনকমল দর্শন কল্পে, আর এনিষ্ঠুর কর্ম কর্তে
 পারবো না । দস্যুরা, গৃহস্থের প্রতিস্নেহ দৃষ্টি কল্পে
 কি আর তার গলদেশে ছুরিকাঘাত কর্তে পারে ?
 সিংহ, যত কেন নিষ্ঠুর হোক না, যদি কোমলা-কুর-
 —

দ্বিনীর, কাতরতাপূর্ণবিভ্রমবিশিষ্ট নয়নের প্রতি স্থির চক্ষে একুট দৃষ্টি করে, তবে কি সে, সেই যুগীকে বিনষ্ট কর্তে পারে ? (সজল নয়নে) অয়ি আশালতে !—আর কেন, তুমি জন্মেরমত ছিন্ন হও ! রে দক্ষ হৃদয় ! তুই এমনে নিয়ত অনুতাপ অনুভব কর ; হে বিধাতা ! তুমি এখন সুস্থ হও ; আর হতভাগ্য রামের সর্বনাশ চিন্তায় আপনার সুখনিদ্রার ব্যঘাত করোনা ! রামের যতদূর সর্বনাশ হতে পারে, আজই তা পর্যাপ্ত হল ।—

নেপথ্যে । রক্ষাকর, রক্ষাকর । নির্দয়নিশাচরের ভয়ে শরণাপন্ন হোলেম ।

রাম । (সক্রোধে) এখনও রাক্ষসভর ! যাই ; শরণাগত ব্যক্তির রক্ষার্থ যত্নশীল হইগে—হায় ! দুঃখাত্মা দশানন প্রাণপ্রতিমাজানকীকে হরণ করেছিল বলেই সে সময় সেরূপ লোক ভরকর সংগ্রামে প্রবৃত্ত হয়েছিলেন । এখন আর মনে সেরূপ সাহস নাই—বল নাই, নিতান্ত ভয়ে ৫ সাহ হয়েপড়েছি । যাই শত্রু যেকৈই এই দুঃখাত্মারাক্ষসবধের নিমিত্ত প্রেরণ করিগে [গমন ।

সীতা । (স্বপ্নে) হা নাথ ! তুমি কোথায় ? (নিদ্রাভঙ্গে সবিম্বয়ে) প্রাণনাথ আমাকে পরিত্যাগ করো গিয়েছেন ? ভাল একথা বলে অভিমান করবো, যদি প্রাণবল্লভের বদনকমল দর্শন করে বিম্বৃত না হই ।

রাম । (দূর হইতে) প্রিয়ে ! আর এ রামের দক্ষ বদন দর্শন কর্তে প্রত্যাশা করোনা । আমি নৃশংস—

জানকী নাটক । ৩১

७५

নির্দয়, তোমাকে অশ্রের মতন পরিত্যাগ করে পলা-
য়ন করি' । —হে মাতঃ মেনিনি ! দুরাত্মা রামত জা-
নকীকে পরিত্যাগ করি', অতঃপর তুমি তোমার তন-
য়ার রক্ষণাবেক্ষণ করো । [রোদন করিতেই প্রস্থান ।

নেপথ্যে বৈতালিকের গীত।

ব্রাগিনী ললিত বিভাব তাল একতাল।

অঁখি মেলগো সরোবরশায়িনি

তপনবিলাসিনি কমলিনি !

গেল তব দুঃখদায়িনী কালামুখী বিভাবরী,

উদিল উদয়াচলশিরে লোহিতবরণ

दिनवर्ग। ॥ १॥

হরিয়ে লইতে তব প্রিয়জন মন,

চতুর্থ। প্রকৃতিধনী ধ্যায় অনুক্ষণ,

পরিয়াছে সমুকুতা-কুসুমাভরণ,

মরি কিবা ধরিয়াকে বেশ সুমোহন !

নিদ্রাতব এসময়, আর না উচিত হয়;

জাগো, হাস, সম্ভ্রাম স্বনাথে অতি

আদরেতে আদরিণি।

সীতা। রাত্রি প্রভাত হয়েছে, তবে গাত্রো-

স্থান করি,—”

[গাত্ৰোস্থান ।

রথারোহণে লক্ষ্মণের প্রবেশ ।

লক্ষ্মণ । (সীতার নিকটে গমনপূর্বক) আৰ্য্যো !

রথ প্রস্তুত, তপোবনগমনে সত্বর হউন ।

সীতা । আমিও প্রস্তুত ; রথ কোথায় ?

লক্ষ্মণ । সুমন্ত্ৰ রথ প্রস্তুত করো আৰ্য্যার গমনা-
পেক্ষা কচ্ছে ।

সীতা । তবে চল, (যাইতে যাইতে) বৎসে ! আমি
জন্মান্তরে অনেক তপস্যা করেছিলাম, তাই আৰ্য্যপু-
ত্রের মতন অনুকূল পতি লাভ করেছি । লক্ষ্মণ ! আমি
মনে করেছিলাম, আৰ্য্যপুত্র এসময়ে আমাকে তপোবনে
যেতে দিবেননা, তা তিনি প্রসন্নমনে সম্মতি দেও-
রাতে যারপরনাই আত্মাদিত হয়েছে । ফলতঃ আৰ্য্য-
পুত্রের মেহ, মমতার কথা মনে হলে, আমার সৌভা-
গ্যগর্ব উপস্থিত হয় । [গমন ।

লক্ষ্মণ । (স্বগত) এ'র ত আৰ্য্যের প্রতি অচলা-
ভক্তি ; আর আৰ্য্য এ'র প্রতি কেমন নিষ্ঠুর আচরণ
কর্তে প্রবৃত্ত হয়েছেন ! আর আমি হতভাগ্যও তাঁর
সেই নিষ্ঠুর আজ্ঞা প্রতিপালন কর্তে চলেছি ।

[উভয়ের রথারোহণ ।

সীতা । রঘুকুল দেবতাদিগে প্রণাম ; আৰ্য্যপু-
ত্রের চরণকমলে প্রণাম ; গুরুজন সকলকে প্রণাম ।

[রথ চালন

(ইতি প্রথম অঙ্ক) । [ভক্তি

[লক্ষ্মণ]

—দীক্ষা

দ্বিতীয় অঙ্ক ।

প্রথম গর্তাঙ্ক ।

অযোধ্যা - রাজসভা গৃহ ।

দুইজন রাজপুরুষ দৃষ্ট ।

প্রথম । মহাশয় ! আপনি কি বলেন, অদ্য মহা-
রাজকে কুণ্ঠিত বোধ হল না ?

দ্বিতীয় । মহাশয় যথার্থ অনুমান করেছেন । ম-
হারাজের অত্যন্ত গম্ভীর প্রকৃতি, তাঁর অন্তঃকরণের ভাব
সকলে লক্ষ্য কর্তে পারেনা ।

প্রথম । যথার্থ কথা । কিন্তু যত কেন গম্ভীর
প্রকৃতি ইউননা, মনোরোগ-ব্ধব্যক্তিকে সুবোধ
লোকে দৃষ্টি মাত্রেই চিন্তে পারেন ।

দ্বিতীয় । হ্যাঁ, এই নিমিত্তেই অদ্য মহারাজকে
রাজকাব্য পর্যালোচনার সময় শূন্যমনার ন্যায় বোধ
হয়েছিল ; কিন্তু মহাশয় ! মহারাজের ঔদাস্যের
কোন কারণ ত দৃষ্ট হয় না ।

প্রথম । তাই ত । আমি চিন্তাসাগরের তলস্পর্শ করেও মহারাজের এই ঔদাস্যের কারণাবধারণ করতে সক্ষম হচ্ছি না ।

দ্বিতীয় । আপনি বলতে পারেন, মহিষী কেমন আছেন ? আমার বোধ হয়, দেবীরই কোন অসুখ হয়ে থাকবে ।

প্রথম । না মহাশয়, আমি তা অবগত নই । অন্তঃপুরের কোন পরিচারক বলতে পারে ।

তৃতীয় রাজপুরষের প্রবেশ ।

প্রথম ও দ্বিতীয় । মহাশয়, অদ্য মহারাজ যে এরূপ কুণ্ঠিতচিত্ত হয়েছেন, এর কারণ আপনি অবগত আছেন ?

তৃতীয় । না মহাশয়, তবে কি না এইমাত্র জ্ঞাত আছি যে, দেবীজানকী যুবরাজ লক্ষ্মণের সহিত তপোবনে ভ্রমণ কর্তে গমন করেছেন—

দ্বিতীয় । ভাল মহাশয় ! অদ্য শত্রুঘ্নকে কোথায় প্রেরণ করা হল ?

তৃতীয় । লবণাসুর কর্তৃক ঋষিগণ উপীড়িত হয়ে, মহারাজের শরণাপন্ন হন, মহারাজ সেই দুর্ভাগ্য রক্ষকুলের নবীনাক্ষুর লবণাসুরকে বধ করবার জন্য কনিষ্ঠকে প্রেরণ করেছেন ।

দ্বিতীয় । পূর্বে রক্ষকুলের নাম শ্রবণমাত্র ম-

জানকী নাটক।

৩৫

মহারাজ স্বয়ং অস্ত্রগ্রহণ করে অগ্রসর হতেন, এবার
যে শত্রুকে প্রেরণ করলেন? ! হতক
ভূতীয়। ঔদাস্যই এর কারণ। ! চাপ চকু।

মিথিলা দেশীয় একজন বসন্তকের প্রবেশ।

বসন্তক। (দূর হইতে) এ না কজন ভদ্রলোক
বিষম্বদনে কি আলাপ করছে। ওদিকে একটু না
হাসিয়ে গেলে শর্ম্মার বুদ্ধির দৌড় কি? কেবল মি-
থিলা থেকে এসে অযোধ্যায় উদর পূর্ণ করে যাওয়াটা
ভাল দেখায় না। মহারাজত আলাপমাত্র করলেন না,
রাজকুমারী তপোবন দর্শনে গিয়েছেন, তাতেই তিনি
কুণ্ঠিত আছেন। একবার সাক্ষাতি পোলে বুঝতেম্,
উৎকণ্ঠা কতক্ষণ থাকে। তা করা কি? এদিগেই এ-
কটু গুণের পরিচয় দিয়ে যাই।

ভূতীয়। অই যে বসন্তক—ইনি সম্প্রতি মিথিলা
হতে এখানে প্রত্যগত হয়েছেন, মহিষীর সংবাদ অব-
গত থাকিলে পারেন। চলুন ওঁর নিকট যাই। [গমন।

বসন্তক। হেউম—না উদর, তোমাকে আর বলে
পাল্লেন না। ছি! তুমি বড় পেটুক হয়েছ, এই যে তুমি
গণ্ডে পিণ্ডে গিলে এলে, তা এখন যদি জীর্ণী কত্তে না
পারি, তবেইত শর্ম্মার মাথা খেলে দেখুচি। মাথা খেলে
আর কি? আমার এই (মন্তকে হস্ত দিয়া) মাথাটা
খেলে, তা নয়, তবে কি না লোকে এই অখ্যাত করবে,
বসন্তক চোরাগর মত কতকগুলি গিলেছিল, শেষ

জীর্ণ কতে পারেনাই। তা। একি বসন্তকের সামান্য
কলঙ্ক ! এই কলঙ্কসাগরে ডুবলে কি আর থাই পাব,
না। কুল পাব !—হেউম—না। আজ গতিকটা বড় ভাল
দেখছি না—”

দ্বিতীয়। মহাশয় ঐ দেখুন, বসন্তকটি কি রঙ্গ
আরম্ভ করে দিয়েছেন—”

প্রথম। (দৃষ্টি পূর্বক) হাঁ। তাইত, এঁর নিকট কা-
জের কথা পাওয়া কঠিন।

বসন্তক। হ্যাঁ। হে উদর !—হেউম—না। গেলাম
বুঝি—হেউম—না। খাদ্যদ্রব্যগুলি আজ এতুর্ভাগার
উপর নিতান্ত চটেছেন ! দুটো শুব স্তুতি করে
না। বললে আর বুঝি টেকেন না। দুটো মিষ্টি কথায়
বুঝিয়ে সুজিয়ে বলে দেখি।—অহে উদরস্থ খাদ্য
দ্রব্যসব ! তোমরা এমন রাতজাগা মানুষেরমত একা-
ষাই হাই তুলে ত আর এ ব্রাহ্মণটা ঝাচেনা। তো-
মাদের কি গোহত্যার—মর ব্রাহ্মহত্যার ভয় নাই !
কেনইবা এ চিরদাস বেচারার প্রতি এত কুপিত হ-
য়েছেন ? এর অপরাধ কি ? আর যদিও অপরাধ
করে থাকে, ক্ষমা করুন। এই দন্তে কুটকরে ক্ষমা
প্রার্থনা করছে। (দন্তে তৃণ ধারণপূর্বক) হেউম—
না,—হেউম—না, সোজা আঙুলে ঘি উঠলো। না দে-
খছি, আজ কাল নরমের ভাত নাই, শক্তুর ভক্ত
সবাই। এখন ব্রহ্মভেজ প্রকাশ কতে হল—ওরে
ও উদরের কৃষি সব ! তোরা কি আমাকে দাঁত-

ভাঙাসাপ পেয়েছি, না। সিঙভাঙ্গা মহিষ পেয়েছি, না। সেই রাজারাজড়াদের পোষা বানরের মত এক এক বেটা যে খোসামুদে থাকে, তাই পেয়েছি, যে একটু ছুটপাট করে উটবি আর আমি আমি “আজ্ঞে আজ্ঞে ক্ষমা করুন” বলে খোসামুদী কত্তে থাকবো?—হেউম—তোরা ভারি অভদ্রলোক! তোরা ভারি কৃতঘ্ন!—ভারি অকৃতজ্ঞ! তা নইলে আমি কত যত্ন করে—কত আদর করে—এই উদরে—এই রত্নাকর তুল্য উদরে তোদিগে স্থান দিলাম—আশ্রয় দিলাম, তা তোরা আশ্রয়দাতা যে আমি, আমারই অনিষ্ট কর্তে উদ্যত!—হেউম—র, র, র, বেটারা, এই ভস্ম করি।

তৃতীয়। দেখ হে, একবার এর ব্রহ্মতেজটা দ্যাখ, বোধ হয় যেন ত্রিলোক ভস্ম কর্চে।

বসন্তক। (চক্ষু মুদ্রিত করিয়া উপবেশন) কই? আর যে বাছারা নড়েন চড়েন না?—হুঁ! এ মানুষটা কে, টের পান নাই। একি আর কেউ? সাগরে কোন বস্তু ফেল্পে ডুবুরী উলিয়ে তা আবার পাওয়া যায়, কিন্তু (উদর প্রদর্শন পূর্বক) শর্ম্মার এই রত্নাকরে যা একবার পড়লো, তা কোন্দিগে যে তলিয়ে গেল, কার সাধ্য তোলে?—অহে উদর! আমি তোমার সর্বভুরুতাগুণে অত্যন্ত প্রীত আছি, আশীর্বাদ করি নিরাপদে চিরজীবী হয়ে থাকো; কিন্তু উদর! আমার

[৩৮] জানকী নাটক ।

বড়ই দুঃখের বিষয় এই যে, আজও পবনপুল্ল হনু।
মানের উদর অপেক্ষা তোমার ধারণাশক্তি অনেক
কম রয়েছে। তা করা কি? “আঙ্গুলফুলে কলাগাছ”
ইওয়াত সকলের ভাগ্যে ঘটে ওঠেনা। তা এখন খেয়ে
খেয়ে অভ্যাস কর। অভ্যাসের গুণ বড় গুণ।

তৃতীয়। প্রণাম, মহাশয়! কোথা হতে আসা
হচ্ছে?

বসন্তক। (লঘুস্বরে) আসিত হচ্ছে রক্তনশালা
হতে। (প্রকাশে) অহে, ধনাশাই বল, আর জীব-
নাশাই বল, মানুষের সকল আশাই হয় মন থেকে।
তোমরা মহারাজের ধর্মাধিকরণের কি কেবল শোভা
বৃদ্ধি কর্তেই আছ, একথাটাও জান না?

[হা হা করিয়া হাস্য।

প্রথম। মহাশয়! আপনি দেখছি ভারি এক
জন নৈয়ায়িক।

বসন্তক। আমার কোন্ বিদ্যা না আছে হে?
এই যে শর্মাটীকে দেখছ, ইনি কম নন, চোদ্দবেদ
চার শাস্ত্র—মর চারবেদ, চোদ্দ শাস্ত্র—

দ্বিতীয়। না, না, মহাশয়! চোদ্দবেদ চারি শাস্ত্রই—

বসন্তক। তোমাদিগে ভারি ছলগ্রাহী দেখছি হে,
আমরাও মানুষ, আমাদের সহজে ভ্রম হতে পারে। স-
ময়েই পরমেশ্বরেরও অনেক ভ্রমের কার্য্য দ্যাখা যায়।

প্রথম। পরমেশ্বরের ভ্রম আবার কিসে দেখলেন?
মন্দ নন!

জানকী নাটক !

৩২

বসন্তক। কেন, তোমাদিগে জগদীশ্বর যে নির্মাণ করেছেন, তাতেই তাঁর ভ্রম দেখা যাচ্ছে।

প্রথম। কেমন মহাশয়?

বসন্তক। কেমন কি আবার? তোমাদিকে যে দুটি দুটি শৃঙ্গ আর এক একটি পুচ্ছ দ্যান নাই, এটা কি ঈশ্বরের ভ্রম নয়?

[হা হা হা করিয়া হাস্য।]

প্রথম। মহাশয়! এখন পরিহাস রাখুন; আপনার কাছে আমাদের একটি জিজ্ঞাস্য আছে।

বসন্তক। হাঁ বুঝেছি, আমি কত মিষ্টার ভোজন কর্তে পারি তাই জিজ্ঞাস্য করবে? তাতে আমি বিলম্বণ পটু—

দ্বিতীয়। মহাশয়ই না! এখন অতিভোজন দোষে মার্জারের মতন শেষ ভূণচর্ষণ করো বমন কচ্ছিলেন? আপনার আকণ্ঠ পর্য্যন্ত ক্ষুধা দেখছি।

বসন্তক। আকণ্ঠ কি হে, পদনখাণ্ড হতে কেশাণ্ড পর্য্যন্ত বল।—ক্ষুধার তুল্য পরপোকারিণী কি আছে?

ক্ষুধাহীনমানুষ মানুষই না, (জোড় হস্ত করিয়া)

হে ক্ষুধাদেবি!—হে মাতঃ জগতের কল্যাণকারিণি!

এই হতভাগ্য ব্রাহ্মণের প্রতি ধ্যান সর্বদা সম্মেহ দৃষ্টি থাকে?—তোমার মহিমা অজ্ঞানের জাণে না!

পায়সই বল, আর পিষ্টক কি বল, মৎস্যই বল,

আর মাংসই বল, সকলই তোমার প্রসাদে জীর্ণীকর।

তুমি প্রদীপ্ত অনলশিখা স্বরূপিণী, তোমাকে যে বস্তু

নিবেদন করি, তৎক্ষণাৎ গ্রহণ কর—ভক্ষ্য কর।—এমন আর ভক্তবৎসলা কোন্ দেবী আছেন? হে মাতঃ ক্ষুধা দেবি! এ বসন্তক তোমার চিরদাস—”

দ্বিতীয়। মহাশয়ের যে অতি ভক্তি দেখছি!

প্রথম। মহাশয়! তবে আমরা ত ক্ষুধাদেবীর নিকট বড় অপরাধ কল্লেম, তাতে ভারি পাপ—”

বসন্তক। তোমাদের এই পাপের প্রায়শ্চিত্ত করা উচিত। প্রায়শ্চিত্ত কি? না চারিবর্ণের শ্রেষ্ঠ যে আমি, সাক্ষাৎ বাগ্‌দেবীর বড়পুত্র যে আমি, নানা প্রকার সুভোজ্য আমার ক্ষুধার শান্তি করা।—আর যদি নিতান্তই ব্যয়কুণ্ঠ হয়ে প্রায়শ্চিত্ত না কর, তবে আজি এখন টের পাবে। উদরে অগ্নিমন্দা হলে তোমাদের ভাগ্যে সংসারের সার দুটী সুখের মধ্যে প্রথম সুখ যে আহার করা, তাতে জন্মের মতন বঞ্চিত হবে!

দ্বিতীয় তৃতীয়। তার সন্দেহ কি? কিন্তু মহাশয়! আপনি যদি পরিহাস পরিত্যাগ করে আমাদের একটীকথা বলেন, তাহলে আমরা আপনার ক্ষুধাদেবীর যথোচিত সেবা করি।

বসন্তক। আচ্ছা, এককথা শুনালে যদি একবার (উদরে হস্ত দিয়া) এদিকের কন্মটা হয়, তবে আর কি, আমি সহস্র কথা শুনিয়ে দিচ্ছি এখন। বলত হে কোন্ কথা শুনবে?

দ্বিতীয়। ভাল মহাশয়! সম্প্রতি আমাদের ম-

হারাজ যে এরূপ ঔদাস্য অবলম্বন করেছেন, এর কারণ
কি বলতে পারেন ?

বসন্তক । হাঁ অবশ্য পারি, কিন্তু রাজরহস্য প্র.
কাশের এস্থান নয় । নির্জনে চলুন, বলচি এখন ।

প্রথম । চলুন না ।


[সকলের গমন ।

ইতি প্রথম গর্তাঙ্ক ।

। উনু হাঙ্গর সত্য গুরুত্ব । ভবি

নটক্য সত্যসঙ্গী স্য পিতৃ । নতর । ভবি
ভুগতর কী । । নতর—৭ ভুগতর ভুগত । ভবি
নতর কন্যাত হাঙ্গর সত্যসঙ্গী সত্যসঙ্গী পিতৃ । নতর
। নতর ভবিগত হাঙ্গর সত্যসঙ্গী ভবিগত । নতর
সত্যসঙ্গী সত্যসঙ্গী সত্যসঙ্গী পিতৃ । নতর
। (নতর)—নতর ভবিগত হাঙ্গর সত্যসঙ্গী
নতর । নতর (নতর হাঙ্গর সত্যসঙ্গী) । ভবি
নতর কী সত্যসঙ্গী সত্যসঙ্গী । নতর
নতর সত্যসঙ্গী সত্যসঙ্গী সত্যসঙ্গী
নতর । নতর—৭ ভবিগত হাঙ্গর সত্যসঙ্গী
—৭ ভবিগত । নতর সত্যসঙ্গী সত্যসঙ্গী
(নতর ভবিগত হাঙ্গর) । নতর
নতর সত্যসঙ্গী সত্যসঙ্গী সত্যসঙ্গী
। নতর সত্যসঙ্গী সত্যসঙ্গী

দ্বিতীয় গর্ভাঙ্ক ।



ভগীরথীর তীর ।

সীতা, লক্ষ্মণ এবং সুমন্ত্র দৃষ্ট ।

সীতা । বৎস ! তুমি যে বিষণ্ণবদনে কেবল অশ্রুধারাবর্ষণ কর্তে লাগলে ?—লক্ষ্মণ ! কি হয়েছে, সত্য বল । আমি তপোবন আগমন সময়ে অনেক অমঙ্গল লক্ষণ দেখেছি, আমার হৃদয় কম্পিত হচ্ছে !

লক্ষ্মণ । দেবি ! আমি হতভাগ্য, আর্যের নিষ্ঠুর আদেশের বশবর্তী হয়ে—(রোদন) ।

সীতা । (সভয়ে ব্যগ্র হইয়া) বৎস ! বল, বল অগন অস্থির হচ্ছে কেন ? তোমার আর্য্য কি আদেশ করেচেন ? তিনিত ভাল আছেন ? তাঁর ত শারীরিক কোন অসুখ হয় নাই ?—লক্ষ্মণ ! যা যা টেছে, বল, আমাকে আর কেন যাতনা দেও ?—আমার বড় ভাঙা কপাল ! (শিরে করাঘাত পূর্বক) আমার এই অদৃষ্টকে আর দক্ষবিধাতাকে একতিলের জন্যেও বিশ্বাস নাই !

লক্ষ্মণ । আৰ্য্যে ! আমি পাষাণে বুক বেঁধে
আপনাকে আৰ্য্যের আদেশ বলতে ইচ্ছা করি ; কিন্তু
প্রাণ যেন বলে ওঠে “ অগ্নি নিষ্ঠুর রসনে ! কিঞ্চিৎ
অপেক্ষা কর, আমি আগে দেহপঞ্জর পরিত্যাগ
করি—” (রোদন) ।

সীতা । লক্ষ্মণ ! তুমিত কখনও আমার আক্ষেপ
লঙ্ঘন কর নাই, তা এখন কেন আমার কথা উল্লেখ
করো, হতভাগিনীকে যাতনা দিচ্ছ ? যা ঘটেছে,
বল ।

সুমন্ত্র । (স্বগত) কুমার উভয়সঙ্কটে পতিত
হয়েছেন ।

লক্ষ্মণ । আৰ্য্যে ! আর কি বলবো—আৰ্য্য আ-
মাকে এই আদেশ দিয়াছেন—(কর্ণে কখন) ।

সীতা । লক্ষ্মণ ! এ যে বিনামেঘে বজ্রাঘাত !—”
[মূচ্ছা] ।

লক্ষ্মণ । কি সর্বনাশ ! এই নিষ্ঠুর কথা আ-
মার এই দশাবদন হতে বার হল ! (মূচ্ছা) ।

সুমন্ত্র । হায় কি হল ! হায় কি হল ! এই নি-
র্জন প্রদেশ ! আমি একাকী এদিকে প্রবোধ দেব,
না এদের মূচ্ছা ভঙ্গ করবো ! এমন একটী মানুষ কাছে
নাই, যে জলবিন্দু দ্যায় । (গঙ্গা হইতে জলআনয়ন
এবং সীতা ও লক্ষ্মণের গাত্রে অভিষেকপূর্বক) দেবী
জনকনন্দিনি !—কুমার লক্ষ্মণ !—”

[উভয়ের চৈতন্য]

সীতা । (সখেদে সজল নয়নে) বৎসলক্ষ্মণ !
আমি নিশ্চয় বুঝেছি, বিধাতা কেবল অবলার প্রাণে
কত যাতনা সহ হয়, তাই পরীক্ষা করে দেখবার
জন্মেই, এই হতভাগিনীকে নির্মাণ করেছেন ! যদি
বিধাতার এই দুর্ভাগ্যপ্রায় না হত, তা হলে “আর্য্যপুত্র
ত্যাগ করেছেন ” এই কথা শোনামাত্রেই, এপ্রাণ এই
দেহ ত্যাগ কর্তো, সন্দেহ নাই । যদি এ পোড়া প্রাণ
এখনি প্রস্থিত হয়, তাহলে বিধাতার অভিপ্রেত সিদ্ধ
হয় না, তাই এই জীবন—এই ঘৃণিত জীবন—এই
জীবিতেশ্বরের উপেক্ষিত জীবন, এখনো দেহ মধ্যে
অবস্থান কচ্ছে !!! (দীর্ঘনিশ্বাস সহ রোদন) ।

লক্ষ্মণ । আর্য্যো ! আমি হতভাগ্য, তাই সেই ভ-
য়ানক শক্তিশৈলাঘাতে মৃত্যুমুখে প্রবিষ্ট হয়েও আ-
বার প্রত্যাবৃত্ত হলেম ।—হায় ! আমি কেন শক্তিশৈ-
লাঘাতে মলেম না ! তা হলেত আমাকে আর আ-
র্য্যের এই নিষ্ঠুর আদেশ প্রতিপালন কর্তে হতনা !

সুমন্ত্র । (স্বগত) এদের শোকাবেগ প্রবল হয়ে
উঠেছে । কিছু প্রবোধ দেওয়া আবশ্যিক ; কিন্তু কি
বলেই বা প্রবোধ দেব ? মহারাজের এই নিষ্ঠুরাচরণে
যে একবারে হতবুদ্ধি হয়ে পড়েছি ! করি কি ?

সীতা । লক্ষ্মণ ! তুমি আর বিলাপ করোনা,
আমার অদৃষ্টে যাছিল, হল, কপালে সুখ নাথাকলে,
সুখ ভোগ হয় না । নৈলে আমি রাজার নন্দিনী, রা-
জার বধূ, রাজার মহিষী হয়ে এমন দুঃখভাগিনী হব

কেন ?—লক্ষ্মণ ! আমি তোমার মলিন বদন দেখতে পারি না, তোমাকে সজল নয়ন দেখলে আমার প্রাণ কেঁদে ওঠে । বৎস ! অশ্রুজল সম্বরণ কর, আমার দুঃখ মনে করো বিষাদিত হওনা । আমার এই যে শরীর দেখচ, এ দেহে সুকোমল বটে, কিন্তু দুঃখভার সহ্য কর্তে এ পাষাণ অপেক্ষাও—বজ্র অপেক্ষাও কঠিন ।

লক্ষ্মণ । হায় ! আমি মাতৃহত্যা—

সুমন্ত্র । কুমার ! পরশুরাম যেমন পিতার আ-
জ্ঞায় মাতার মস্তকচ্ছেদন করেছিলেন— (রোদন)

গীতা । (স্বগত) হে মন ! ধৈর্য্য হও । এখন এত আকুল হলে লক্ষ্মণের প্রাণে বাঁচা সংশয় হবে । তো-
মার আক্ষেপের অনেক সময় আছে ! (প্রকাশে) ল-
ক্ষ্মণ ! তুমি ক্ষোভ করো না । আমার জন্মান্তরে বড় পাতক ছিল, বোধ হয়, আমি কোন পতিপ্রাণা কা-
মিনীকে পতিবিরহিত করেছিলাম, সেই পাতকে
আমার ভাগ্যে পতিবিস্ফেদ যন্ত্রণা ঘটেছে ! বিধাতা
কর্মের দোষেই যাতনা দ্যান, নতুবা তিনি কার মিত্র
কার শত্রু নন, যে কাহাকে চিরকাল সুখ ভোগে রাখ-
বেন, কাহাকেও যাবজ্জীবন যন্ত্রণা দেবেন, আমি বি-
ধাতা কি আর্য্যপুত্রকে একটুও দোষ দি না, সকলি
অদৃষ্টের দোষ । আমার অদৃষ্টে দুঃখ ভোগ আছে
বলেই আর্য্যপুত্র আমাকে নিরপরাধিনী—একান্ত অ-
ধিনী জেনেও পরিত্যাগ করেছেন ।

সুমন্ত্র । সুখ দুঃখ আত্মকৃত পাপপুণ্যের ফল—

সীতা। স্মৃত! আমি বনবাসে দুঃখিত নই, আ-
র্যপুত্রের সঙ্গে অনেক দিন বনে বাস করেছি, ত-
খন বন, উপবনের ন্যায় বোধ হত। সে যাহোক
আমার এই বড় দুঃখ হচ্ছে, যে মুনিপত্নীরা যখন
আমাকে জিজ্ঞাসা করবেন, “সীতে! তোমাকে কি অ-
পরাধে রামচন্দ্র ত্যাগ করেছেন?” তখন আমি কি উ-
ত্তর দেব? তাঁরা আর্যপুত্রকে দয়ারসাগর—স্নেহের
অবতার বলে জানেন।

সুমন্ত্র। দেবি! মহারাজ লোকরঞ্জনানুরোধেই
এই নিষ্ঠুর কার্যে প্ররত হয়েছেন। নতুবা তিনি
আপনাকে প্রাণাপেক্ষা ভালবাসেন।

সীতা। একথা বলা বাহুল্য।—স্মৃত! আমি তাঁর
মন জানি, তিনিও আমার মন জানেন। (স্বগত) হে-
মন! এত অধীর হচ্ছে কেন? খানিক অপেক্ষা কর,
এদিগে বিদায় করে নি, তার পর যত বিলাপ—
(প্রকাশে) লক্ষ্মণ! প্রাণবল্লভ রাজধর্ম গ্রহণ করে-
ছেন, লোকাপবাদ ভয়ে আমাকে পরিত্যাগ করা তাঁর
তুল্য প্রজারঞ্জন মহীপালের উপযুক্ত কার্যই হয়েছে।
কেননা প্রজারঞ্জন করা রাঘবদের সনাতনধর্ম।

লক্ষ্মণ। এরূপ নিষ্ঠুর ব্যবহার করে স্বর্গে যাওয়া
অপেক্ষা নিরয়গমন করাও প্রার্থনীয়।

সুমন্ত্র। কুমার, এমন কথা ঈক্ষ্বাকু বংশীয়দের
বদনে শোভা পায়না। ধর্মই সর্বাপেক্ষা রক্ষণীয়—

সীতা। তার সন্দেহ কি?—লক্ষ্মণ, এখন আমি

তোমার কাছে এই প্রার্থনা করি, তুমি প্রাণবল্লভকে আমার উক্তিতে এই বলবে “তিনি সসাগরা পৃথিবীর অধীশ্বর, অযোধ্যা তাঁর অধীন, এই তপোবনও তাঁর অধীন, তিনি আমাকে অযোধ্যা হতে নির্বাসিত করলেন, তবুও আমি তাঁরই অধীনে—তারই অধিকারে রইলেম। তিনি এখন আমাকে ভাষ্যভারে মনে স্থান দানত করবেনই না, তবু যেন সময় সময় সামান্য প্রজা ভাবে স্মরণ করেন।”

লক্ষ্মণ । হায় ! আমাকে একথাও শুনতে হল !
—রে প্রাণ ! তুই এখন এ দেহ— [রোদন ।

সুমন্ত্র । কুমার ! ধৈর্য্য হও।—দেবি ! মহারাজ আপনাকে অযোধ্যা হতে নির্বাসিত করেছেন সত্য ; কিন্তু আপনি তাঁর মনোরাজ্যে নিয়ত প্রতিষ্ঠিত রয়েছেন ।

সীতা । (দীর্ঘনিশ্বাস ত্যাগপূর্বক) হায় ! প্রাণ কান্তের সরলতা আর সেই অকৃত্রিমপ্রেম মনে হলে একথা অসম্ভব বোধ হয়না । (প্রকাশে) বৎসলক্ষ্মণ ! আমি যত কেন অপরাধিনী না হই, আমাবিরহে আর্ঘ্যপুত্র অবশ্য আকুলিত হবেন—”

সুমন্ত্র । তার সন্দেহ কি ?

সীতা । তখন তুমি তাঁকে সান্ত্বনা করবে, যাতে তার মনোক্ষোভ, ও অসুখ নাজন্মে এরূপ যত্ন পাবে । (লক্ষ্মণের হস্তধারণ পূর্বক) বৎস ! আমার শপথ করো বল, যে এটা অবশ্য করবে । লক্ষ্মণ !

আমি আপনার দুঃখে দুঃখিত নই, পাছে প্রাণবল্লভ আমাবিরহে দুঃখিত হন, তার শারীরিক কোন অসুখ হয়, এই ভাবনায় আমার হৃদয় বিদীর্ণ হচ্ছে ! আমি এই তপোবনে, পর্ণকুটিরে থেকে যদি শূন্যে পাই, হৃদয়েশ্বর ভাল আছেন, সচ্ছন্দে রাজত্ব কর্চেন, তাহলে, আমার যত কেন দুঃখ হোকনা, সকল দূরে যাবে। [রোদন।

লক্ষ্মণ। হায়! কি হল!—হা বিধাতঃ!

সীতা! লক্ষ্মণ! আমি পূর্ণগর্তী, শ্বাশুড়ীরা আমার নবকুমারের বদনচন্দ্র দর্শন লালসায় সতৃষ্ণ হয়ে আছেন, আমার এই অবস্থা শুনে দুঃখিত হবেন, তাঁদিগে যত্নপূর্বক সান্ত্বনা করবে, আমার ভগ্নীগুলিকে সর্বদা সম্মুখে দৃষ্টিতে দেখো, যদি তারা আমার দুর্দশার কথা উত্থাপন করে দুঃখিত হয়, কি বিলাপ করে, তাঁদিকে প্রবোধ প্রদান করবে। এই আমার শেষ প্রার্থনা। (রোদন) যাও, আর বিলম্বে প্রয়োজন নাই, আমি যে পাপ করেছি, এখন একাকিনী এই তপোবনে সেই পাপের প্রতিফল ভোগ করি।

লক্ষ্মণ। হা আর্ধ্য! এতদিন আপনাকে দয়ার প্রতিমূর্তি বলে বিশ্বাস ছিল, এখন বুঝলাম, আপনার তুল্য পাষণ্ডহৃদয় আর নাই। হা প্রজারঞ্জন রঘুকুলচন্দ্র! কেন এ হতভাগাকে আর্ধ্যা জানকীর সঙ্গে বর্জন কল্যেন না! তাহলে আমি এই

তপোবনে আর্ঘ্যার চরণ সেবা কর্তাম! আমি আর্ঘ্যার সেবায় নিযুক্ত থাকুলে আর্ঘ্যার কোন কষ্ট হতনা!—
হায়! আমি কোন্ প্রাণে রঘুকুললক্ষ্মী জানকীকে এই জনশূন্য অরণ্যে পরিত্যাগ করোঁ যাবো? স্মৃত!
তুমি যাও, আর্ঘ্যকে বলগে, আপনার দুর্ভাগ্যলক্ষণ দেবী জানকীর চরণ সেবার জন্যেই তপোবনে রইলো! আর আমার জননীকে প্রণাম জানিয়ে বলবে “তোমার লক্ষ্মণ সেই জানকীর সেবায় তপোবনে নিযুক্ত রইলো, বনগমনসময়ে আপনি! যাকে লক্ষ্মণের মাতৃ স্থানীয় করে দিয়েছিলেন।”

[রোদন।

। সীতা। বৎসলক্ষ্মণ, তুমি অযোধ্যায় যাও, আমার নিমিত্তে দুঃখ করোনা, আমি এই তপোবনে থেকে এই তপস্যা করবো, যেন জন্মান্তরেও আর্ঘ্যপুত্রকে স্বামী পাই, আর তোমার মত দেবর পাই।

[রোদন।

সুমন্ত্র। (স্বগত) হায় কি বিপদ! এঁদের উভয়েরই শোকসাগর উচ্ছলিত হয়ে উঠেছে। এসময় সান্ত্বনা করা বড় কঠিনকর্ম। যাহোক কুমারকে বলপূর্বক নিয়ে যেতে হল। (প্রকাশে) কুমার, আপনি যে জেষ্ঠ্যের আজ্ঞানুবর্তী হয়ে এই অমানুষোচিত কার্য তার গ্রহণ করেছেন, এখন তপোবনবাস স্বীকার করলে তাঁর আদেশ উল্লঙ্ঘন করা হয়। বিধাতার

মনে যাছিল, তাই হল । (সীতার প্রতি) দেবি !
 দেবতাগণ আপনাকে রক্ষা করবেন, আপনি পাতি-
 ব্রতরূপকবজে রক্ষিত হয়েছেন, কার সাধ্য আপনার
 অনিষ্ট করে? সতী কুলবতীদিগের সকল দেবতাই
 রক্ষাকর্তা ।—হায় ! আমরা রাঘবহৃদয়বন্তের হেম কু-
 সুমটীকে তুলে এনে এই জনশূন্য কান্তারে ক্ষেপণ
 করে চল্লম ! [অশ্রুপাত ।

লক্ষ্মণ । (সীতাকে প্রদক্ষিণ ও প্রণাম পূর্বক)
 আর্ঘ্যে ! এই দুর্ভাগ্য লক্ষ্মণ আপনার চরণকমলে জ-
 ম্মেরমত প্রণাম কর্চে ।

[কাঁদিতে উভয়ের নৌকায় আরোহণ

এবং দেখিতে অদৃশ্য ।

সীতা । লক্ষ্মণ কি যথার্থ আমাকে কানন মধ্যে
 ফেলে গেল ।—হায় ! কি হল ! হায় ! কি হল ! (মৃচ্ছা ।
 ক্ষণেক পর চৈতন্য পাইয়া) হায় ! আমার অদৃষ্টে
 এই ছিল !—হা তাত ! তোমার অত আদরের—অত
 নোহাগের তনয়ার দশা দেখসিয়ে !—হা নাথ ! হা
 সীতাবল্লভ ! তোমার প্রণয়িনীরও পরিণামে এই
 দশা হল !—হায় ! আমি এখন কি করি ! কোথায়
 যাই ? কার শরণাপন্ন হই ? মনে করেছিলাম, নবকু-
 মার প্রসব করো—কুমারের বদনচন্দ্র দৃষ্টি করো আপ-
 নার আত্মাকে—নয়নযুগলকে চরিতার্থ করবো ?—তা
 বিধাতা আমার আশালতা সমূলে নির্মূল কল্লেন !
 —অরে উদরের কুসন্তান ! তুই কেন এই হত-

ভাগিনীর গর্ভ আশ্রয় করেছিলি ? হায় ! তোর কেবল গর্ভবাস ক্রেশ স্বীকারই সার হল ! অরে, তুই বুঝি অযোধ্যানাথের কোলে আরোহণ করবার আশায় জনমদুঃখিনী সীতার গর্ভে বাস করছিস্ ! না কোশলের রাজসিংহাসনের লালসায় এই জনম দুঃখিনী জানকীর গর্ভ আশ্রয় করেছিস্ !—হায় তোর মনোরথমাত্র সার হল !—তুই রাজকুমার, রঘুকুলের অঙ্কুর, আহা !—তুই ভূমিষ্ঠ হলে অযোধ্যা উৎসবপূর্ণ—সংসার আত্মদপূর্ণ হত, কত মঙ্গলবাদ্য হত । অযোধ্যার রাজভাণ্ডারের দ্বারমুক্ত হত ।—হায় ! এখন তোর জন্মগ্রহণে কেবল বনবিহঙ্গিনীরাই কোলাহল করবে ! হা বিধাতা ! লোকে যে “অরণ্যে রোদন” করা বলে থাকে, আমার অদৃষ্টে তাই ঘটলো !—আমাকে এখন এমনি স্থানে রোদন করতে হচ্ছে, যেখানে বনজন্তু বই শ্রোতা নাই ! তা যাইহোক, আমার মনে অনেকগুলি দুঃখের কথা আছে, অই অদূরে যে বিলুপ্ত দেখা যাচ্ছে, ঐ গাছটির তলায় খানিক রোদন করে,—মনের দুঃখের কথা সকল প্রকাশ করে, শেষ এই ভগবতী ভাগীরথীর মলিলে এই বলে সাঁপ দিব “হে বিধাতা ! আমি যান জন্মান্তরেও আৰ্য্যপুত্রকে স্বামী প্রাপ্ত হই ।”—হায় ! আমার অদৃষ্টে শেষ অপমৃত্যুটা ছিল !

[[রোদন করিতে বিলুপ্তের দিকে গমন।

ইতি দ্বিতীয় গর্তাঙ্ক ।

তৃতীয় গর্ভাঙ্ক।

নৈমিষক্ষেত্র।

দুইজন রাজপুরুষ।

প্রথম। মহাশয়, রাজধর্ম কি কঠিন !
 দ্বিতীয়। তার সন্দেহ কি ? মহারাজ এক লোক-
 রঞ্জনানুরোধই, অন্ধকায় স্বরূপিণী—জীবন স্বরূপিণী
 পূর্ণগর্ভা জানকীকে বর্জন কল্লেন—”

প্রথম। মহাশয়, মহারাজের কি গস্তীর স্ব-
 ভাব ! আমি চমৎকৃত হয়েছি, প্রাণপ্রতিমা প্রণয়িণী
 বিরহিত হয়ে কে ধৈর্যধারণপূর্বক সাক্ষাৎ ধর্মের মতন
 বিচার কার্য নির্বাহ কর্তে পারে ? কিন্তু মহারাজ আন্ত-
 রিক উৎকণ্ঠিত আছেন, সন্দেহ নাই।

দ্বিতীয়। মহাশয়, সেই উৎকণ্ঠাপনোদনের জন্যে
 মহারাজ অশ্বমেধ যজ্ঞানুষ্ঠান করো একপ্রকার সুবি-
 বেচকতার কার্য করেছেন, কেননা যজ্ঞের সমারোহে
 জানকীবিরিণীচিন্তা তাঁর অন্তঃকরণে বড় একটা
 স্থানলাভ কর্তে পারবেন।

প্রথম । সমারোহও কেবল সামান্য হয় নাই ।
নানাদিগ্ দেশান্তর হতে মহীন্দ্রগণ সমাগত হয়েছেন,
এখনো অনেকে আস্চেন, লঙ্কার সংগ্রামসহায় বি-
ভীষণ সুগ্রীব প্রভৃতি এখনো সমাগত হন নাই ।
তথাপি নৈমিষক্ষেত্র লোকারণ্য হয়েছে । মহারাজও
সামগ্রীসস্তার অল্প আয়োজন করেন নাই । দধি, দুধ,
মধুর হ্রদ ! সমাগত ব্যক্তিগণের আহাৰ্য্য, ব্যবহা-
ৰ্য্যদ্রব্য স্তূপে স্তূপে সংগৃহীত হয়েছে—”

দ্বিতীয় । মহাশয়, ঐ দেখুন, যুবরাজ ভারত কার্য্য
পরিদর্শন নিমিত্ত এদিকেই অগ্রসর হচ্ছেন, এসময়
আমরাও আমাদের কর্তব্য কৰ্ম্ম নির্বাহে তৎপর হই ।

প্রথম । হাঁ চলুন, নতুবা যুবরাজ অনুযোগ ক-
রবেন ।

[উভয়ের প্রস্থান ।

ভরত এবং বসন্তকের প্রবেশ ।

ভরত । তবে বসন্তক !

বসন্তক । আজ্ঞে যুবরাজ !

ভরত । এইত যজ্ঞানুষ্ঠান হচ্ছে, তোমারইত—”

বসন্তক । আজ্ঞে তার সন্দেহ কি ?

ভরত । তবে, এইত মধুহ্রদ, দধিহ্রদ, কেমন,
এর একটি হ্রদকে উদরসাগরে স্থান দান কর্ত্তে পারবে
কি না ?

বসন্তক । যুবরাজ ! কত নদ নদীকে মহাসাগর
উদরে স্থানদান করেন—”

ভরত । হাঁ তাই বলছিলাম, এক চুমুক দেও যেন অবশিষ্ট না থাকে ।

বসন্তক । যুবরাজ, আপনি আমাকে তুচ্ছ বিবেচনা করবেন না, আপনি কি জানেন না, যে আমারই গুণ্ঠির একজন সেই পুলস্তমুনি গণ্ডূষে সপ্তসাগরের জল পান করেছিলেন—”

ভরত । (সহাসে) পুলস্ত না হে, অগস্ত্য ।

বসন্তক । আজ্ঞে অগস্ত্য, সপ্তসাগরের বারিপান করেছিলেন—গণ্ডূষে । তা আমি তাঁর বংশে জন্মগ্রহণ করো কি আর কটা ক্ষুদ্র হৃদ শোষণ কর্তে পারব না ? তবে আর আমাতে (উদর প্রদর্শন পূর্বক) এই মূর্তিমান ব্রাহ্মণ্যদেব প্রতিষ্ঠিত রয়েছেন কেন ?
[হা হা করিয়া হাস্য ।

ভরত । যদি না পার, তবে—”

বসন্তক । পারবার উপায় আছে,

ভরত । উপায় কেমন দীন দুঃখীদিগে কিছু বিতরণ করে—”

বসন্তক । আজ্ঞে, শর্মা নিজের (উদর প্রদর্শন ইয়া) প্রতিষ্ঠিত দেবতার পূজা না দিয়ে আপনিও প্রসাদ পান না, তা অন্য পরের কথাত বুঝতেই পারেন, যুবরাজ !

ভরত । তবে নাহয় এখন অবধি মাসেক ছমাস উপবাস করো থাকো, ক্ষুধার বৃদ্ধি হোক, শেষ একবার অবগুণ্ঠিতে চুমুক মারবে ।

জানকী নাটক ।

৫৫

বসন্তক । না, না তা হবে না । বাপু রে, একদণ্ড মুখ না চললে শ্বাসরোধ হয় । তা একমাস বাপু রে আবার ছমাস উপবাস করব ! শত্রু উপবাস করুক, যাদের ঘরে খাবার সংস্থান না থাকে, তারাই উপবাস করুক । আমি এই (টেপত্যাগ পূর্বক) টেপেতে ছুয়ে দিচ্ছি করো—ব্রাহ্মণ্যদেবের দিচ্ছি করো বলছি, যদি ইন্দ্রের ইন্দ্রত্ব পাই, সেই অনন্তযৌবন। উর্ধ্বশী মেনকাকে পাই,—বৈজয়ন্তি ধাম পাই—তবুও এশম্মা । একদিন—একপ্রহর—একদণ্ড—একপল—একবিপল—একমূহূর্ত উপবাস স্বীকার করবেন না । প্রাণ যায় তাতেও ক্ষোভ নাই, তবুও এঁরহতে উপবাস করা হবে না ।

ভরত । আর যদি সুধাকুণ্ড পাও, তবে ?

বসন্তক । (শিরশ্চালনপূর্বক) হুঁ ! তা হলে একদিন আদ্যদিন কল্লোও কতে পারি । কিন্তু আগে আত্মমিটে সুধাপান করবো,—তারপর উপবাস । আগে উপবাস করে সুধা কেন, আর কিছু হলেও শম্মা অসম্মত । (ক্ষণেক চিন্তা করিয়া) না যুবরাজ, আমার সুধাপান করা হল না ।

ভরত । (সহাসে) না কতই হবে ।

বসন্তক । না, না, যুবরাজ, এবিষয়ে আপনি অনুরোধ করবেন না, আমি সুধা পান করি, আর আমার জন্মের মত ক্ষুধা তৃষ্ণা দূর হোক । তা হলেইত সর্বনাশ ! আমার ক্ষুধাতৃষ্ণা গেলে, পৃথিবীর দেবের দুঃখ ভ

বস্তু সব কার জন্য থাকবে? (ক্ষণেক চিন্তা করিয়া)

হাঁ! হাঁ! ভাল কথা স্মরণ হল। যুবরাজ, আজ হতে আমি বিশেষ সতর্ক হলাম, আর ব্রাহ্মণীকে সুধামুখী বলে সম্বোধন করা হবেনা। কি জানি ব্রাহ্মণের যে বেদবাক্য! যদি যথার্থই সুধামুখী হয়ে পড়লেন, তাহলেইত শর্মা গেলেন।

[হা হা হা করিয়া হাস্য।]

ভরত। (সহাসে) হাঁ হে তুমি যে সিদ্ধবাক্য ব্রাহ্মণ!

বসন্তক। (সকোপে) কি আপনি রঘুবংশে জন্ম গ্রহণ করে ব্রাহ্মণকে উপহাস করেন? সগরবাজার ষাটহাজার পুত্র কোন জাতির কোপে ভস্ম হয়েছিল জানেন? ব্রাহ্মণের কোপাগ্নি, কালাগ্নি হতেও ভয়ানক, বিশেষতঃ ব্রাহ্মণের জঠরাগ্নি আরো বিষম—”

ভরত। সাম্য হও হে।

বসন্তক। ভাল, আপনি অনুরোধ কল্লেন, ক্ষান্ত হলেম। ভবিষ্যতে সাবধান হবেন।— [হাস্য।]

ভরত। অবশ্য।

সুমন্ত্রের প্রবেশ।

সুমন্ত্র। কুমার, এখানকার এখন সমুদয় অনুষ্ঠান করা হয়েছে—”

বসন্তক । হ্যাঁ, আমরাও পর্যবেক্ষণ করে দেখ-
লাম, এখানের আর কোন তত্ত্বাবধান আবশ্যক ক-
রেনা । এখন একবার রন্ধনশালারদিকে চলুন—
সেখানকার ভালরূপ তত্ত্ব কর্ত্তে হবে ।

সুমন্ত্র । আমি স্বয়ং চর্ষা, চূষা, লেহা, পেয়
নানা প্রকার ভোজ্যবস্তু সংগ্রহ করিয়েছি, তজ্জন্য
মহাশয়কে চিন্তিত হতে হবে না, (ভারতের প্রতি)
কুমার, এক্ষণে একবার মহারাজকে সমুদয় বিষয় নি-
বেদন করিগে ।

বসন্তক । এই দিকৃদিয়ে চলুন ।


ভরত । কেন ?

বসন্তক । অমনি একবার রন্ধনশালা ঢুকে—

ভরত । (হাস্য করিয়া) আচ্ছা চল ।

[সকলের প্রস্থান ।

ইতি দ্বিতীয় অঙ্ক ।



তৃতীয় অঙ্ক ।



প্রথম গর্ভাঙ্ক ।

দণ্ডকারণ্য ।

আত্রেয়ীর প্রবেশ ।

আত্রেয়ী । এই না দণ্ডকারণ্য । উঃ ! কতদূর
চলে এসেছি ! বড় পরিশ্রম হয়েছে । কিন্তু যখন বি-
দ্যাশিক্ষার সুখ মনোমধ্যে উদ্ভিত হয়, তখন আর এ
কেশকে কেশই বোধ হয় না । পণ্ডিতেরা বলে
থাকেন, পরিশ্রম না করলে বিদ্যারত্ন লাভ করা যায়
না । বিদ্যাশিক্ষা ব্যতীত জ্ঞানলাভের সম্ভাবনা নাই,
জ্ঞানলাভ ব্যতীত মুক্তির উপায় কি ? তা যাই এখন
বেলাও অত্যন্ত হয়েছে । এখানে স্নান আহার করে
শ্রান্তি দূর করি, নির্ঝরনার, সুশীতল ছায়া, সুপক্ক
ফল, এবনে সকলই আছে, কিছুই অন্যেই পরোপাসনা
কর্ত্তে হবে না ।

বাসন্তীর প্রবেশ ।

বাসন্তী । ভগবতি, আপনার পরিচয় শুনতে ইচ্ছা
করি ।

জানকী নাটক ।

৫২

আত্রেয়ী । আমি আত্রেয়ী ।

বাসন্তী । আত্রেয়ি ! (আলিঙ্গনপূর্বক) পরম সৌভাগ্য । আপনি যে এখানে ?

আত্রেয়ী । এখানে মহর্ষি অগস্ত্য প্রভৃতি অনেক বেদজ্ঞ মুনি আছেন, তাঁদের কাছে কিছু বিদ্যাশিক্ষার মনস্থ আছে ।

বাসন্তী । কেন, অন্যান্য আশ্রমহতে অনেক মু-
নিকুমার মহর্ষি বাল্মীকির তপোবনে গিয়ে অধ্যয়ন
করেন । আপনি সেখানে না পড়ে বিদেশ-ক্লে-
শীকার কল্লেন কেন ?

আত্রেয়ী । সম্প্রতি সেখানে পাঠের বড় গোল-
যোগ ।

বাসন্তী । গোলযোগ কেমন ?

আত্রেয়ী । কোন দেবতা পঞ্চমবৎসরের দুটি বা-
লকে মহর্ষি বাল্মীকির নিকট শিক্ষার্থে নিযুক্ত করে
রেখে গিয়েছেন । মহর্ষি সেই দুটি শিশুকে অত্যন্ত ভাল
বাসেন, কেবল যে মহর্ষিই ভালবাসেন, এমন নয় স-
কলেই তাদিগে ভালবাসে ।

বাসন্তী । সেই বালক দুটির নাম ?

আত্রেয়ী । সেই দেবতাই বালক দুটির নাম কুশ
আর লব রেখে, প্রভাব বর্ণন করেছেন ?

বাসন্তী । প্রভাব আবার কেমন ?

আত্রেয়ী । আজন্মসিদ্ধ জন্তুক অস্ত্র ।

বাসন্তী । হাঁ, প্রভাব বটে ।

আত্রেয়ী । মহর্ষি বাল্মীকি বালক দুটীর খাত্তী কর্মে দীক্ষিত হয়ে লালন পালন কর্চেন, চুড়ার পর অন্যান্য সকল বিদ্যার শিক্ষা দিয়া একাদশ বর্ষ বয়ক্রম সময় ক্ষত্রিয় প্রথামতে উপনয়ন ক্রীয়া সম্পন্ন করেচেন । এখন বেদবিদ্যা শিক্ষা দিচ্ছেন । বালক দুটি অত্যন্ত মেধাবী, তাদের সঙ্গে আমার অধ্যয়ন করা বড় কঠিন, অধ্যাপক কি সুবোধ কি নির্বোধ সকল ছাত্রকেই সমান শিক্ষা দিয়া থাকেন । কিন্তু ছাত্রবিশেষে শিক্ষার তারতম্য হয় । হওয়াও আশ্চর্য নয়, নির্মল স্ফটিকে সূর্যের সম্পূর্ণ প্রতিবিম্ব পড়ে, মৃত্তিকাতে কদাচ পড়ে না ।

বাসন্তী । এই বিষয় ?

আত্রেয়ী । না কেবল এই নয়, আরো আছে ।

বাসন্তী । আবার কি ?

আত্রেয়ী । মহর্ষি বাল্মীকি একদিন মধ্যাহ্ন সময় তমসা নদীতে স্নানার্থ গমন করেচেন, এমন সময় এক ক্রৌঞ্চ নিজ পত্নীর সহিত সঙ্গত হয়ে, এক ব্যাধের শরে লক্ষ্য হচ্ছিল, মহর্ষি যেমন এটি দেখলেন, অমনি তাঁর বদনকমল হতে এই আশ্চর্য শ্লোক বার হল,

“অরে ব্যাধ, তুই অতিশয় দুরাশয়,

এবে এ ক্রৌঞ্চমিথুন বধ বোগ্য নয় ।

করিস্নেহে করিস্নেহে তুই শায়ক ক্ষেপণ,

করিলে হইবি বড় অঘশভাজন ।”

বাসন্তী। (সবিস্ময়ে) এ যে নূতন শ্লোক!

আত্রেয়ী। এই শ্লোক পাঠের পর লোকনাথ ব্রহ্মা স্বয়ং আবিভূত হয়ে মহর্ষিকে সম্বোধন করে বলেন, “মহর্ষে! তুমি সুধীবর, শব্দব্রহ্ম তোমারই কণ্ঠে উপস্থিত, তা তুমিই মহাত্মা রামচন্দ্রের চরিত বর্ণন কর, আদি কবি নামে বিখ্যাত হবে।” মহর্ষি সেই অবধি অনন্য-কর্মা হয়ে কেবল রামায়ণ রচনায় মনোহনিবেশ করে ছেন। এখন তার অধ্যাপনার সময় নাই, তাই দণ্ড-কারণ্যে আসা হয়েছে। আপনি ভগবান অগস্ত্যের আশ্রমের পথ অবগত আছেন?!

বাসন্তী। এইদিক দিয়ে পঞ্চবটী হয়ে, গোদাবরী তীর অবলম্বন করে গমন করুন।

আত্রেয়ী। কি এই তপোবন!—এই পঞ্চবটী!—এই গোদাবরী!—ঐ প্রস্রবণপর্বত!—বোধ হয় আপনিও জনস্থানদেবতা বাসন্তী?

বাসন্তী। হাঁ সেই সকলই বটে।

আত্রেয়ী। (সখেদে) হা বৎসে সীতে! এই সেই সকল তোমার প্রিয়বাসস্থান, বনবাসের বন্ধু বান্ধব, এখন কথা প্রসঙ্গে যাদের উল্লেখ হচ্ছে। তুমি এখন নামশেষা হয়েছে—

বাসন্তী। (সবিস্ময়ে) কি নামশেষা! তাঁর কোমল কলেবর কি কালগ্রাসে পতিত হয়েছে?

আত্রেয়ী। কেবল তা নয়, অপবাদ ঘটেছে (কর্ণে কখন)।

বাসন্তী। আহা হা! হা বিধাতা!—হা প্রিয়সখি
সীতে!—হা সখিবৎসলে!—হা শুদ্ধচরিতে! পরিণামে
তোমার ভাগ্যে এই ছিল!—ভগবতি! লক্ষ্মণ ভাগী-
রথীতীরে জানকীকে পরিত্যাগ করে এলে পর কি হল,
আপনি কিছু শুনেছেন?

আত্রেয়ী। না, তার পরে কোন সংবাদ পাই
নাই।

বাসন্তী। আঃ কি কষ্ট! ভগবতী অক্লান্ত, বশিষ্ঠ,
আর রাজমাতারা সব জীবিত থাক্তে সখীর এই অ-
বস্থা হল!—হা দৈব! তোর অসাধ্য কিছুই নাই!

আত্রেয়ী। না, যখন রামচন্দ্র সীতাকে নির্ধা-
সিত করেন, তখন ভগবান বশিষ্ঠ, অক্লান্তি আর রা-
জমাতারা সকলেই মহর্ষি ঋষিশূদ্রের আশ্রমেছিলেন।
এক্কেণে তাঁরা অযোধ্যায় এসে সবিশেষ শুনে, সকলে
যারপর নাই দুঃখিত হয়ে অযোধ্যাবাস ত্যাগ করে-
ছেন।

বাসন্তী। (সবিস্ময়ে) বলেন কি! তাঁরা তবে
কোথায় গেলেন?
আত্রেয়ী। এক্কেণে তাঁরা মহর্ষি বাল্মীকির ত-
পোবনে বাস কচ্চেন—”

বাসন্তী। (সবিস্ময়ে) বলেন কি!—হা বি-
ধাতা! তোমার লীলা কে বুজতে পারে!—ভগবতি
আত্রেয়ি! ভাল, এই সকল আত্মীয়জন বিবাহিত হয়ে
এখন অযোধ্যানাথ কি ভাবে আছেন? (দাক)

জানকী নাটক।

৪৬৩

আত্রেয়ী। তিনি অশ্বমেধযজ্ঞ আরম্ভ করেছেন—
বাসন্তী। (সখেদে) অঁ মহারাজ আবার বি-
বাহও করেছেন!—হায়! রামচন্দ্র এমন নিষ্ঠুর! প্রিয়
সখী জানকীকে প্রাণাপেক্ষা ভালবেসে শেষ তাঁকে
নির্ধাসিত কল্লেন! তাতেও ক্ষান্তনন,—আবার ভা-
র্যাস্তুর গ্রহণ করেছেন!—হা! পুরুষের প্রাণ কি
কঠিন!—

আত্রেয়ী। না, না, রঘুনাথকে তেমন মনে ক-
রেন না। তার কার্য্য সব অলৌকিক! অলৌকিক কেমন?

আত্রেয়ী। তিনি অশ্বমেধযজ্ঞে ভার্য্যা গ্রহণ ক-
রেন নাই।

বাসন্তী। তবে যজ্ঞ করছেন কেমন করে?

আত্রেয়ী। রঘুনাথ স্বর্ণময়ী সীতা নির্মাণ পূর্ব্বক
তাহাকে সহস্রর্ষ্মিণী করে যজ্ঞারম্ভ করেছেন।

বাসন্তী। (সবিস্ময়ে) বটে! লোক চরিত্র বড়
চমৎকার!

আত্রেয়ী। যথার্থ কথা! বিশেষতঃ সাধুদিগের
চরিত্র আরো দুজ্জ্বেয়। তাঁদের চিত্ত কে বুঝতে পারে?
কখন বজ্র হতেও কঠিন হয়, কখন বা কুসুম অপে-
ক্ষাও কোমলতা ধারণ করে।

বাসন্তী। তা যজ্ঞ পূর্ণের বিলম্ব কি?—

আত্রেয়ী। বিলম্ব বড় নাই। যজ্ঞের অশ্ব প্রত্যা-
বৃত্ত হলেই হয়। লক্ষ্মণের পুত্র কুমার চন্দ্রকেতু যজ্ঞ

তুরঙ্গের সহিত চতুর্দিশী সেনা নিয়ে বহির্গত হয়েছে।
বাসন্তী। ভগবতি! আজ আপনার সঙ্গে সাক্ষাৎ
হওয়াতে এককালে কতগুলি বিষয়ের কথা শ্রবণ ক-
ল্লেম। কুমার লক্ষ্মণের কুমার হয়েছে, আহা! একথায়
কর্ণ অমৃতরসে অভিষিক্ত হল। যদি আর কিছু কাল
বৈতে থাকি, আরো কত শুনবো।

আত্রেয়ী। ভগবতি! আরো বিষয়ের কথা ব-
ল্চি।— মহারাজ রঘুকুলচন্দ্র যজ্ঞারম্ভ করেছেন, এ
দিকে সেদিন এক ব্রাহ্মণ মৃত শিশুকে কোলে করে রা-
জ্যারে এসে রোদনারম্ভ করলেন। ব্রাহ্মণের অশ্রুপা-
তে সকলে মহাব্যস্ত!—

বাসন্তী। তার পর?

আত্রেয়ী। তার পর সকলে অনুমান করলেন, ম-
হারাজ রামচন্দ্রের পাপেই ব্রাহ্মণকুমারের অকালমৃত্যু
হয়েছে। রাজার পাতক ব্যতীত প্রজার অশুখ হয় না।
রাঘবেন্দ্র অত্যন্ত ক্ষুব্ধ হলেন। এমন সময় দৈববাণী হল,
“পৃথিবীতে শম্বুক নামে এক শূদ্র তপস্যা করছে, তার
মস্তক ছেদন কর, তবেই দ্বিজকুমার জীবনপ্রাপ্ত হবে।”
রাজা এই আকাশবাণী শ্রবণ করে খড়াগ্রহণপূর্বক
তখনই শম্বুকের অশেষণে বহির্গত হয়েছেন।

বাসন্তী। শম্বুক শূদ্র! সে যে এইস্থানেই তপস্যা
করছে!—তবেত আবার রামচন্দ্র এখানে আসবেন।

আত্রেয়ী। ভগবতি, এক্ষণে বিদায় দিন। ব্যালা
অত্যন্ত হয়েছে।

বাসন্তী । হাঁ, হয়েছে বটে । অইষে প্রথর রৌদ্রে উত্তপ্ত হয়ে বন্যহস্তীরা গোদাবরী জলে সর্বাঙ্গ নিমগ্ন করো শুণ্ডগুলি কেমন উর্দ্ধ করে রয়েছে ! বায়স সকল চঞ্চু ব্যাদান করো রুম্মশাখা অবলম্বন করেছে ; তট ভাগে কপোত, কুকুট, আর ঘুঘু সকল আতপতাপে নিতান্ত ক্লান্ত হয়ে তৃষিতকণ্ঠে শব্দ করছে ।—আপনি কি এসময় ভগবান অগস্ত্যের আশ্রমে যাবেন ?

আত্রেয়ী । হাঁ, সেইখানে যেয়েই স্নানাহার করবো ।

বাসন্তী । তবে এই পথে আসুন ।

উভয়ের প্রস্থান ।

রামচন্দ্রের প্রবেশ ।

রাম । কত অন্বেষণ করলাম, কই, শম্বূকের অনুসন্ধানত পেলেন না । এখন জান্লাম, সে না কি এই স্থানে তপস্যা করচে । দেখি, দেখি, দৈববাণী কখনই অলীক হবেনা (তপোবলম্বী শম্বূককে অদূরে দৃষ্টি করিয়া) ঐ যে শম্বূক,—যাই, এই শানিত খজাঘাতে ওর মস্তক ছেদন করিগে । (শম্বূকের নিকট যাইয়া খজা উত্তোলন পূর্বক) হে রামের দক্ষিণ হস্ত ! তুমি অকাল-মৃত-দ্বিজকুমারের জীবনদানার্থ এই শূদ্রমুনির শিরচ্ছেদন কর ।—তোমার মমতা কি ? তুমি ত স্বইচ্ছায় এই অনুচিত কার্য করছো না,—আর যে রাম গর্ত্তভারাল-

সাদী অন্ধাঙ্গস্বরূপ। সহধর্মিণীকে নিরপরাধে বর্জন করেছে, তুমিত সেই রামের হস্ত ! তা তোমার দয়াই বা কি ?—মমতাই বা কি ?

[কষ্টে শম্বূকের শিরচ্ছেদন ।

(খড়্গাঘাতে ছিন্নমস্তক হইয়া শম্বূকের
দিব্যশরীর প্রাপ্তি)

শম্বূক । মহারাজ অযোধ্যানাথের জয় হোক । আপনি আশ্রিতের অভয়দাতা, পৃথিবীতে পুণ্যের অবতার । আপনি শিরচ্ছেদন করায়, আমি এই দিব্য শরীর প্রাপ্ত হলেম, আমার আর সৌভাগ্যের সীমা কি ? মহর্ষিরা বলেছেন, “সাধুর সমীপে মরণও প্রার্থনীয়, অসৎ সংসর্গে জীবনধারণ করা ভারবহন মাত্র ।” দেব, আমি আপনার সংস্পর্শে দিব্যশরীর—দিব্যজ্ঞান লাভ করলাম । এদাসের প্রতি প্রসন্ন হউন ।

[চরণ বন্দন ।

রাম । এখন ব্রাহ্মণ কুমার জীবিত হউন, তুমিও আপনার স্মৃতির ফলে সেই লোক প্রাপ্ত হও—যথায় রোগ নাই, শোক নাই, মৃত্যুর অধিকার নাই—যথায় কেবল আনন্দশ্রোত প্রবাহিত ।

শম্বূক । দেব, আপনিই আমার এসমুদয় ঐশ্বর্য লাভের নিদান । আমার আর তপস্যার ফল কি ?—অথবা তপস্যার ফলই বলতে হবে । কেননা আমি তপস্যাবলম্বন না কଲ্লে আপনি কি এই হতভাগ্যকে

স্পর্শ কর্তেন ? আপনি সাক্ষাৎ ধর্ম, আপনার দর্শনলাভে সমুদয় পাপ পলায়ন করে। আপনি এই পাপাত্মার অবেষণে শতযোজন পরিক্রমণ করে এখানে উপস্থিত হয়েছেন, নচেৎ কোথায় বা অযোধ্যা, কোথায় বা দণ্ডকারণ্য !

রাম। (সবিস্ময়ে) কি এই দণ্ডকারণ্য ! (চতুর্দিকে দৃষ্টিপূর্বক) হাঁ বটেইত, এই যে কোন স্থান নিবিড় তরুজালের শীতলছায়া বিশিষ্ট; কোন স্থান আতপ তাপে সাতিশয় উত্তপ্ত; কোথায় বা গিরি নির্যার বারি বর্ষ শব্দে পতিত হচ্ছে। কোন স্থানে আশ্রম, কোন স্থানে পর্বত; এত সেই বহুকাল-পরিচিত-দণ্ডকারণ্যই বটে ! (সতৃষ্ণনয়নে দৃষ্টি)

শম্ভুক। আজ্ঞে, এই স্থানে মহারাজ অনেক দিন অতিপাত করেছেন—এই স্থানেই চতুর্দশ সহস্র রাক্ষসের সহিত দুরাত্মা খর আর দুষণ মহারাজের শরানলে ভস্মীভূত হয়। সেই অবধি এই সিদ্ধক্ষেত্র জনস্থানে তপস্বীরা নির্ভয়চিত্তে স্বস্ব কার্য সাধন করেন—”

রাম। (সবিস্ময়ে) কি এ কেবল দণ্ডকারণ্য নয়, জনস্থানও ?

শম্ভুক। আজ্ঞে, (নির্দেশপূর্বক) এইত জনস্থানের সীমা। এর দক্ষিণে বৃহৎ অরণ্য।

রাম। হাঁ পূর্বে এই স্থানে খর দুষণ বাস করে ছিল, দৃষ্টিমাত্রই যেন প্রত্যক্ষ বোধ হচ্ছে। (দীর্ঘনিশ্বাস সত্যাগ পূর্বক স্বগত) এস্থান অত্যন্ত দুর্গম, তবু আ-

যার সঙ্গে বাস করেছিলেন বলে সীতার অত্যন্ত প্রিয়
 হয়েছিল। [সজল নয়ন।
 শম্বুক। (নির্দেশপূর্বক) এই দক্ষিণারণ্য। এ-
 স্থান অত্যন্ত গভীর, প্রশান্ত, এখানে শত পক্ষী বৃক্ষ-
 শাখায় কুলায় নির্মাণ করো বাস করে, ঐ শুনুন,
 গিরিগহ্বরে ভল্লুক সকল কেমন শব্দ করছে! বন্য
 হস্তীর মদগন্ধ আসছে—”

রাম। তোমার সঙ্গীতি হউক। তুমি স্বর্গে গমন
 কর। [চরণ বন্দনপূর্বক শম্বুকের প্রস্থান।
 শম্বুক। ভগবান অগস্ত্যের চরণ বন্দনা করো
 পরে গমন করবো। এক্ষণে বিদায় হই।

[চরণ বন্দনপূর্বক শম্বুকের প্রস্থান।
 রাম। (পরিভ্রমণ পূর্বক সখেদে)

রাগিণী সোহিনীবাহার।
 তাল মধ্যমান।

এই সেই পরিচিত বন, নয়নরঞ্জন,
 যে বনে প্রেয়সী সঙ্গে, করেছি বঞ্চন!

(অই সেই গিরিবর,
 যার শৃঙ্গে জলধর,

করিছে শোভা—
 প্রমোদেতে শিখি সব,

করিতেছে কেকারব,
শ্রবণের মহোৎসব
করি বিতরণ;

অই যে হরিণগণ
করিতেছে বিচরণ
নিঃশঙ্কমনে;

অই বিবিধ বিহঙ্গে,
শাখীতে বিহরে রঙ্গে,
সুখে শারীশুক সঙ্গে,
করিছে নর্তন!

অই না সে গোদাবরী.
কলকল রব করি,
প্রবাহিত হয়!

নানাবিধ জলচরে
মনোমুখে জলে চরে
সারসনিকরে করে,
তারেতে ভ্রমণ!

গৃহ ত্যজি বনে এসে
এই গিরি গুহাদেশে,
নির্ম্মায়ে কুটির,

প্রিয়তমা সহবাসে,

দুঃখপূর্ণ বনবাসে

বঞ্চিতাছি স্বর্গবাসে,

অমর মতন।

যেদিকে আঁখি ফিরাই,

সেদিকে দেখিতে পাই

পরিচিত সব,

কেবল, সে স্বর্ণলতা-

জানকী রহিল কোথা?

স্বহস্তে তাহার মূল

করেছি ছেদন!

পাষণ কি বজ্রসম,

কঠিন হৃদয় মম,

নাহি দয়ালেশ!

ত্যজিয়া প্রাণপ্রিয়

হায়! কি সুখ আশায়

এখন রামের কায়

রয়েছে জীবন!

[মৃচ্ছা]

—(কিঞ্চিৎপর চৈতন্য পাইয়া) হায় ! সেই সকলই আছে, কিন্তু আমার চক্ষু কেন আর এ-
নের তেমন শোভা দেখতে পায় না ! কোমুদী কীরণ
দানে প্রকৃতিকে যেমন সুশোভিত করে দর্শককে তৃ-
প্তিপ্রদান করে, তিমির কি সেইরূপ পারে ? (স-
ম্মুখে সহকারতর শাখাবলম্বিতা মাধবীলতাকে দৃষ্টি
করিয়া)

ধন্য ধন্য ধন্য তুমি অহে সহকার !

হায় ! রাম সুখীনয় সমান তোমার !

প্রেয়সী মাধবীলতা-সুখসম্মিলনে,

বেশ নিষ্কণ্টকে তুমি বঞ্চিতেছ বনে !

পরপরিবাদ কর্ণে পশেনা তোমার !

নাহি ধার তুমি লোকরঞ্জনের ধার !

হায় ! হত ভাগ্য রাম লোকরঞ্জিবারে,

প্রাণপ্রিয়া জানকীরে ত্যজিল কান্তারে !

[দীর্ঘশ্বাসত্যাগ ।

রাগিণী ঝিঝিটি ।

তাল ঠেকা ।

হায় সীতাম্বর্ণলতা রহিল কোথায় ?

শোভিত এতনু-তরু যার প্রতিভায় !

ইহা ! হাঃ বাবায়ু যেই মত, (স্বকীর্ষী) —

-হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হাঃ হাইয়া সহসাগত লকী, ভূগাত ইহকম

হায় ! আমি নিতান্ত হতভাগ্য ! আমার মত
নির্কোষ কি অবনীমণ্ডলে ছুটি আছে ?

[অশ্রুপাত ।

শম্ভূকের পুনঃ প্রবেশ ।

শম্ভূক । মহারাজের জয় হোক । ভগবান অগ-
স্ত্য আমার নিকট আপনার আগমন সংবাদ শুনে আ-
পনাকে বলেছেন “প্রিয়সী লোপামুদ্রা আর আশ্রম-
বাসী সকল মহারাজের সাক্ষাতলাভ কর্তে একান্ত
উৎসুক । অতএব একবার আশ্রমে এসে বিশ্রাম করে
তাদের বাসনা পূর্ণ করুন, পরে অযোধ্যায় যাবেন
এখন । ”


রাম । (অশ্রু সম্বরণ পূর্বক) আমি ভেবে ছি-
লাম, এনির্জুন বনে খানিক বিলাপ করে, প্রিয়সীর
বিরহ-বেদনা কতক দূর করবো, তা বিধাতা কি রামকে
অরণ্যে রোদন কর্তেও অবকাশ দেবেন না ! (প্রকাশে)
ভগবান অগস্ত্যের আজ্ঞা শিরোধার্য্য । চল । (রথা-
রোহণ ।)

শম্ভূক । এই পথ দিয়া আসুন ।

প্রস্থান ।

ইতি প্রথম গর্ত্যঙ্ক ।

দ্বিতীয় গর্ভাঙ্ক ।



(জনস্থান ।)

মুরলার প্রবেশ ।

মুরলা । (ষাইতে২) রামচন্দ্রের প্রতি সকলে-
রই কি সমান স্নেহ ! এই তিনি ভগবান অগন্ত্যের আ-
শ্রমে এলেন, তাই তাঁর শরীরের অসুখ দেখে লো-
পামুদ্রা যেন স্নেহে গলে গেলেন । তাঁর কত ভয়—
কত চিন্তা উপস্থিত হল । ভয়ের বিষয়ও বটে, জানকী-
বিরহে রামচন্দ্রের শরীরের যে অবস্থা হয়েছে, তা দেখে
কার মনে না ভয় হয় ?—আহা ! রামচন্দ্রের আর সে
মোহিনী-মূর্তি নাই—আর শরীরের স্ফূর্তি নাই—
দাক্ষণ ক্লশ হয়ে পড়েছেন ! (দীর্ঘ নিশ্বাস ত্যাগ পূ-
র্ব্বক) উঃ বিরহরোগ কি ভয়ানক !

তমসার প্রবেশ ।

তম । ঐ যে সখী মুরলা, আঙুটীটি খুলে এর
সঙ্গে দুটো কথা কই । (অঙ্গুরী উন্মোচনপূর্ব্বক) সখি
মুরলে, এত ব্যস্ত হয়ে কোথা চলেছ ?

মুরলা ॥ ভগবতী গোদাবরীর কাছে ষাচ্ছি ।

তমসা । কেন ?

মুরলী । ভগবতী লোপামুদ্রা তাঁকে বলে পা-
ঠিয়েছেন, “গোদাবরি! তুমি সকলি জান, জানকীবি-
রহে রামচন্দ্রের যে অবস্থা হয়েছে, দেখলে তার প্রাণ
ধারণের প্রতি সন্দেহ জন্মে । অতিশয় গম্ভীর প্রকৃ-
তি বলেই এতদিন এই ভয়ঙ্কর শোকানল মনেই স-
্বরণ করে রেখেছিলেন, এখন অবোধায় প্রত্যাগমন
সময়, জানকীর সহিত পঞ্চবটীর যে যে স্থানে ভ্রমণ ক-
রেছিলেন, সেই সকল রমণীয় স্থান দেখে, অবশ্যই বৈ-
দেহী-বিরহে ব্যাকুল হয়ে পড়বেন, তাতে বড় বিপদের
সম্ভাবনা । বিশেষতঃ সেই নির্জ্ঞান বনে এমন একটি
মানুষ লাই যে রামচন্দ্রকে সান্ত্বনা করে, কি মূচ্ছিত
হলে মুখে এক ফোটা জল দেয় । যদি রঘুমণি নি-
তান্তই অধৈর্য হয়ে মূচ্ছাপন্ন হন, তা তুমিই নিজ
তরঙ্গ শিকর-সিক্ত সুশীতল সমীরণ দিয়া অল্পে
তাঁর মূচ্ছাভঙ্গ করো ।”

তম । হাঁ এটি লোপামুদ্রা স্নেহের কার্য্যই করে-
ছেন; কিন্তু সখি, রামের মূচ্ছাবারণের মহৌষধি
এইখানেই আছে ।

মুরলী । (ব্যগ্র হইয়া) কেমন সখি ?

তমসা । শুন তবে । যখন লক্ষ্মণ বাল্মীকির
তপোবনে জানকীকে পরিত্যাগ করে এলেন, তার
পরেই সীতার প্রসব বেদনা উপস্থিত হয়।—সেই
ভয়ানক সময়ে—সেই ভয়ানক স্থানে জানকী শোক

ছুঃখে নিতান্ত অধীরা হয়ে প্রাণত্যাগের বাসনায়,
ভগবতী ভাগীরথীতে বাঁপ দিলেন——”

মুরলা । কি সর্বনাশ ! কি সর্বনাশ ! এমন সতী
লক্ষ্মীর ভাগ্যে পরিণামে কি এই ছিল !——”

তমসা । সখি শুনইত । জানকী গঙ্গায় বাঁপ
দিলে, রঘুকুলদেবী মন্দাকিনী নিজ কুলবধূকে আদরে
গ্রহণ করলেন, সেইখানেই সীতা দুটি সন্তান প্রস-
ব করেন । তখন পৃথিবী সেই সন্তানদুটি আর আপ-
নার মেয়ে সীতাকে নিয়ে পাতালপুরে গেলেন ।——”

মুরলা । আহা ! দৈবের কি অদ্ভুত লীলা ! তার
পর সখি ?

তমসা । তার পর সন্তানদুটি শুন ত্যাগ করলে
পর, ভগবতী বসুমতী আর ভাগীরথী মন্ত্রণা করে শাস্ত্র
আর শাস্ত্রশিক্ষার নিমিত্তে মহর্ষি বাল্মীকির কাছে
তাদিকে সমর্পণ করেছেন । এখন তাঁরা মহর্ষি বাল্মী-
কির আশ্রমেই আছে ।

মুরলা । তবে সূর্যবংশের অঙ্কুর বাড়ছে । সখি,
বহুতলোকের বিপদে দেবতারাও সহায় হন । এমন
বিপদের সময় গঙ্গা আর পৃথিবী জানকীর কত উ-
পকার করলেন ।

তমসা । সখি, কেমন কথা বলছেন । পতি স-
হজেই স্ত্রীর মমতা ত্যাগ কর্তে পারে, তাবলে কি মাও
মেয়ের মমতা ত্যাগ কর্তে পারে ? আর গঙ্গাও ত
সীতার কুলদেবী——”

মুরলা । তাবটে, কিন্তু সখি এখানে রামের বিরহরোগের মহোষধি কই ? জনস্থান কোথা—আর বাল্মীকির আশ্রমই বা কোথা ।

তমসা । সখি মুরলে, এ বড় গুপ্তরহস্য ।

মুরলা । তা আমি কি আর শুনতে পাইনে ।

তমসা । শুন সখি । এখন গঙ্গা সরযুর কাছে শুল্লেন, শব্দক বধের জন্যে রামচন্দ্র জনস্থানে এসেছেন, তাতেই স্নেহবশে লোপামুদ্রা যে আশঙ্কা করেছেন, সেই আশঙ্কা করে, কোনছলে, সীতাকে সঙ্গে নিয়ে গোদাবরীর সঙ্গে দেখা কর্ত্তে এসেছেন ।

মুরলা । ভগবতী ভাগীরথীত এই মন্ত্রণা করেছেন, কিন্তু রামচন্দ্র যদি পঞ্চবতীদর্শনে একান্ত অধীর হয়ে পড়েন, তখন কি জানকী তাঁকে আশ্বাস দিবেন ?

তমসা । বল কি ! দেবেন না কেন ?

যদিও ভাস্করে—সখি যদিও ভাস্করে,

পদ্মিনীর জীবন-জীবন হরে করে,

তবু কমলিনী—সখি তবু কমলিনী,

বঁধুমুখ হেরে সুখে হয় প্রফুল্লিনী ।

করে নানা দোষ—পতি করে নানা দোষ,

তাবলে কি পতি প্রতি সতী করে রোষ ?

মুরলা । তাবটে, তবে আজ রামচন্দ্র জানকীর বিরহবেদনায় নিষ্কৃতি পাবেন ? দুঃখিনী জানকীও—*

তমসা । তা নয়, ভগবতী ভাগীরথী এর এক উপায় করেছেন ।

মুরলা । সে কেমন ?

তমসা । দেবীগঙ্গা, আজ গোদাবরীর নিকট এসে জানকীকে বল্লেন “ বৎস সীতে, আজ তোমার কুশ লবের দ্বাদশবার্ষিক জন্মতিথি । তা তুমি স্বহস্তচরনকরা কুমুম দিয়ে তোমার শ্বশুর বংশের মূলপুরুষ সূর্য্যদেবকে পূজা কর । আর আমায় ডেকে বল্লেন “তমসে ! জানকীর সঙ্গে তোমার বড় ভাব । তা তুমিই জানকীর সঙ্গে যাও ।” এই বলে দুজনের হাতে দুটি আঙুটি পরিয়ে দিলেন, সেই আঙুটি হাতে থাকলে কেউ দেখতে পায় না । আমি তোমায় দেখে আঙুটি খুলে রেখেছি । ঐ সন্মুখে জানকী আঙুটি হাতে দিয়ে ফুল তুল্চে ।

মুরলা । বটে, তবে আমি যাই, এই সুখের সমাচার ভগবতী লোপামুদ্রাকে বলিগে ।


তমসা । হাঁ, যাও, বল গে, শীঘ্রই রামচন্দ্র জানকীর সমাগমে সুখী হবেন । কোন ভাবনা নাই ।

মুরলা । তবে আসি সখি ।


তমসা । হাঁ, আমিও জানকীর কাছে যাই ।

[উভয়ের প্রস্থান ।

ইতি প্রথম গর্ত্যাক্ষ ।



তৃতীয় গভাক্ষ ।



জনস্থান ।

নেপথ্যে ।

গীত । রাগিণী পুরবি ।

তাল আড়া ।

আর কি প্রেয়সী সনে হবে সুখ সম্মিলন !

আর কি স্বর্গীয় সুধার পাইব রে আশ্বাদন !

আর কি জানকী এসে, বিধুমুখে হৃদু হেসে,

“অহে প্রাণনাথ বলে” করিবে রে

সম্বোধন !

যেই লতা উন্মূলিত, করেছি, তা কুমুদিত,

হইবে কি আর !

হেলায় হারালাম্ যে নিধি,

মিলাবে সে নিধি, বিধি,

হায় রে কপালে সুখ,

আছে কি তেমন !

৮০ জানকী নাটক ।

জিনি শীতল পরশ, তার সরস-পরশ,
পাইব কি আর !

হতু্যসঞ্জীবনীলতা, সীতা কোথা,
আমি কোথা ! বিরহ-দহনে তার,
হতেছি দাহন !

রামচন্দ্রের প্রবেশ ।

রাম । হায় ! রামচন্দ্র এখন কোথায় কি করছেন,
না অরণ্যেরোদন করে ফিরছেন !!

(অশ্রুবর্ষণ পূর্বক)

গীত । রাগিণী বেহাগ ।

তাল আড়ার ঠেকা ।

নয়নযুগল কেন কর বারি বরষণ !

শিশির সেচনে কভু নিভে কি দাবদহন ?

জানকী-বিরহানল, হয়ে বিষম প্রবল,

মম মন-বন সদা, করিছে দাহন,

জীবন-কুরঙ্গ তায়, পুড়ে হল ভস্ম প্রায় !

ভস্মে বারি বরষণে, কিবা প্রয়োজন !

অমিয় বচনে যেই জুড়াত জীবন, সেই
 প্রেয়সীই নেই—তারে করেছি বর্জন !
 অরে অকৃতজ্ঞ আঁখি, সেসুমুখী-মুখ দেখি—
 তোদেরও হায় ! হল না কি,
 দয়ার উদ্দীপন ?

নেপথ্যে । সখি তমসে ! এমন ককণস্বরে কে
 বিলাপ করচে ! আহা কি মিষ্টিস্বর !

ঐ । সখি, মেঘগর্জনে ময়ূর যেমন চকিত। এবং
 উৎকণ্ঠিত। হয়, এই অস্পষ্ট স্বর শুনে তুমিও যে ঠিক
 তেন্নি হলে ।

ঐ । সখি, প্রাণবল্লভের স্বর শ্রবণ করে, আমার
 মন যেমন অনির্বিচনীয় আহ্লাদে আর্দ্র হত, এই স্বর
 শুনে কেন তেন্নি আহ্লাদে গলে যাচ্ছে ! প্রাণেশ্বর
 এখানে এসেন নাই ত ?

ঐ । হাঁ শুনেছি, তিনি শূদ্র তপস্বী শম্বুককে
 দণ্ড করবার জন্যে এখানে আগমন করেছেন ।

ঐ । তবে চল দেখিগে—

অদূরে তমসা এবং সীতার প্রবেশ ।

সীতা । (রামচন্দ্রকে দৃষ্টি পূর্বক সখেদে)

প্রভাতিক চন্দ্রমণ্ডল প্রায়,
 পাণ্ডুবর্ণ ; অতি বিশীর্ণ কায় ;

হেরে অনুমান এমন হয়,
সাক্ষাত বিরহ, প্রাণেশ নয়—

সখি তমসে, প্রাণবল্লভ আমার এমন হয়েছেন !
আহা! —(মৃচ্ছা)

তমসা (সীতার গাত্রে হস্তাবমর্ষণ পূর্বক) সখি !
শান্ত হও । সুখাংশ বিরহে কেবল কুমুদিনীই লান
হয় না, শশধরও পাণ্ডুবর্ণ হয়ে থাকে ।

রাম । (সখেদে) হায় ! যে জানকী বিরহানল
এতদিন মনোমধ্যে সম্বরিত ছিল, এই জনস্থান দর্শনে
আজ তা একবারে প্রজ্জ্বলিত হয়ে উঠে আমাকে ভষ্মা-
বশেষ করবে বলেই যেন তার ধূম স্বরূপ মোহ আচ্ছন্ন
করলে— ”

তমসে । (স্বগত) আমাদের আশঙ্কাইত অই ।

রাম । হায় ! এই রমণীয় জনস্থানে প্রিয়তমা
জানকীর সঙ্গ কত সুখানুভব করেছি ! হা দণ্ডকার-
ণাবাস-প্রিয়সখি ! হা রাম-হৃদয়-কুমুদ-চন্দ্রিকে ! হ
প্রিয়তমে জানকি ! (মৃচ্ছা)

সীতা । (চৈতন্য পাইয়া) আহা ! অনেক দিনের
পর প্রাণবল্লভের মধুর সম্বোধনে কর্ণে যেন সুখা—
(রামকে মুচ্ছিত দৃষ্টি করিয়া) হায় ! হৃদয়বল্লভ যে আ-
মার ধূলায় লুণ্ঠিত!!! আহা ! কুবলয়দল তুল্য কো-

জানকী নাটক ।

৮৩

মল শরীর কি ভূশয্যার যোগ্য ! (করধারণ পূর্বক)

সখি তমসে ! আমার প্রাণেশ্বরকে চেতন করাও গে ।

(রোদন)

তমসা । সখি ! এত আকুল হলে কেন ? তুমি
স্পর্শ কল্লে ই তোমার প্রাণবল্লভ চেতন হবেন এখন ।

সীতা । তবে আমি যাই—(কয়েক পদ গিয়া)
সখি আর্ষ্যপুত্রত আমাকে দেখতে পাবেন না ?

তমসা । ভাগীরথীর কথা কি ভুলে ?

সীতা । (রামচন্দ্রের নিকট গমন করত হৃদয়
স্পর্শ পূর্বক স্বগত) নাথ ! উঠ, মূচ্ছিত হয়ে এছুখিনী
কে দুখ দেও কেন ? না সীতাকে দুখ দেওয়া তোমার
স্বভাব হয়ে গিয়েছে ।

[সীতার পশ্চাদ্ গমন ।

রাম । (চেতন হইয়া সাহ্লাদে)

হরিচন্দ্রের কি পল্লব-স্নিগ্ধকর,

জুড়াইল এতাপিত শরীর আমার !

কি অভিষেকিল বিধু দিয়া সুধাকর ;

কি করিল দগ্ধহৃদে নিহার বিহার !

কি মৃতসঞ্জীবনী—ঔষধি সমর্পিত

হল প্রাণশূন্যদেহে !—না না তাহা নয় !

৮৪ জানকী নাটক ।

যেই কর স্পর্শ মম চির পরিচিত,
সেই স্পর্শ মুচ্ছ। মম হরিল নিশ্চয় ।

তবে কি জানকী দোষ ক্ষমা করে, আমাকে অ-
নুগ্রহ করেন !

সীতা । (সান্ত্বিত্যে) নাথ ! এখন তোমার
এমন কথা বলা শোভা পায় না, আর এরূপ বিলাপ ক-
রাও শোভা পায় না, ——— নানা আমিই কঠিন, আ-
মারই হৃদয়ে দয়ার লেশ নাই ! হায় ! এ অভাগিনী
জন্মান্তরেও প্রাণবল্লভের চরণ সেবায় অধিকারিণী হবে
কি না নিশ্চয় নাই । তবুও নাথ আমার জন্যে——
এই হতভাগিনীর জন্যে কত না বিলাপ করছেন ।
আমি কেমন করে একে পরিত্যাগ করি ! আমিও
এ র মন জানি ইনিও আমার মন জানেন !

রাম । অয়ি প্রিয়ে জানকি ! অয়ি প্রিয়ে জা-
নকি !——হায় ।

কোথা জানকি এখন—কোথা জানকি এখন !
নাথ সম্বোধনে কেবা জুড়াবে জীবন ?
কারে করি সম্বোধন—কারে করি সম্বোধন !
সার মাত্র এবে মম অরণ্যেরোদন !

সীতা । (তমসার নিকট যাইয়া) সখি তমসে !
আর্য্যপুত্র আমার বিনাপরাধে বর্জন করেছেন, তবুও

জানকী নাটক ।

৮৫

এখন ঐর বিলাপ শুনে মন যে কেমন করুচে, কিছু বলতে পারিনে !

তমসা । সখি ! সেকথা মুখে বলবার নয়——”

রাম । প্রিয়ে সীতে ! তোমার প্রসাদস্বরূপ এই মূচ্ছাহর-স্পর্শ প্রাপ্ত হলেম, কিন্তু দেবি, তুমি কোথায় ?——”

সীতা । (স্বগত) আহা ! জন্মান্তরেও যেন এমন প্রিয়স্বদ বল্লভ পাই ।

রাম । না, এ নির্জনবন, এখানে প্রেয়সী কোথায় ? আমার ভ্রম হয়েছে ।

নেপথ্যে । সীতাদেবীর কৃত্রিমপুত্র যে হস্তী ছিল, তাকে অন্য হস্তী আক্রমণ করেছে । এখন তাকে কে রক্ষা করবে ?

সীতা । নাথ ! রক্ষা কর, রক্ষা কর, ও আমার পুত্র——(সভয়ে) যা, কি কল্লেম ! জনস্থানে এসে সেই অনেক বারের বলাকথা বলে ফেললাম । (নিস্তব্ধ)

রাম । (সক্রোধে অগ্রসর হইয়া) কোন্ দুঃরাঙ্গা আমার প্রিয় পুত্রকে আক্রমণ করে ।

বাসন্তীর প্রবেশ ।

বাসন্তী । (রামচন্দ্রকে দেখিয়া আহ্লাদে) ব-
হারাজের জয় হউক । (৮)

৮৬ জানকী নাটক ।

গীত রাগিণী আলিয়া ।

তাল কাওয়ালী ।

আজ আনন্দের আর নাহি পরিমাণ ।

এলেন কাননে পুন শ্রীরাম গুণনিধান ।

অহে বনতরুদল, দিয়ে পুষ্প, পঙ্কফল,

পাদ্য অর্ঘ্য করহ প্রদান ।

ওহে বনসমীরণ, কর সুগন্ধবহন,

কলস্বরে পঙ্কীগণ, কর সুমঙ্গল গান ।

(নেপথ্যে হস্তীগর্জনের শব্দ)

বাসন্তী । দেব ! সখীর পুত্রকে রক্ষার তরে অ-
শ্রম হোন্ ।

রাম । হাঁ, টেক প্রিয়ার পুত্র ? (বধূর সহিত
দীর্ঘায়ুহস্তীর রামচন্দ্রের নিকট দিয়া গমন) এই ক-
রিশাবক যুগলতুল্য দন্ত দ্বারা প্রিয়তমার কর্ণমূল হতে
নবনীপল্লব গ্রহণ করিত । দেবী একে সহস্রে কোমল
কদলীদল আহরণ করে দিতেও কেশ বোধ কর্তেন না ।
আহা ! সে হস্তীশাবক এখন এত বড় হয়েছে !

সীতা । আহা ! দীর্ঘায়ু আমার সুখে থাকুক ।

রাম । সখিবাসন্তি ! দীর্ঘায়ু যে নিজ বধূর অনু-
গামী হয়ে চললো ।

জানকী নাটক ।

৮৭

সীতা । সখি, সেই হস্তীটা এখন এত বড় হয়েছে,
না জানি আমার লবকুশ, কত বড় হয়েছে ।

তমসা । বড় হয়েছে বই কি ।

বাসন্তী । দেব ! ও আপনাকে চিন্তে পারে
নাই বুঝি ।

সীতা । সখি ! আমি বড় অভাগিনী, আমি কে-
বল পতি বিচ্ছেদাগুণে দগ্ধ হচ্ছি না, সন্তান দুটির চা-
দমুখ দেখবার মুখ হতে বঞ্চিত হয়েছি । হায় ! পুত্র
প্রসব করে আমার কি মুখ হল ! না আমি পুত্র দুটিকে
স্তনপান করিয়ে প্রাণবল্লভের কোলে একদিনের তরে
দিয়ে সুখী হলেন না প্রাণবল্লভ আমার সন্তানের মুখ-
পদ্ম চুম্বন করে একদিনের তরে সুখী হলেন—হায় !
আমিই বা কোথা, প্রাণবল্লভই বা কোথা, আর সন্তান
দুটাই বা কোথা !

[অশ্রুপাত ।

তমসা । কপালে থাকে সকলি হবে ।

বাসন্তী । দেব ! এসব কথা এখন থাক । কুমার
লক্ষ্মণের কুশল ?——”

রাম । (সভয়ে স্বগত) বাসন্তী বুঝি সীতা ব-
র্জনের কথা শুনেছে !—(প্রকাশে) কি সর্বনাশ !
আমি কি বোলব !—ই। কুশল ।

বাসন্তী । আমার প্রিয়সখী জানকীর——”
(রামের রোদন) আ নিষ্ঠুর ! আ নিষ্ঠুর !——”

সীতা । সখি ! কেউত প্রাণেশ্বরকে এমন কথা

বসেনা, হৃদয়বল্লভ আমার স্নেহের অবতার——দ-
য়ার নিধান। আহা! আৰ্য্যপুত্র কার না প্রিয়?
বিশেষত সখি তোমার——”

বাসন্তী। “তুমি আমার জীবনস্বরূপিণী,”——
“তুমি আমার হৃদয়-সরোবর-পদ্মিনী”——“তুমি আ-
মার নয়নের দীপ্তি”——“তোমার তিলেক বিচ্ছেদ
যুগ সহস্রের মত অসহ্য” এইরূপ মধুর বাক্যে সরল-
হৃদয়। সখীর মন হরণ কোরে, এখন একবারে তার
সর্বনাশ করলেন!——দেব, আপনি সখীকে বনে
দিয়ে কোন্ প্রাণে রাজত্ববনে বাস কর্চেন?

রাম। সখি! আমি ভবনেই বনে আছি——

গীত রাগিণী ঝাঁঝি।

তাল মধ্যমান

আর কি আছে সখি সেই সুখদভবন?

সে প্রাণপ্রেয়সী বিনে, ভবন হয়েছে বন!
প্রিয়া সনে বনবাসে, ছিলাম যেন স্বর্গবাসে,
প্রিয়াশূন্য বাসে, কারাবাসেতে আছি এখন!

সীতা। নাথ! আমারও এই কথা।

বাসন্তী। ভাল দেব, যদি সখীকে এতই ভাল বা-
সতেন, তবে ত্যাগ করলেন কেন?

রাম। অযশ ভয়ে।

বাসন্তী। (সখেদে) আঃ নির্বোধ! যশই কি

এত প্রিয় হল ? বিনা দোষে পূর্ণগর্ভা সতী সীমন্তিনীকে নির্জ্ঞানবনে সিংহ ব্যাঘ্রের মুখে ফেলে আসা হতে অযশের কাজ আর কি আছে ? সেই ভয়ানক বন মধ্যে প্রিয়সখীর কি দশা হল, একবার মনে করুন দেখি ।

সীতা । সখি বাসন্তি, তুমি বড় নিষ্ঠুর হয়েছ, একে প্রাণবল্লভ, মনে মরে রয়েছেন, তার উপর আবার এসকল ভৎসনা ।

তমসা । শোক আর প্রেমই এসব কথা বলাচ্ছে, বাসন্তীর দোষ কি ?

রাম । (দীর্ঘনিশ্বাস ত্যাগ পূর্বক) আর কি মনে করুব ! আমার সেই কোমলাঙ্গী কি আর বেঁচে আছেন ! সখি, হতভাগ্য রাম তাঁর কাছে এত অপরাধ করেছে যে, “ যেন জন্মান্তরেও দেখা পাই ” এমন প্রার্থনা কর্তেও আমার সাহস হয় না ! সখি ! আমি কেমনকরে এমন কথা মনে আনুব ? আমি চিরকালটাই প্রেয়সীকে দুঃখে২ জ্বালাতন কল্লেম, প্রিয়ে আমার একদিনের তরেও সুখ ভোগ কর্তে পারেন নাই । দেখ, রাজ্যাভিষেকের কথা হল, না অমনি বনবাসে চল্লেম । তা বনে ঘেয়েও দুঃখের পার নাই । লঙ্কা-পুরে অশৌকবনে থেকে, প্রেয়সী কি অল্প দুঃখ পেয়েছেন ! যদি বা সবংশে রাবণকে বধ করলেম, তাতেও তার দুঃখের শেষ নাই ; আবার অগ্নিতে

পরীক্ষা লওয়া হয়। এত করেও রামের ক্ষান্ত নাই—
 প্রেয়সী পূর্ণগর্ভা—না তাই একবার মনে কল্লেম্ ; না
 অগ্নি পরীক্ষার কথা একবার ভাবলেম্ ; লোকে যে
 শেষ ভৎসনা করবে, না তাই চিন্তা করে দেখলাম,
 অধিক কি অবশেষে যে আপনার প্রাণে বাঁচা কঠিন
 হয়ে পড়বে, না তাই একবার মনে ভাবলাম, কে
 কোথায় অপবাদ কল্লের, অমনি, প্রেয়সীকে বর্জন
 করলাম ! একবার অপবাদের মূল অনুসন্ধান করে দে-
 খলাম না ! সখি বাসন্তী ! যখন এই সকল কথা
 মনে হয় তখন আর তিলান্বিতকাল বাঁচতে ইচ্ছা হয়
 না !—হায় ! আমি কি নিষ্ঠুর ! কি বিশ্বাসঘা-
 তক !—কি কৃতঘ্ন !—আমার তুল্য পৃথিবীতে প-
 রমপাতকী আর নাই। [রোদন।

সীতা। নাথ, সকলি আমার কপালের দোষ।
 আ নইলে তুমি কি আমায় কণ্ড ভালবাসতে ?

বাসন্তী। দেব, এখন আর রোদনে ফল কি ?—

রাম। সখি ! আমি কি হতভাগ্য ! আমি যে
 প্রেয়সীর তরে চারদণ্ড বিলাপ করবো, আমার এমন
 সময় নাই ! আপনি প্রেয়সীকে ত্যাগ করেছি, সর্ব-
 সমক্ষে না বিলাপ কর্তে পারি, না রোদন কর্তে
 পারি ! কেবল মনাগুণে মনে দগ্ধ হচ্ছি। সখি,
 বিরহবেদনায় বক্ষ বিদীর্ণ হচ্ছে ; কিন্তু একবারে দ্বিধা
 বিভক্ত হয় না ! মূচ্ছা প্রতিক্ষণে আক্রমণ করছে,

একবার অচেতন্য করেনা ; অন্তর্দাহ নিয়ত দক্ষ করছে, একবারে ভস্ম করে না, দক্ষ বিধাতা নিয়ত মর্ম-ভেদ করছে, কিন্তু একবারে প্রাণ হরণ করে না——”

সীতা । তাই বটে নাথ ! তাই বটে ।

বাসন্তী । দেব ! যাহবার হয়েছে, এখন ঐশ্বর্য-বলধন বই আর উপায় কি ?

তমসা । তা বই কি !

রাম । কি বল্লে সখি ঐশ্বর্য ? সেই অভিন্ন-দয়া জানকী-বিরহে এই দ্বাদশবৎসর যাপন কলাম, তার আর নাগও শূন্যে পাইনে, তবু কি রাম বেঁচে রয়েছে না ? না সেই শোক সহ্য করে রাজ্যতন্ত্র পা-লন করছেন ? কি করে ?——”

সীতা । হায় ! আমার সেই ভালবাসা আর ভক্তিই প্রাণবল্লভের এমন অসুখের কারণ হয়েছে ! আমি নিতান্ত দুর্ভাগিনী !

রাম । এতদিন যে ঐশ্বর্যসেততে শোকাবেগ রোধ করে রাখতাম, যেমন নদীবেগ রুদ্ধ হলে বালীর বাধ কোন কার্যকর হয় না, আজ আমার পক্ষেও ঐশ্বর্য ধারণ সেইরূপ হয়েছে——সখি ! ঐশ্বর্যের শক্তি কি যে এমন প্রবল শোকসাগর বেগ রোধ করে ?

সীতা । সখি, তবে কি হবে ?

তমসা । ভর কি ? শোক সতত প্রবল হয় না । সাগর কি নিয়তই বেলাভূমি প্লাবিত করে ?

বাসন্তী । (স্বগত) না, ইনি অত্যন্ত কাতর
হয়ে পড়েছেন, এখন অন্য স্থানে লয়ে যাই (প্রকাশে)
দেব ! একটু সমুখে চলুন । [গমন ।

রাম । (যাইতে) সখি ! একদম গাছটী প্রেয়সী
জানকী স্বহস্তে রোপণ করেছিলেন——”

সীতা । (স্বগত) এই সেই [সম্মুখে দর্শন ।]

রাম । প্রিয়ে কুমুকোমলা হলেও স্নেহ বশতঃ
আপনি গিরিনদী হতে জল আনয়ন করে এর আল-
বাল সেচন করতেন, (কেকাস্বর) দেখ সখি ! কর-
তালী দিয়া প্রিয়তমা এই ময়ূরটীকে নাচাতেন । যখন
আমরা বিশ্রাম করতাম, তখন আমাদের এই বিনো-
দন ছিল । কি আশ্চর্য ! শিখী এখনও সেই প্রি-
য়ার রোপিত কদম্বতরু পরিত্যাগ করে নাই——প-
ক্ষীজাতি শিখি, প্রিয়ার সেই স্নেহ বিস্মৃত হয় নাই,
আর আমি মানবদেহ ধারণ করে প্রেয়সীর সেই অ-
কৃত্রিম প্রেম, স্নেহ, মমতা একবারে বিস্মৃত হয়ে কি পা-
ষণহৃদয় দস্যুর কার্য্য করেছি ! হায় ! আমায় ধিকু !

সীতা । নাথ ! তোমার দোষ কি ? অভাগিনীর
কপালের দোষ, নইলে সেই অমৃতাদিক প্রেম যে
পরিণামে বিষের মত উভয়ের অন্তর্দাহ করবে, তা কে
জেনেছিল ।

বাসন্তী । এই সেই কদলিবন,—এই সেই শী-
তাতল,—এইখানে প্রিয়সখীর সহিত——

জানকী নাটক ।

৯৩

রাম এবং সীতা । (সোৎসুক চক্ষে দৃষ্টি পূর্বক) বটে !

বাসন্তী । বনভ্রমণে অত্যন্ত ক্লান্ত হয়েছেন, এই শিলাতলে বসে খানিক বিশ্রাম করুন ।

রাম । (উপবেশন করিয়া) সখি, তুগিও বোসো ।

বাসন্তী । (উপবেশন পূর্বক) দেব ! দেখুন প্রিয়সখি যে সকল হরিণশিশুকে তৃণ আর নিবারধান্য দিয়ে প্রতিপালন কর্তেন, যারা সখীর পুত্র নির্বিশেষ ছিল, আশাদিগে উপবিষ্ট দেখে ঐ সেই সকল কুরঙ্গ দৌড়ে আসচে ।

সীতা । হাঁ তারাই এখন এত বড় হয়েছে, আহা ! এদিকে নিয়ে প্রাণবল্লভের সঙ্গে কত রহস্য করেছি ।

(দীর্ঘ নিশ্বাস ত্যাগ)

রাম । সখি, সেই সকল কথা স্মরণ হলে কে-বল মর্ম্মবেদনা বৃদ্ধি হয় ।

বাসন্তী । দেব, দেখুন ঐ সকল মৃগ আবার ফিরে গেল । তখন আপনি তাপসবেশধারী ছিলেন, এখন রাজবেশে এসেছেন, বোধ হয় তাতেই মৃগগণ অপরিচিত মনে করে পলায়ন করে থাকবে ।

রাম । (সখেদে) আর রাজবেশ ! সখি—রাজত্ব গ্রহণইত আমার সর্ব্বনাশের কারণ ! না রাজাসন গ্রহণ করবো, না এই বিপদ উপস্থিত হবে ? উ ! প্রজারঞ্জনত্ব কি ভয়ানক ! সখি এই সকল কথা মনে হলে আর ক্ষণকাল লোকালয়ে থাকতে ইচ্ছা হয়না !

বাসন্তী । করবেন কি বলুন, কৌলিকব্রত পা-
জন করাত চাই ?

রাম । হাঁ রঘুবংশীয়দিগের সনাতন ধর্মই স-
র্বস্ব, প্রাণ প্রিয় নয় !——”

সীতা । তার সন্দেহ কি ?

রাম । (কিকিৎকাল স্তম্ভিত প্রায় থাকিয়া)

গীত রাগিনী বেহাগ ।

তাল আড়া ।

সব হতেছে মনে, সব হতেছে মনে ।
বেসুখে প্রেয়সী সনে ছিলাম এবনে !

লক্ষভেদী শর যথা, তার এক এক কথা,
হৃদয়ে রয়েছে গাঁথা, ভুলি কেমনে ?

হয়ে রাজাধনহীন, সার করছি বিপিন,
বিলাপিলাম একদিন, এই কারণে ।
প্রেয়সী কহিল হাসি “যদিও বিপিনবাসী,
তবু দুঃখ নাহি বাসি, তব মিলনে । ”

দেহ, শূন্য-আভরণ, নিরশি মম নয়ন,
পাছে বা পায় বেদন, ছাবি এই মনে,

জানকী নাটক ।

২৫

তুলিয়ে বনকুসুম, অমূল্য ভূষণ সম,
পরিত প্রেয়সী মম, অতি যতনে ।

সারাদিন বন ভ্রমে, ক্লান্ত হয়ে পরিশ্রমে,
আইলে আমি আশ্রমে, দিবাবসানে ।
হেরি সে সুমুখী-মুখ, দূরে যেত সব দুঃখ,
পেতেম অতুল সুখ, তার আলাপনে ।

রবি গেলে অস্তাচলে, সুধাংশু উদিত হলে,
সুখে এই শিলাতলে, বসে দুজনে,
করেছি রহস্য কত, যেন তিলেকের মত,
যামিনী হয়েছে গত, নানাকথনে ।

কুহরিলে পীকবরে, প্রেয়সীও কুহস্বরে,
কহিত, “অই যে করে, গান বন্দিগণ,
নাথ ! নিদ্রা এসময়, আর না উচিত হয়,
দেখ হে, অই উদয়, রবি গগনে ।”

এবে বন্দিদের গানে, মধুর ললিততানে,
বিষ বরষয় কাণে, কি কহিব আর ?

যখন প্রভাত হয়, প্রেয়সীর মধুময়,
একথা হয় উদয়, মনে তখনে ।

স্বজনি বিরহে তার, যে করে প্রাণ আমার,
বলিয়া পারিনে আর, জানাতে সে সব !
আর কি স্বজনি প্রিয়া, নাথ ! বলি সম্বোধিয়া
জুড়াবে তাপিত হিয়া, মধুর বচনে ?

সীতা । হায় ! আর কি তেমন কপাল হবে !

[রোদন ।

তমসা । ঈশ্বরের ইচ্ছা হলে, আশ্চর্য্য কি ?

বাসন্তী । (রোদন পূর্ব্বক) আহা ! যা অপেক্ষা
তাবি নাই, বিধাতা তাই ঘটালেন !

সীতা । পোড়া বিধাতা তাই ঘটালেন !—
সখি তাই ঘটালেন !

বাসন্তী । দেব, আমার সেই সকল কথাই মনে
আছে । প্রিয়সখী জানকী আমার সঙ্গে গোদাবরীতে
হংসকোঁতুকদর্শনে বিলম্ব করতেন, আপনি এই কদলী
ছুঞ্জে—এই শিলাতলে উপবেশন করে, সখীর আগ-
মম প্রতীক্ষা করতেন, তা সখী আপনি অভিমান ক-
রেচেন ভেবে, আপনার নিকট সহসা আস্তে সাহস
পেতেন না, তখন সখী আপনার অভিমান ভঞ্জন করে
দেবার জন্য আমাকে কত বিনয় করতেন ! সেই ছিলে

জানকী নাটক ।

২৭

আমিই বা কত ব্যঙ্গ কর্তাম !—হায় ! সেই সময়ই
বা কোথায় ?—সেই সখিই বা কোথায় ?

সীতা । আমি বেঁচে আছি, সখি, মরি নাই !

রাম । হায় ! একি ! সেই জনস্থান,—সেই
কদলীকুঞ্জ,—সেই গোদাবরীর রমণীয়তীর,—
সেই বন্ধুবান্ধব স্বরূপ, পশুপক্ষীগণ,—সখি, তুমিও
সেই সহচরী বাসন্তী,—আমিও সেই রাম, সেই
সমুদায়ই আছে, কেবল এক প্রিয়তমা জানকী বির-
হেই, যেন এসকল কিছুই নয় বোধ হচ্ছে !—হায় !
মানুষের অবস্থার এমন পরিবর্তন হয় !

বাসন্তী । এই জন্মেইত বলে থাকে, প্রিয়জনই
সর্বস্ব ।

রাম । আর অধিক কি বোলবো ? সখি ! আ-
মার মনের দুখ মুখের কথায় বলবার নয় !—

(মুচ্ছা)

বাসন্তী । (সভয়ে) হা ! কি সর্বনাশ ! যা ! র-
ঘুনাথ আবার মূর্ছিত হলেন ! (তাকে ধারণ পূর্বক)
এইনা দিদির কথা কচ্ছিলেন !—(নাসিকায় হস্ত দিয়া)
না, আর নিশ্বাসও বয়না ! শরীর শিথিল হয়ে প-
ড়ছে । বিরহবিষ যে একবারে সর্বান্তে ছেয়ে পড়লো,
মুখকমল লান হয়ে গেল !—হা বিধাতা ! হা দৈব !
(অঞ্চলদ্বারা বীজন) দেব জানকীবল্লভ ! আহে জা-
নকীবল্লভ !—না একবারে চৈতন্য রহিত ! এখন

(৯)

করি কি ! এই জনশূন্য অরণ্যে মহারানী কোশল্যার সর্বনাশ উপস্থিত ! অয়ি সখি নির্দয়ে সীতে ! তুমি কোথায় রইলে ! এখানে যে তোমার সর্বনাশ উপস্থিত ! এস, একবার জন্মের মত প্রাণবল্লভকে দেখে যাও ! তোমা বই আর এঁর এই ভয়ানক রোগের মহৌষধি কি আছে ?

সীতা । (চৈতন্য প্রাপ্ত হইয়া স্বগত) বাহয় তাহোক আমি প্রাণবল্লভের মুচ্ছাভঙ্গ করি । (রাসের হৃদয় স্পর্শন)

রাম । (চৈতন্য প্রাপ্ত হইয়া সীতার হস্ত ধারণ পূর্বক) সখি বাসন্তী, আমাদের পরমসৌভাগ্য ! বিকার বিষম হয়ে উঠামাত্রেই বিধাতা তার মহৌষধি প্রদান করিলেন ।

বাসন্তী । (সবিস্ময়ে) সে কি ?

রাম । আর কি ? প্রিয়তমা জানকীকে প্রাপ্ত হইলাম ।

সীতা । (স্বগত) প্রাণবল্লভ কি আমায় দেখতে পেয়েছেন ? না না, অঙ্গুরীত আমার হাতেই আছে ।

বাসন্তী । (সতৃষ্ণনয়নে চতুর্দিক দৃষ্টি পূর্বক) কৈ সখি কোথায় ?

রাম । এই যে আমার সন্মুখে, দেখতে পাচ্ছনা ?

বাসন্তী । দেব, একেইত মনোহুখে মরে রয়েছি, প্রলাপবাক্যে আবার এ সখি বিরহিণী অভাগিনীর মর্মভেদ করেন কেন ?

জানকী নাটক ।

২২

রাম । না, সখি, প্রলাপ নয়, সত্যই বল্চি ।
আত্মাদে আমি মুগ্ধ হয়ে দেখতে পাচ্ছি না, তুমি
বিশেষ করে দেখ ।

বাসন্তী । হাঁ, শূন্য দেখছি, আর কি দেখবো ।

রাম । না সখি, বিবাহসময়ে যে কর গ্রহণ
করেছিলাম, যে করের স্পর্শ অনেকদিনের পরিচিত,
যে করস্পর্শ আমার হৃদয়ের অমৃতময় অঙ্গরাগ বি-
শেষ, সেই মৃচ্ছাহর করপল্লবই আবার গ্রহণ করলাম ।
তুমি দেখ সখি——”

সীতা (স্বগত)

সেই আমি ; সেই তুমি হৃদয়বল্লভ,
বটে বটে সেই মম এ করপল্লব ;
কিছু মিথ্যা নয়——তার কিছু মিথ্যা নয়,
হায়——সুখ নাই সেই সুখের সময় !

বাসন্তী । (রোদন পূর্বক) হায় এ যে উন্মাদ !
——হায় এ যে উন্মাদ !

রাম । সখি তুমিই উন্মাদিনী হয়েছ । আমার
কথায় যদি বিশ্বাস না কর, বরং তুমিই তোমার প্রি-
য়সখীর কর গ্রহণ করে দেখ, বটে কি না ?

(বাসন্তীর হস্তে জানকীর হস্ত প্রদানাবসরে
জানকীর পলায়ন ।)

ভগস । (স্বগত) যেমন কদম্বরাজী রুষ্টি জলে

১০০ জানকী নাটক ।

মুকুল ব্যাপ্ত। আর বায়ুভরে কম্পিতা হয়, সখি জানকীও চিরবিরহের পর প্রিয়সমাগমে সেইরূপ রোমান্বিতা, স্বেদজলে অভিভূতা ও কম্পিতা হয়ে এক নূতন শোভা বিস্তার করছে ! আহা প্রকৃতপ্রণয় কি পদার্থ !

রাম। কেমন সখি, সত্য না ?

বাসন্তী। কৈ কিছুই না—আপনি যথার্থই উদ্ভাদি হয়েছেন ! না হলে এসব কথা কবেন কেন ?

রাম। (সখেদে) হা নির্দয়সীতে ! আমার প্রতারণা করে অভিমান ভরে চলে গেলে ! প্রিয়ে, আমার হস্ত ছাড়ায়ে গেলে সত্য, কিন্তু আমার মনোমন্দির হতে কোন মতেই যেতে পারবেনা। তুমি নিয়তই আমার মনোমন্দিরে প্রতিষ্ঠিতা রয়েছ !

সীতা। হাঁ, আমি যখন এমন অবস্থায় প্রাণবল্লভকে রেখে চলে বাছি, তখন আর আমার তুল্য পাষণ্ডহৃদয়া কে আছে ?

রাম। অয়ি প্রিয়ে জানকি ! অয়ি প্রিয়ে জানকি ! এ চির অনুগতজনকে ত্যাগ করা উচিত হয় না ।

সীতা। আর্য্যপুত্র, এ যে তোমার বিপরীত কথা !

বাসন্তী। দেব, ঈর্ষ্যা হোন্ । প্রিয়সখী জানকী এখানে কোথায় ?

জানকী নাটক । ১০১

রাম । নাই ! ষথার্থই ! (কিঞ্চিৎ চিন্তাকরিত)
তবে কি আমি স্বপ্ন দেখলাম ? না, তাই বা কেমন করে
হবে ! রামের নিদ্রা কই যে স্বপ্ন ?

যে অবধি জানকীকে করেছি বর্জ্জন,
সেই হতে নিদ্রা গেছে ত্যজিয়া নয়ন !

সখি ! আমার বোধ হয় সেই অনেকবারের প-
রিচিত মোহই হয়ে থাকবে।

সীতা ।। সখি তমসে, আমি বড় পাপীসী !
আর্য্যপুত্রকে এমন ভয়ানক বিচ্ছেদ ঘটানায় রেখেছি !

রাম । সখি ! যদি কখন প্রেয়সীর সাক্ষাৎ পাই
— প্রত্যাশাত নাই, — তবে এই রহস্য অবশ্য জি-
জ্ঞাসা করবো ! — ”

সীতা । (স্বগত) আ ! দুঃখিনীর কপালে কি
তেমন সুদিন হবে ?

বাসন্তী । দেব, এখন একটু ওদিকে চলুন । (রা-
মের হস্তধারণ পূর্বক কিয়দূর গমন)

সীতা । চল সখি, আমরাও যাই ।

[তমসা এবং সীতার পশ্চাৎ গমন ।

বাসন্তী । দেব, এই সেই দুর্ভাগ্যবর্ণের রথ, যে
রথ, জটায়ু চূর্ণ করে ফেলে । দেখুন, এখনও তার চিহ্ন
রয়েছে — ”

১০২ জানকী নাটক ।

সীতা । নাথ ! রক্ষা কর, রক্ষা কর ।

রাম । (সক্রোধে) অরে দুৰাত্মা রাক্ষসধন !
প্রিয়সীকে লয়ে কোথায় পলায়ন করছিস্ ? এই দণ্ডে
প্রাণসংহার করবো—

বাসন্তী । (সভয়ে) দেব, আবার উন্মত্ত হ-
লেন ! এখন সেই রাবণই বা কোথা ? সেই প্রিয়সখী
জানকীই বা কোথা ?

রাম । (সবিস্ময়ে) কি, এইমাত্র না প্রেয়সী
যুক্তি প্রার্থনা করলেন ?—না না, আমার ভ্রমই
যথার্থ ! পূর্বে আমি রাবণকে সংহার করে প্রেয়সীকে
প্রাপ্ত হব, এই আশয়ে লোক-ভয়ঙ্কর সংগ্রাম করেছি-
লাম,—বীররসে মত্ত হয়েছিলাম—সখি, তখন
প্রেয়সীর পুনর্নির্মলনের প্রত্যাশাছিল, সুতরাং তখন
কার বিরহ নিতান্ত দুঃসহ হয় নাই । এখন আর সে
প্রত্যাশা নাই !—সখি, নিরবধি প্রিয়তমার বিচ্ছেদ
কেমন করে সহ্য করি, বল ?—”

সীতা । কি নিরবধি ! আর প্রাণবল্লভের সঙ্গে
কখনই মিলন হবে না ? [অশ্রুপাত ।

বাসন্তী । কপালে থাকে ত, অবশ্যই হবে ।

রাম । (দীর্ঘনিশ্বাস ত্যাগ পূর্বক) উঃ কি প-
রিতাপ ! যেখানে জাম্বুবানের মন্ত্রণা বিফল, সুগ্রীবের
সাহায্য নিরর্থক, কপিগণের বীরত্ব রূখা, মাকতি গমন
কর্তে অক্ষম, নল যোজনা কর্তে অপারক, যেখানে
মিত্র বিভীষণের যুক্তি অকিঞ্চিৎকরী, আমার মনের

অগোচর, সেই স্থানে প্রিয়া এখন অবস্থান করছেন !
(বাসন্তীর প্রতি) সখি ! এখন বন্ধুজনের রামদর্শন
কেবল দুঃখের কারণ বই নয় । যাই, আমি আর তোমা
কে কত কাঁদাব ?

সীতা । সখি, প্রাণনাথ কি চলেন ?

তমসা । হাঁ, চলেন বই কি ? এই সময় প্রাণব-
ল্লভকে নয়নভরে দেখে নাও ।

সীতা । (সখেদে) সখি, আমি স্বপ্নেও মনে করি
নাই যে আমাদের পরস্পর এমন বিচ্ছেদ হবে, তা যে
পর্যন্ত, নয়নজল বাধা না দেয়, প্রিয়দর্শন প্রাণেশ্ব-
রের চরণপদ্ম দর্শন করি । (নিঃশ্রীমেষনয়নে দৃষ্টি-
পূর্বক স্বগত) হায় ! আমি কেন নিমিষশূন্য মীন-
চক্ষু পেলেম না ! তা হলে প্রাণনাথকে অনিমিষ
চক্ষে দেখে তৃপ্ত হতাম ! কিম্বা আমার সমুদয় ইন্দ্রিয়
কেন লোচনময় হল না !

বাসন্তী । এখন কোথায় যাবেন ?

রাম । অযোধ্যায়,——সেখানে সীতার বিরহ
বেদনা নিবারণের ঔষধ আছে ।

সীতা । (স্বগত) সে কেমন ?

বাসন্তী । সে কেমন, বুঝালাম না ।

রাম । অযোধ্যায় সুবর্ণময়ী সীতা আছে, এখন
তদর্শনেই কোনমতে ধৈর্য ধারণ কর্তে হয়——

১০৪ জানকী নাটক ।

গীত । রাগিনী ললিত ।

তাল আড়া ।

কে আছে অবোধ আর আমার মতন ?
সুধাসিন্ধু ত্যজে রাখি, শিশিরপানে জীবন !

প্রিয়া-প্রতিমূর্তি পানে, নিরখি স্থিরনয়নে,
কত ভার উঠে মনে, হারাই চेतন !—
ডাকি “প্রিয়ে ! প্রিয়ে !” বোলে, প্রতীমা
না কথা বলে, শোকের সিন্ধু উথলে,
অননি তখন !

ধরনী উপরি পড়ি, ধরনীতনয়া স্মরি,
যত অনুতাপ করি, জানে মাত্র মন !
ফুটে না পারি বলিতে—হায় ! নাপারি
সহিতে, মনেতে থাকে জ্বলিতে
বিরহ দহন !

ভাসা । প্রকৃতপ্রেম কি রমণীয়পদার্থ !
বাসন্তী । প্রেমিকদের কার্য কি অদ্ভুত !
সীতা । সেই ধন্যা, সেই পরমসৌভাগ্যবতী, যে
এমন ভয়ানক অবস্থায় প্রাণবল্লভকে সুস্থ রেখে সং-
সার রক্ষা কর্চেন !

ভাসা । সখি, তুমি আপনি আপনাকে শুধ
করচো !

বাসন্তী । দেব, আপনকার সঙ্গে সাক্ষাত হওয়াতে, হরিশ বিবাদ দুই উপস্থিত হল । কথাপ্রসঙ্গে আপনি বিলক্ষণ মনোবেদনা পেলেন, এখন আমি আর কি বলবো ? বাতে কার্য্য ক্ষতি না হয়, করুন ।

সীতা । (সান্তিমানে) সখি বাসন্তি, তুমিও কি এখন নির্দয় হলে ? প্রাণবল্লভকে সহসা বিদায় দিচ্ছে । খানিক দেখে যে নয়নের উৎসব লাভ করবো তাতেও বাদ সাধলে !

তমসা । চল, আমরাও যাই ।

সীতা । (সখেদে) হাঁ চল ।

তমসা । কেমন করে যাবে, তোমার সমুদৃষ্টি যে প্রাণবল্লভের শরীরে বিদ্ধ হয়ে রয়েছে, যত্ন করেও উত্তোলন কর্ত্তে পার্চোনা ।

রাম । তবে সখি, বিদায় হলেম ।

সীতা । (সখেদে ও সাক্ষনয়নে) আৰ্য্যপুত্রের চরণকমলে প্রণাম——যা, আমি হতভাগিনী আর দেখতে পাবো না ।

[মূচ্ছা ।

তমসা । সখি জানকি ! একি একি ! ওঠ ওঠ ।

সীতা । (উঠিয়া) না ! মেঘমধ্যস্থ চন্দ্রমণ্ডল কতক্ষণ দেখতে পাওয়া যায় !

তমসা । কি আশ্চর্য্য ! যেমন জল একই পদার্থ, কেবল অবস্থা ভেদে, কোথাও বা তরঙ্গ, কোথাও বা, আবর্ত্ত, কোথাও বা বিদ্যরূপে দেখা যায় ; প্রেমও

সেইরূপ এক পদার্থ, কোথাও বা ভক্তি, কোথাও বা
স্নেহ, কোথাও বা প্রীতিরূপে প্রকাশ পায় ।

রাম । অহে বিমানরাজ পুষ্পক ! এই খানে উ-
পস্থিত হও ।

(রথ উপস্থিত)

রাম । (রথারূঢ় হইয়া) সখি, বিদায় হলেম ।

বাসন্তী ।

জগতের পাতা যিনি, বিধির বিধাতা,
যোগীজন ধ্যেয় যিনি, সুখদাতা, ত্রাতা,
হইয়া করুণ—তিনি হইয়া করুণ,
করুন করুন তব মঙ্গল করুন ।

তমসা । সখি, চল আমরাও যাই ।


সীতা । হাঁ চল, চল্লম। অন্তর্গত হলে, চকোরীর
আর প্রত্যাশা কি ?

[উভয়ের প্রস্থান]

বাসন্তী । আমিও যাই, আর এখানে একাকিনী
থেকে কি করবো ?


[প্রস্থান ।]

ইতি তৃতীয়ঙ্ক ।



চতুর্থ অঙ্ক ।

প্রথম গর্ভাঙ্ক ।



বাল্মীকির তপোবন ।

(সৌধাতকি এবং ভাণ্ডায়নের প্রবেশ ।)

ভাণ্ডায়ন । দেখ্ ভাই ! মহর্ষি আজ বড় অভিত্থ সেবায় মন দিয়েছেন । তারি ধূম লেগে গিয়েছে চারিদিক থেকেই কেবল মুলি ঋষিরা আশ্রমে পদার্পণ করছেন ।

সৌধা । মন্দ কি ভাই ? আমরাওত এই চাই, কোন একটা গোল হলেই পড়া বন্ধ ।

[করতালী দিয়া নৃত্য ।

ভাণ্ডা । কেবল এই আহ্লাদ নয়, আহারেরও বড় ঘো । আর আর দিন কেবল ফলটা, মূলটা, বে-লটা, রঙটা বই জোটে না, আজ কি আর কথা আছে ?——”

সৌধা । হাঁ আজ চর্ষা, চুৰা, লেছ পোয়, ঘোড়-শোপচারেই (প্রদর্শন পূর্বক) উদরদেবের সেবা হবে এখন ।

১০৮ জানকী নাটক ।

ভাণ্ডা । মহর্ষি অল্প আয়োজন করেন নাই, মৃগমাংস রন্ধন হচ্ছে, পায়স, পিষ্টক, কত প্রকার ! সকলের নামও জানিনা ।—তা কোন্টা আগে আর কোন্টা পরে খাব তাই ভাবছি ।

সৌধা । তুমি যেমন ভাই, এক ধার দিয়ে আরম্ভ করবো, সকলইত এক স্থানে যাবে, এত আর উপসর্গ নয় যে, শব্দের আগেই সংযোগ কর্ত্তে হবে ? আমিত ভাই আগেই পায়স দিয়া আচমন করে বসে, শেষ শুভ্রনি প্রভৃতি বত কিছু থাকে——”

ভাণ্ডা । অরে, তা হলে আমাদিগে রাজমাতা আর রাজগুরু অস্ত্র বিবেচনা করবেন——”

সৌধা । এখানে কি আবার রাজগুরু এসে পড়ে চেন !——কি আপদ ! আর রাজমাতাদিগেই বা মাথা মুণ্ড কি বলবো ! তাদের অন্তঃপুরে কি আর অহা-রের কিছু নাই, সব উচ্ছন্ন হয়ে গিয়েছে ! কোন্ রাজমাতা আর কোন্ রাজগুরু এসেছে ?

ভাণ্ডা । মহারাজ রামচন্দ্রের মাতৃগণকে সঙ্গে লয়ে রাজগুরু বশিষ্ঠদেব সঙ্গীক এসেছেন ।

সৌধা । কেন ? অযোধ্যার রাজলক্ষ্মী বুঝি অন্তর্ধান হয়েছেন ?——”

ভাণ্ডা । হাঁ এক প্রকার তাই বটে । মহারাজ রামচন্দ্র পূর্ণগর্ভা লক্ষ্মীস্বরূপিণী ভার্য্যাকে অকারণে বর্জন করেছেন বলে, রাজমাতৃগণ, অকস্মতী আর বশিষ্ঠদেব এখানে এসেছেন ।

সৌধা । বটে ! তবেত ভারি গোল দেখ্‌চি ।

ভাগ্য । তা, যাই হোক না কেন, তোর পেট
তবুবেই ।

সৌধা । হাঁ তা হলেই হল, আর যদি নিতান্তই
কোন রূপে ত্রুটি হয়, শাপ দেব, মুনিসন্তান কিনা !—

[নেপথ্যে পদশব্দ ।

ভাগ্য । (দৃষ্টি পূর্বক) ইনি রাজর্ষি জনক ।

সৌধা । একে যে বড় বিষয় দেখ্‌ছি ! বোধ হয়
পাকের বিলম্বে এঁর ক্ষুধা হয়ে থাকবে ।

ভাগ্য । দূর পাগল ! ইনি ব্রহ্মজ্ঞানী । এঁর
কন্যা সীতাকে রামচন্দ্র বিনাপরাধে বর্জন করেছেন
বলে, ইনি ভারি দুঃখিত হয়েছেন ।

সৌধা । তা অযোধ্যায় গিয়া জামাতার সঙ্গে দু-
বুন । আনাদের আশ্রমে এসেন কেন ?

ভাগ্য । আসাতে তোর কি হানি হয়েছে ?

সৌধা । তুই বুঝিস্ না, আসাতেই আহারের
একটা অংশ অধিক হল কি না ?

ভাগ্য । দূর পেটুক ! এমন কথা বলে না । ইনি
যে মহর্ষির বাল্যকালের সুহৃদ । এঁরা সকলে এসে
জুটেছেন দেখেইত উপাধ্যায় কম্পিতক হয়েছেন ।

সৌধা । তবে ইনি এখানে নিয়তই থাকুন,
যেতে পাবেন না । যে যেতে বলে সে চণ্ডাল,—অ-
ব্রাহ্মণ !—

১১০ জ্ঞানকা নাটক ।

ভাণ্ডা । চল এখন আমরা মহর্ষির রক্তক্ষুধিত
বাই, শুনেছি আহারের পর নাকি, উপাধায় নাট্য
অভিনয় দেখাবেন ।

মৌখা । তবেত আজ আমাদের আহ্লাদের উ-
পর আহ্লাদ !—চল, চল, না হয়, এই রাজর্ষি আ-
বার পাঠ জিজ্ঞাসা করে বিরক্ত করবেন ।

[উভয়ের প্রস্থান ।

জনকের প্রবেশ ।

জনক । [মৃগচর্ম পাতিয়া এক বিলু রক্ষ মূলে
উপবেশন পূর্বক] অহ ! অপস্ত্যম্বেহ কি বিষম !
আমার সেই কুমারীতে যে মমতা জন্মেছিল, সেই
স্নেহ এক্ষণে হৃদয় বিদীর্ণ কর্চে ! উঃ কি ভয়ানক
কেশ ! জরায় জীর্ণ হয়েছি ! সংসারের মমতা শূন্য
হয়েছি ; কিন্তু কুমারী সীতার দুঃখ স্মৃতিপথাক্রমে
ত্রি, চিত্ত যেন শোকে উন্মত্ত হয়ে পড়েছে ! কত-
দিন গত হোল, তথাপি শোক প্রতিক্ষণে যেন মূতন
হয়ে মনোবেদনা প্রদান কর্ছে ! হা ! কুমুমকুমারি
সীতে !—হা পিতৃ বৎসলে !—হা চাক্ষুশীলে !—হা মধু-
রভাষিনি !—হা হৃদয়ানন্দবর্দ্ধিনি !—পরিণামে তো-
মার অদৃষ্টে কি এই ছিল ! হা প্রাণপ্রতিমে পুত্রি !
আমি লজ্জায়, মুক্তকণ্ঠে রোদন কর্তে পারি না ;
কিন্তু নয়নযুগল শোকাগ্র কোন মতেই সম্বরণ করে না-

থতে পারে না ! (অশ্রুপাত পূর্বক দীর্ঘ নিশ্বাস
ত্যাগ করত) হা কুমারি ! তোমার সেই মধুর বাল্য-
কালই আমার মনে উদ্ভিত হচ্ছে ! তখন তোমার
বদন নূতন বিকশিত কমলের তুল্য প্রফুল্ল এবং প্রসন্ন
ছিল, মধ্য বিকশিত দুটি অভিনব দন্তাসুরে তাহা কে-
মনই মনোহর দেখা যেত ! সেই মুখমণ্ডল হতে হাস্য,
রোদন আর অম্পা অম্পা কথ্য, নিয়ত প্রকাশিত হয়ে,
আমার আত্মাকে অতুল আনন্দ সাগরে নিক্ষেপ কোর-
ত !—দেবি ধরিত্রি ! পিতা হতে কন্যার প্রতি মাতার
মমতা অধিক,—আহা ! তবে ভূগি তোমার শ্লাঘা
তনয়া সীতার সেই ভয়ানক ক্রেশ দর্শন করে যে
আজিও বিধা বিভক্ত হলে না ?

[অশ্রুপাত ।

নেপথ্যে । আঃ ! আমি বল্চি, তোমার কুলশ্র-
কর আদেশ, আপুনি এসে রাজর্ষির সঙ্গে সাক্ষাৎ কর ।
এত কাতরা হলে কেন ?

নেপথ্যে । মহাদেবি, ঈর্ষ্যাবলম্বন পূর্বক এদিক
দিয়া আসুন ।

জনক । (অদূরে কৌশল্যাকে দেখিয়া) কি
এঁকে মহাদেবী বল্‌তেছে ! হা ! এই কি সেই মহাত্মা
দশরথের সহধর্মিণী !—আমার প্রিয়সখী কৌশল্যা !
আহা ! কে চিন্তে পারে যে ইনি সেই——”

নেপথ্যে । ভগবতি, মিথিলাপতিকে দেখে, আ-

১১২ জনকী নাটক।

মার সকল দুখই একবারে উথলে উঠছে ! আমি কেমন করে ঐর্ষ্যধরি বলুন ?

জনক। ইনি যে দশরথের গৃহের লক্ষ্মীস্বরূপিণী—স্বরূপিণী কেন, মূর্ত্তিমতী লক্ষ্মী। আহা ! এ-ক্ষণে ইহঁার এই অবস্থা ! হঠাৎ দেখলে, চিত্রিত বোধ হয়। হায় ! যাঁদের সাক্ষাৎলাভ, একদা মহোৎসব স্বরূপ ছিল, এখন তাহাদের দর্শন ক্ষতস্থলে লবণ সংযোগের ন্যায় অস্বথকর হয়ে উঠলো !

নেপথ্যে। তার সন্দেহ কি ? মনুষ্যের যেসকল দুঃখ মনোগথ্যে সম্বরিত থাকে, বন্ধুবান্ধবের সঙ্গে সাক্ষাৎ হলে সেই সকল দুঃখ একবারে অন্তঃকরণকে আকুলিত করে প্রকাশ পায়।

নেপথ্যে। ভগবতি, বধূসীতা নেই, আমি কেমন করে রাজর্ষিকে মুখ দেখাব ?

কৌশল্যা, অরন্ধুতী এবং কঞ্চুকীর
প্রবেশ।

জনক। ভগবতি অরন্ধুতি, আপনি ব্রহ্ম মুহূর্ত্তের ন্যায় পূজ্যতমা,—জনক আপনার পদারবিন্দ বন্দনা করছে। [বন্দন।

অরন্ধুতী।

যিনি, ভুবনের তমোহর, পদ্মিনীপ্রফুল্ল-কর,

জানকী নাটক । ১১৩

জগদয সংহারক, লোকেশ অরুণ ।

সেই, সর্বলোক প্রকাশক, সর্ব বিঘ্ন বিনাশক

তোমার পরমজ্যোতি, প্রকাশ করুন ।

জনক । অহে কঞ্চুকিন্ ! রাজমাতার কুশল ?

কঞ্চু । আপনার এরূপ প্রশ্নে আমরা তিরস্কৃত
হলাম । রাজর্ষে ! আপনি কি জানেন না, মহাদেবী
বধূ জানকীকে কত ভালবাসতেন ? ইনি সেই শোকে
আজিও অযোধ্যায় প্রবেশ করেন না । এমন কি এখন
ইহার পক্ষে রামচন্দ্রের বদনচন্দ্রদর্শনও অসুখের
কারণ হয়েছে । রোহিণীর সঙ্গে সঙ্গত চন্দ্রমা যে-
মন নয়নমনের আত্মাদ বিধায়ক হয়, কেবল চন্দ্র
কখনই তেমন প্রীতিকর হয় না । রাজর্ষে, এখন ইহা-
কে কুশল জিজ্ঞাসা করা, উদ্দীপ্ত শোকানলে আত্মি
প্রদান বই নয় । আপনি ইহাকে দোষ দিবেন না,
ইহার কণামাত্রও দোষ নাই । আর রামচন্দ্রেরই বা
দোষ কি ? সকলি ঈদেবের দুর্কিপাক ! পৌরজনেরা
দেবীর অগ্নি পরীক্ষায়——”

জনক । (সন্তোষে) আঃ অগ্নিকে ? আমার
কন্যা স্বভাবতঃই পবিত্র, তাকে আবার অগ্নি কি
পবিত্র করবে ? জাহ্নবীনারকে কি তীর্থ জল পবিত্র
করতে পারে ? হায় কি যন্ত্রণা ! একে রাম আমাকে
যারপরনাই অপমানিত করেছেন, আবার তোমরা
আমাকে অপমানিত কর্তে আরম্ভ করলে ?

অকঙ্কুতী । তার সন্দেহ কি ? অগ্নি সীতার কাছে
 অতি তুচ্ছ ?—হা বৎসে সীতে ! হা ! সাধুচরিতে !
 তুমি শিশুই হও, আর শিষ্যই হও, যা হও না কেন,
 তোমার বিশুদ্ধচরিত্র আমার ভক্তির উদ্রেক করছে ।
 বৎসে ! তুমি পবিত্রতাগুণে জগতের বন্দনীয় হয়ে
 রয়েছ !—

জগতের বন্দনীয় সদ্গুণনিচয়,
 বয়স বা রূপ কিছু পূজনীয় নয় ।

কৌশল্যা । না, আর মর্ম বেদনা সহিতে পা-
 রিনা !—হায় !— [মূচ্ছ্য ।

জনক । হা কি কষ্ট ! কি হল ?

অকঙ্কুতী । আর কি ? তুমি রাজ্যের দৃষ্টিপথে
 পতিত হলে,—সেই নরেন্দ্র দশরথ,—সেই সকল
 কুমার—সেই সকল দিন—সেই সকল আহ্লাদ
 আমোদ একবারে মনে উদয় হওয়াতে, রাজ্যী শোক
 অধৈর্য হয়ে মূচ্ছিত হলেন । মূচ্ছিত হওয়া আ-
 শ্চর্য্য কি ? স্নেহকুসুম যে কণ্টক জন্মে, তার আঘাত
 ত সামান্য নয়, তেমন ধৈর্য্যশালীব্যক্তিরও হৃদয় ভেদ
 করে, ইনিত স্ত্রীলোক ; স্ত্রীলোকের মন কুসুম হতে
 কোমল—”

জনক । হায় ! আমি অতিশয় নির্দয় ! আমার
 অতিরহদয়-বন্ধুর সহধার্মিণীর বহুকালের পর সাক্ষাৎ
 পেয়েছি, কিন্তু সাক্ষাৎ পেয়েও মুখ তুলে দেখছি না !

আমার যে বৈবাহিক, জীবনরক্ষের মহৎফলস্বরূপ,
 ————হৃদয়ের বিনোদন স্বরূপ ছিলেন,———হায়
 হায় ! এখন সেই বৈবাহিক নাই ! ইনি সেই বৈ-
 বাহিকের ধর্মপত্নী——ইহাদের স্ত্রী পুরুষ কোনরূপ
 কলহ হলে, উভয়ে আমাকেই ভৎসনা করতেন । ই-
 হার কোপ বা প্রসাদ আমারই অধীনে ছিল !——দূর
 হোক, আর সে সকল কথা স্মরণ করা উচিত নয়,——

অতীতসুখের কথা করিলে স্মরণ,
 দুঃখের সময় দুঃখে আরো দহে মন ।

অকস্মাৎ । হায় ! রাজ্যীর যে এখনো চৈতন্য
 হল না ।

জনক । (কমণ্ডলু জল শেচন পূর্বক) প্রিয়-
 সখি !——অরি প্রিয় সখি !

কৌশল্যা । (চৈতন্য পাইয়া) হা বৎসে সীতে !
 কোথায় আছ ? বিবাহ সময় যে তোমার সেই মৃদু
 মধুর হাস্য আর লজ্জায় উৎফুল্ল মুখমণ্ডল আমার
 মনে প্রতিফল উদয় হচ্ছে ! হা পুত্রি ! আর কি তো-
 মার সেই বিধুবদন দর্শন করে আমার মনের আঁধার
 দূর হবে ?——মহারাজ সর্বদাই বলতেন, সীতা আ-
 মাদের বধূ, কিন্তু মিথিলারাজের সঙ্গে আমার যেরূপ
 বন্ধুতা তাতে ইনি আমার কন্যাই———”

কঞ্চু । তার সন্দেহ কি ? মহারাজের সীতাতে
 শান্তিতে ভেদ ছিলনা ।

১১৬ জানকী নাটক ।

জনক । হাঁ প্রিয়সখা দশরথ ! আমি কেমন করে তোমার তুল্য বন্ধুকে বিস্মৃত হবো ? কন্যাপ-ক্ষীরেবাই জামাতৃপক্ষের পূজা করে থাকে, কিন্তু বন্ধু তুমি তার বিপরীত রীতি অবলম্বন করতে, তুমি আমারই পূজায় যত্নশীল ছিলে । সখে ! এক্ষণে তুমি এই শোক-দুঃখ, হাহাকার-পরিপূর্ণ-সংসারধাম পরিত্যাগ করে নিত্যধামে নির্মল সুখানুভব করছো । কেবল আমিই পাপাত্মা, এই ঘোর নরকে পতিত হয়ে ক্রেশ ভোগ করছি ! বন্ধো, তুমিই ত বিচ্ছেদ ক্রেশে রেখে-গিয়াছ, তার পর তোমার সহিত যে সম্বন্ধবীজ ছিল, এক্ষণে বিধাতা সেই বীজও নির্মূলিত করলেন ! যা আমার জীবনে ধিক !

কৌশল্যা । হায় ! আমার এই পোড়াপ্রাণ এখনো বার হলনা ?—হায় আমি নিতান্ত অভাগিনী !— [অশ্রুপাত ।

অকস্মতী । ঠৈর্য্য হও, ও কি ! ধারার আঁবনের মত অবিরল অশ্রুজল বর্ষণ কর্তে লাগলে ! রাজি, তোমার কি মনে নাই, ঋষ্যশৃঙ্গের আশ্রমে তোমাদের কুলগুরু সেই বলেছিলেন, এক দৈব-বিড়ম্বনা ঘটবে, কিন্তু ঘনঘটা অন্তরিত হলে যেমন গগনমণ্ডল আরো প্রসন্ন হয়, সেইরূপ সেই বিড়ম্বনা বিগত হলে, ঈক্ষ্বাকুবংশ আরো উজ্জ্বলিত হবে । রাজ্ঞী শীঘ্রই মঙ্গলের মুখ দেখতে পাবে । চিন্তা কি ?

কৌশল্যা । আর মঙ্গল ! কপাল তেমন নয় !—

অকস্মতী। সে কি ? তুমি কি মনে কর সে
কথা মিথ্যা হবে ? না, না, ব্রহ্মজ্ঞব্রাহ্মণের বাক্য কখন-
ও অন্যথা হয় না। (নেপথ্যে বালকগণের কলরব)
ও কিসের কোলাহল ?

জনক। অদ্য অনবধায়, তাই বালকসকল ক্রীড়া
করতেছে।

[অদূরে বালকগণ দৃষ্ট হইল।]

কৌশল্যা। হাঁ, বালকদের সঙ্গাব সহজেই হয়,
(লবকে দেখিয়া সবিষ্ময়ে) ভগবতি, এই মুনিকু-
মারদের মধ্যে শ্যামলসুন্দর-শরীর সুকুমার কুমারটী
কে ? ঠিক যেন আগার রামচন্দ্র !—আহা ! এই বালক-
টির চাঁদমুখ দেখে আগার চক্ষু জুড়ালো !

অকস্মতী। (সহর্ষে স্বগত) মন্দাকিনীর কাছে
ত এই সুসংবাদ শুনেছি, যে কুশ লব এখানে আছে।
—এটা কুশ কি লব ? (সম্মেহ ও সতৃষ্ণ দৃষ্টি)

জনক। (দৃষ্টি পূর্বক) হাঁ তাহিতো, এটা কে ?
যেমন সরোবরে শতদলদলের মধ্যে একটি ইন্দিবর
প্রস্ফুটিত হয়ে রয়েছে ! বোধ হয়, যেন সেই বৎস রাম-
চন্দ্র আমাদের নয়নানন্দবর্দ্ধনের জন্য আবার শিশু
শরীর ধারণ করেছে।—হাঁ, এটা ক্ষত্রিয় সম্ভানই বটে।
শিরোপারে করুণত্র ভূষিত চূড়া, পৃষ্ঠদেশে তূণ, ক-
টিদেশে মৌঞ্জীমেখলা, মঞ্জিষ্ঠাবসন, করে ধনু, বৈ-

এব দণ্ড কক্ষাক্ষ কেয়ুর । মুনিপুত্রদের এ বেশ নয় !—
ভগবতী, আপনি যে কিছুই বলছেন না ?

অক্ষ । আমরা আজই এই আশ্রমে এসেছি ।

জন । ভাল কণ্ঠুকিন্ ! তুমি আমার নাম করে
মহর্ষি বাল্মীকিকে এই শিশুর পরিচয় সবিশেষ জি-
জ্ঞাসা কর গে । আর ঐ বালকটিকে বল বিলম্বমূল্যে
কয়েকজন বৃদ্ধ তোমাকে দেখতে ইচ্ছা করেন ।

কণ্ঠু । যে আজ্ঞা ।

কৌশল্যা । একথায় কি ও ছেলেটী আসবে ? না
হয় আমিই যাই কোলে করে এখানে আনিগে ।

অক্ষ । হাঁ অবশ্য আসবে । আশ্রমনিশুরা এমন
অবাধ্য নয় ।

কৌশল্যা । অই যে বঙ্গমাত্রই ছেলেটী এদিকে
আস্চে । আহা ! বোধ হয় একখণ্ড নীলনীলদ ভূমে
চলে আসতেছে ।

জনক । আহা ! এই শিশুর বয়স অল্প, নিতান্ত
কোমল শরীর, কিন্তু তথাপি বিলক্ষণ প্রভাব ! যেমন
অয়স্কান্ত অল্প পরিমিত হয়েও, অধিক লৌহপিণ্ড
আকর্ষণ করে, সেইরূপ এই শিশু আমার চিত্ত আকর্ষণ
করছে ।

লবের প্রবেশ ।

লব । (স্বগত) আমি যাদের পরিচয় জানিনা,
উাদিগে কেমন করে নমস্কার করি । (চিন্তা করিয়া)

ই। সাধারণরূপে বন্দনা করা অনুচিত নয় । (মিক-টকু হইয়া বিনীত ভাবে) বাল্মীকি শিষ্য সব আপনাকে বন্দনা কর্চে । (বন্দন)

সকলে । বৎস, চিরজীবী হও ।

অক । এস বাছা, আমার কোলে এস । (ক্রোড়ে করিয়া) আজ আমার কেবল অঙ্কদেশ পূর্ণ হইল এমন নয়, চিরমনোরথও পূর্ণ হইল ।

কৌশল্যা । (হস্ত প্রসারণ পূর্বক) বাছা, এস, একবার আমার কোলেও এস (ক্রোড়ে লইয়া) এ ছেলেটি কেবল দুর্বাদল শ্যামবর্ণে, আর মধুর গম্ভীর স্বরে রামচন্দ্রের মত নয়, এর শরীরও সেই রূপ বলিষ্ঠ । (লবের প্রতি) দেখি বাছা, মুখ তোল দেখি, (চিবুক ও মুখ উত্তোলন করিয়া) রাজর্ষে ! এশিশু কেবল রামচন্দ্রের মত নয়, বিলক্ষণ করে দেখিলে বৎসা সীতারও অনেক সাদৃশ্য আছে । দেখুন না——”

জনক । দেখ্ছি, সখি দেখ্ছি ।

কৌশল্যা । ভগবতী, আমার মন বড় চঞ্চল হইছে । কেন এমন হয় ? যেমন জলধারা বর্ষণে প্রজ্জ্বলিত আগুন নির্বাণ হয়, এই ছেলেটিকে কোলে নিয়ে আমার সেইরূপ শোকানল নির্বাণ হইল ।

জনক । এই কুমার রঘুনন্দন আর সীতার যেন অবিকল অনুরূপ ! কি আশ্চর্য্য ! সেই শরীর, সেই কান্তি, সেই মধুর-গম্ভীর কথা, সেই বিনয়, সেই পবিত্র চরিত্র সকলি এই শিশুতে প্রতিফলিত হয়েছে !

যেমন একটি দীপহতে আর একটি দীপ জ্বালালে প্র-
থমের সহিত দ্বিত্যের কিছুমাত্র ভিন্নতা থাকে না,
এই শিশু আর রামচন্দ্রও সেইরূপ কিছুমাত্র ভিন্নতা
দেখছেন না। এটা কি স্বাভাব্যের অপ্রকাশিত অঙ্কুর?

কৌশল্যা। বাছা, তোমার মা আছেন?

লব। না।

কৌশল্যা। তবে তুমি কার কাছে থাক।

লব। মহর্ষি বাল্মীকির।

কৌশল্যা। তুমি তাঁর কে?

লব। শিষ্য।

কৌশল্যা। বাছা, বিশেষ করে সব বল।

লব। আমি আর কিছুই জানিনা।

নেপথ্যে। ওহে সেনাগণ! ওহে পাদচারীগণ!

কুমার চন্দ্রকেতু আদেশ করছেন, যেন কেউ আশ্রমভূ-
মির অনিচ্ছা না করে। সাবধান!

জনক। “চন্দ্রকেতু আদেশ করছেন” এই ক-
থার কর্ণে যেন অমৃত রসি কবলে—”

লব। আর্ঘ্য! চন্দ্রকেতু কে?

জনক। দশরথের সন্তান, রাম লক্ষ্মণকে জান?

লব। হাঁ, তাঁরাত রামায়ণকথার প্রধান নায়ক—

লব। কেন জানিবো না?

জনক। সেই লক্ষ্মণের পুত্রই চন্দ্রকেতু।

লব। ও! উন্মিলার পুত্র, জনকরাজার দৌহিত্র।

[সকলের হাস্য।]

জনক । ভাল বৎস ! যদি তুমি রাঘবদিগের হস্তান্ত জ্ঞান, তবে বল দেখি, দাশরথীদের পুত্র কে কে ? তাদের কার নাম কি, কে কার গর্ভে জন্ম গ্রহণ করে ?

লব । না, এসকল জানিনা ।

জনক । কেন, মহর্ষি কি এনে লেখেন নাই ?

লব । হাঁ লেখেছেন, কিন্তু সেই ভাগ প্রকাশ করেন নাই, রচনা করেই ভরতমুনির কাছে পাঠিয়েছেন ।

জনক । তাঁর কাছে কেন ?

লব । স্বর্গে সেই ভাগ অপ্সরার শিক্ষা করে অভিনয় করবে ? আমার অগ্রজ কুশ সেই ভাগ লরে ভরতমুনির কাছে গিয়েছেন ।

জনক ও কৌশল্যা । (সাহাদে) কুশ আশ্রমে শীঘ্র আসবে না ?

লব । হাঁ, আজই তাঁর আসবার কথা আছে ।

কৌশল্যা । বাছা, “ তুমি রামায়ণকথার ” কতদূর শিক্ষা করেছ ?

লব । অযোধ্যানাথ লোকাপবাদ শুনে, ভীত হয়ে, জানকীদেবীকে বনবাস দিতে অনুমতি কল্লো, লক্ষ্মণ তাঁকে অরণ্যে লয়ে গেলেন । সেই হিংস্রজন্তু পূর্ণ অরণ্যেই দেবীর প্রসববেদনা উপস্থিত হল—”

জনক । হা বৎসে ! হা মেহপুত্রুলি ! তুমি সেই অসহনীয় অপমানে, জনশূন্য অরণ্য মধ্যে প্রসব

বেদনা উপস্থিত হলে তুমি ভীতা, অশরণা হয়ে, “হা
তাত ! হা মাতঃ !” বলে কতনা রোদন করেছ ? হা
সরলে !——” [অশ্রুপাত।

কৌশল্যা। হা বৎসে !—হা পুত্রি !

লব। (অকল্মুষিত প্রাণে) ভগবতি, ইহারা কে ?
অকল্মুষিত। ইনি রাজর্ষিজনক,——ইনি মহা-
দেবী কৌশল্যা।

লব। বটে। [বহুমান প্রদর্শন।

জনক। (সক্রোধে সান্নিধ্যমানে) পৌরজনেরা
বড় দুর্জয়, রামও নিতান্ত শিশু। এই বজ্রাঘাত তুমি
অসহ্য অকারণ অপবাদে কথায় আমি অত্যন্ত ব্যথিত
হয়েছি, আমার ক্রোধের উদয় হয়েছে। আমি শাপ
বা চাপ দ্বারাই আজ এই ক্রোধের উপশম করবো।

কৌশল্যা। (অকল্মুষিত চরণ ধারণ পূর্বক)
ভগবতি, রক্ষা করুন, রক্ষা করুন। রাজর্ষি কুপিত হ-
য়েছেন।

অকল্মুষিত। রাজর্ষে, অন্যায়কারীর দণ্ডই এই।
কিছু রাম তোমার পুত্র, আর পৌরজনেরাত তুণ্যপে-
ক্ষাও লম্বু, তোমার কোপানলের যোগ্য নয়।

জনক। দূর, হউক ! রামেরও নিতান্ত শিশু
বুদ্ধি, পৌরজনেরাও নীচাশয় ! আমি কার উপর কু-
পিত হব ?

নেপথ্যে। উচ্চৈঃস্বরে লব ! লব !

কুমারগণের প্রবেশ ।

কুমার । (লবের হস্তধারণ করিয়া) আমাদের
আশ্রমবনে আজ একটা অশ্ব এসেছে, দেখবেত এস,
এমন সুন্দরপশু কখনও দেখ নেই । [হস্তাকর্ষণ ।

লব । দেখুন, এরা আমাদের লয়ে যায় ।

অরু । যাও বাছা, খেলাওগে ।

[শিশুগণের সহিত লবের প্রস্থান ।

কৌশল্যা । এই ছেলেটা যে আমার মনে লেগেই
রইল । যাই আমি দেখিগে ও কোথায় যায় ।

অরুন্ধতী । তুমি কোথায় যাবে ? ও যে দৌড়ে
চললো ।

কঞ্চুকীর পুনঃ প্রবেশ ।

কঞ্চুকী । মহর্ষি বাল্মীকি বল্লেন, আপনারা
শীঘ্রই সবিশেষ অবগত হবেন ।


জনক । আমার বোধ হয়, কোন নিগূঢ় কারণ
আছে, আমরা সকলেই এক্ষণে মহর্ষির কাছে যাই চ-
লুন ।

কৌশল্যা । তাই করা যাক ।

[সকলের প্রস্থান ।

ইতি প্রথমগর্ভাক্ষ ।

দ্বিতীয় গর্ভাঙ্ক ।



বাল্মীকির আশ্রমবন ।

(লব, য়ুনিকুমারগণ এবং একজন
বীরপুরুষ দৃষ্ট ।)

লব । (সদর্পে) ওহে, আমিই তোমাদের অশ্ব
বন্ধন করেছি, জয়পতাকাও কেড়ে লয়েছি, শক্তি
থাকে, আমাকে যুদ্ধে পরাজয় করে অশ্ব আর পতা-
কা উদ্ধার কর; নতুবা পরাজয় স্বীকার করে——”

বীর । (সাহসিকারে) কি পরাজয়! অরে বালক!
কি বলি? (ধনুষ্টঙ্কার পূর্বক) আমাদের এই তীক্ষ্ণ
অস্ত্র কারও দর্প সহ্য করে না, তোকে য়ুনিকুমার বলে
দয়া করবে না! রাজকুমার চন্দ্রকেতু আশ্রমশোভা
দর্শনে অন্যমনস্ক আছেন, এই বেলা তুচ্ছহন দিয়া
পলায়ন কর।

লব । অরে, এত কোন রাক্ষস নয়, যে রঘুবংশী-
য়দের নাম শুনে পলায়ন করবে। আর অস্ত্রের ভয় কি
দেখাচ্ছিস? (ধনুষ্টঙ্কার পূর্বক) এই দেখ। প্রলয়-
কালের, কালের ব্যাদিতবদনের তুল্য আমার ধনু—জ্যা-
ষার জিহ্বা—এই শত্রুদলের হৃদয়বিদারক গর্জ্জন ক-
রুচে। (ধনুষ্টঙ্কার)

মুনিকুমারগণ । কি সর্বনাশ ! লব, আমরা
পলাই ভাই, আর তুমি না যাও ত আমরা মহর্ষিকে,
বলে দিগে ।

[শিশুগণের পলায়ন ।

অদূরে সৈন্যগণের প্রবেশ ।

সৈন্যগণ । কি এত আশ্চর্য্য ! ভুবনবিজয়ী রা-
বণারী রামচন্দ্রের যজ্ঞের অশ্ব বন্ধন করে ? মার, মার ।

[শর ক্ষেপ ।

নেপথ্যে । ওহে বীরপুরুষসকল ! তোমরা অ-
সংখ্য, আর এই মুনিকুমার একা ! তোমরা কেউ হ-
স্তীতে, কেউ অশ্বেতে, কেউ রথে আছ, আর তোমা-
দের প্রতিবোধ, ভূমে দণ্ডায়মান ! তোমাদের সক-
লের শরীর কবচে আরত, আর এই শিশুরশরীরে কে-
বল মৃগচর্ম্মের উত্তরীয় মাত্র ! তোমরা বয়েসে জ্যেষ্ঠ, এ
বালক, এর কোমল শরীরে তোমরা অস্ত্র নিক্ষেপ ক-
রুচো ! একি বীর ধর্ম্ম ? ছি ! তোমাদিগেও ধিক !
আমাকেও ধিক !

লব । (সবিস্ময়ে) ও কে প্রকৃত বীরপুরুষের
মত, দয়া আর দর্প দুই প্রকাশ করচে, বোধ করি ই-
নিই চন্দ্রকেতু ? হাঁ হবে না কেন ? ইক্ষ্বাকুসন্তান কি
না ? যাহোক জুস্তিকাজে, ত সৈন্যদিগে নিস্তদ্ধ
করি । (অস্ত্রত্যাগ ও সৈন্যগণ নিস্তদ্ধ ।)

মেপথো । অহে বীরকুমার—না, রীরচুড়ামণি, সৈন্যদের সঙ্গে তোমার যুদ্ধের প্রয়োজন কি ? এই আমিই এলাম । এস, তেজ তেজেতেই শান্ত হোক, ব্রহ্মাস্ত্র ব্রহ্মাস্ত্রেই প্রশমিত হয়ে থাকে ।

সুমন্ত্রের রথে চন্দ্রকেতুর প্রবেশ ।

সুমন্ত্র । (স্বগত) এ কি বিশ্বামিত্রের যজ্ঞে শ্রী-রামচন্দ্র ধনুর্দ্ধারণ করে দাঁড়ায়েছেন ? (দীর্ঘনিশ্বাস ত্যাগ পূর্বক প্রকাশে) দেখ কুমার, যুগেন্দ্র যেমন মেঘগর্জনে শ্রবণ কল্লের ধ্বতহস্তী পরিত্যাগ করে উল্কে দৃষ্টি করে, আস্থান মাত্র এই বীরশিশুও সেইরূপ তোমার প্রতি সতৃষ্ণ দৃষ্টি করছে ।

লব । ঠেক, দেখি, কে গর্জ করে ?

চন্দ্র । অহো ! এই বীরকুমারকে দেখে আমার মন এমন পুলোকিত হল কেন ! দেখতে যে অন্তঃকরণে ভক্তির সঞ্চার হতে লাগলো ! জন্মান্তরে কি এর সঙ্গে আমার সৌহৃদ্য ছিল । না, আমি একে চিন্তে পার্চিনা ? ইনি আমার কোন আত্মীয়ই হবে ।

সুমন্ত্র । (স্বগত) আমার বোধ হয়, এটি মহিষী জানকীর পুত্র, রঘুবংশের অপ্রকাশিত অঙ্গুরের মত বীর্যশালী দেখছি ।

লব । (স্বগত) এই চন্দ্রকেতু ! একে দেখে আ-

মার অন্তঃকরণ যে স্নেহে গলে যাচ্ছে ! কারণ ? একি আমার কোন আত্মীয় ? আহা ! এঁর কোমলশরীরে কেমন করে বাণাঘাত করবো, পাছে অস্ত্রাঘাতে বেদনা পায় !—না না, হৃদয় ! স্থির হও, যোদ্ধাদের এমন ধর্ম নয় ! সমরক্ষেত্রে স্নেহ কি ?

চন্দ্র । সুমন্ত্র, আমি রথ হতে অবরোহণ করি, একেইত এঁকে অত্যন্ত পূজ্য বোধ হচ্ছে, বিশেষ শাস্ত্র-দেবতাদের আদেশই এই, “রথী কখনও পাদচারীর সঙ্গে সংগ্রাম করবে না।”

সুমন্ত্র । রাজকুমার, তুমি যথার্থই বলেছ । শূর পুরুষের রীতিই এই । ইক্ষ্বাকু বংশীয়েরা এই নিয়মেই যুদ্ধ করে থাকে, বৎস তোমার পিতা লক্ষ্মণ, সে দিন ইন্দ্রজিতকে বধ করেছেন, তোমার বয়সই বা কি ? তুমি তাঁরই সন্তান, তবু প্রকৃতযোদ্ধার ধর্ম শিখেছ, সৌভাগ্য ক্রমে তুমিই দশরথের কুল-প্রতিষ্ঠা রাখবে ।

চন্দ্র । (সখেদে) আর কুলপ্রতিষ্ঠা ! জ্যেষ্ঠ ভাতেরই বংশ নাই—[অবতরণোদ্যত ।

লব । অহে রাজকুমার ! না, না, এত দয়া প্রকাশে প্রয়োজন নাই ।

চন্দ্র । তবে আপনিও রথে আরোহণ করুন ।

লব । তাতে ক্ষতি নাই, তবে কি না, আমরা বনবাসী, রথারোহণ শোভাপায় না ।

সুমন্ত্র । বৎস, তুমি দর্প, আর সৌজন্য দুই ক-

১২৮ জানকী নাটক ।

রূতে জান, আহা ! যদি দয়ালু রামচন্দ্র তোমার দেখেন, তবে কত স্নেহ—কত মমতা করবেন ।

লব । ওহে, তোমাদের রাজার স্নেহ জানা আছে—উনিই না পূর্ণগুপ্তা ভার্য্যাকে বিনাদোষে বর্জন করেন ? আহা ! এটি কেমন দয়ার কার্য্য !—”

সুমন্ত্র । (স্বগত) একথায় নিদাক্ষণ মর্ম্মবেদনা পেলেন ।

লব । ভাল, তাঁর আর দয়ালুতার পরিচয়ে কাজ নাই । এক্ষণ জিজ্ঞাসা করি, তিনি এমন উদার রাজা হয়ে, এমন অহঙ্কারবাক্য ব্যবহার কল্লেন কেন ?—এই পৃথিবীতে কি তাঁর তুল্য কেউ বীর নাই ? তিনিই কি একমাত্র বীর ? শূন্যে পাই তোমাদের রাজা, বড় সুশীল, তা তিনি আপনাকে আপনি বড় জানেন । একি তাঁর তুল্য লোকের উচিত ?

চন্দ্র । জেঠা মহাশয়ের প্রতাপ আপনার অসহ্য হল না কি ?

লব । অহে, চিরকালই কি একজনের বীরত্ব থাকে ? আর কি বীর জন্মগ্রহণ করেনা ?

সুমন্ত্র । না বৎস. রামচন্দ্র সামান্যবীর নন, তিনি পরশুরামকে পরাজয় করেছেন ।

লব । তাতে তাঁর পৌকষ কি ? শ্লাঘাই বা এমন কি ? ব্রাহ্মণের বাক্যে বীৰ্য্য, ক্ষত্রিয়ের বাহুতে বীৰ্য্য—”

চন্দ্র । অর্ঘ্য ! বাগ্‌যুদ্ধে প্রয়োজন নাই, যে প-

রশুরাম পৃথিবীকে তিনসপ্তবার নিঃশ্বাসী কল্লেন,
তিনি এর নিকট বীর নন, ইনি জেঠামহাশয়ের প-
বিত্তচরিত্রও স্বীকার করেন না——”

লব। (সগর্বে) অহে রাজকুমার, মহারাজ
রামচন্দ্রের চরিত্র আমাদের অগোচর নাই, আমরা তাঁর
বীরত্ব, মহত্ত্ব সকলি জানি। তিনি বৃদ্ধ——এখন আর
তাঁর বীরত্বের কথা কি?——আর তাঁর বীরত্বের কা-
র্য্যই বা কি আছে?——হাঁ আছে বটে, তিনি স্ত্রী-
জাতী প্রাচীন। তারকাকে বধ করেছেন, তবুও তাঁকে
কেহ স্ত্রীহত্যাকারী বলে নাই। আর তিনি বালী——
বানর, তাকে লুকায়ে বাণমেরে বধ করেন, প্রকাশ্যে
নয়। আর হনুমান মৃত্যুবাণ হরণ করে এনে [দিলে
তাই দিয়ে রাবণকে বধ করেছেন।

চন্দ্র। (সক্রোধে) আঃ এত তেজ!

লব। অহে, তোমার পিতার বীরত্বও আমার
জানা আছে, তিনি চোদ্দবৎসর অনাহারে থেকে,
শেষ সংগোপনে নিকুন্তিল। যজ্ঞে প্রবেশ করে, নি-
রস্ত্র মেঘনাদকে বধ করেছিলেন। আর তিনি রাবণের
শক্তিশেষাঘাতে মূর্ছিত হয়ে পড়লে, হনুমান বি-
শল্যকরণী এনে তাঁর প্রাণ বাঁচায়। বটে কি না?

সুমন্ত্র। বৎস, তুমি জন্তুকাত্ত্রে সৈন্যদিগে প-
রাজয় করেছ বলে অহঙ্কার করোনা——


চন্দ্র। না, না, বাণ্যুদ্ধে প্রয়োজন কি?——

লব । ওহে বীরবর ! এস্থলে শরানল প্রজ্জ্বলিত
কলে আশ্রমভূমির মহান্ অনিষ্ট হবে, এস আমরা
ঐ প্রান্তরে যেয়ে সংগ্রাম করি ।


লব । ক্ষতি কি, চলুন না ।

[উভয়ে বগে গমন ।

ইতি চতুর্থঙ্ক ।



পঞ্চম অঙ্ক ।



প্রথম গর্তাঙ্ক ।

বাল্মীকির আশ্রমবন ।

(বিমানের বিদ্যাধর বিদ্যাধরীর
প্রবেশ ।)

নেপথ্যে । হুহুকার এবং ধনুর্ঘটকার শব্দ ।

বিদ্যাধরী । উ ! প্রলয়কালের মেঘ গর্জনের
মত কি ভয়ানক শব্দ !—নাথ ! দেখ দেখ, যেন দা-
বানল প্রজ্জ্বলিত হয়ে উঠলো—”

বিদ্যাধর । কুমার চন্দ্রকেতু অগ্নিবাণ ফেপণ,
করেছেন । ই ! যেন সাক্ষাৎ কালাগ্নি ত্রিভুবন ভস্মী-
ভূত কর্তে অসংখ্য জিহ্বা প্রসারণ করেছে !

বিদ্যাধরী । নাথ, তুমি নিকটে আছ বলে,
এই ভয়ানক সংগ্রাম দেখে আমি মুচ্ছা ঘাচ্ছি না ।

বিদ্যাধর । ভীক ! ভয় কি ?—দেখ, দেখ, আ-
কাশ মণ্ডল এককালে মেঘমালায় আচ্ছন্ন হল ! কুমার
লব, বাক্যগাস্ত্র প্রয়োগ করেছে ।

বিদ্যাধরী । বড় ভাল, হয়েছে ।

১৩২ জানকী নাটক ।

বিদ্যাধর । দেখ প্রিয়ে, অতিশয় কিছুই ভাল নয় । লব যেমন বাকগাঙ্গে সমুদয় মেঘাচ্ছন্ন করে ফেলেছিলেন, চন্দ্রকেতু তেমনি বায়ব্য অস্ত্র প্রয়োগ করে সমুদয় মেঘ ছিন্ন ভিন্ন করে ফেলেন ।

নেপথ্যে ! । বৎস চন্দ্রকেতু, নিরুত্ত হও, নিরুত্ত হও ।

বিদ্যাধরী । নাথ, দেখ, ইনি কে ? মধুরবচনে যুদ্ধ কর্তে বারণ কর্চেন ? আহা ! কি মধুর গভীর আকৃতি, দেখলে চক্ষু জুড়ায় । দেবলোকেও এমন শ্যামল-সুন্দর শরীর, সুপুরুষ দেখতে পাওয়া যায় না ।

বিদ্যাধর । প্রিয়ে, তুমি একে চিন্তে পেলেনা । ইনিই জানকীবল্লভ রামচন্দ্র । চল আমরা দেবরাজকে এই সুসংবাদ দেইগে, মহারাজ অযোধ্যানাথ, আজ স্ত্রীপুত্র সমাগমে সুখিত হবেন ।

বিদ্যাধরী । তবে চল, বিলম্বে প্রয়োজন কি ?

[উভয়ের প্রস্থান ।

পুষ্পকরথারূঢ় রামচন্দ্রের প্রবেশ ।

রাম । বৎস চন্দ্রকেতু ! তুমি রঘুবংশের ভূষণ, এস তোমায় আলিঙ্গন করে, আমি তাপিতজীবন শীতল করি ।—ওহে বীরসন্তান, ক্ষণকাল অপেক্ষা কর (স্বগত) এই শিশু কি দর্পণগত আমার প্রতি-কৃতি ? কেবল বয়োবিভেদ ব্যতীত ত আর কিছুতেই প্রভেদ দেখছি না !

[সতৃষ্ণদৃষ্টি ।

জানকী নাটক । ১৩৩

চন্দ্র । জেঠামহাশয় এসেছেন । (নিকটে গমনপূর্বক চরণ বন্দন)

রাম । (আলিঙ্গন পূর্বক) বৎস, কুশল ?

সুমন্ত্র । রাঘবেন্দ্রের জয় হোক ।

রাম । তোমার প্রতিষেদ্ধা কে ? আমি ওকেও আলিঙ্গন কর্তে ইচ্ছা করি ।——আহা ! বৎস, আমার বোধ হয় যেন তুমিই দুটি দেহ পরিগ্রহ করে অস্ত্র কোশল দেখাচ্ছে ।

লব । (স্বগত) ইনিই রামায়ণকথার প্রধান-পুরুষ !——আহা কি গম্ভীরদর্শন ! দৃষ্টিমাত্রেই ভক্তির উদয় হচ্ছে ! অহো ! মনে যে কেমন একপ্রকার অনির্বাচনীয় ভাবের সঞ্চার হল ! আর কখনও এমন ভাবের উদয় হয় নাই ! কি আশ্চর্য্য ! ক্রোধ কোথায় ? মন একবারে ভক্তিরসে আর্দ্র হয়ে গেল । আমি একে দেখেই অধীন হয়ে গেলাম । এঁর চরণপদ্ম বন্দনা কর্তে অভিলাষ হচ্ছে ।

সুমন্ত্র । অহে বীরকিশোর, মহারাজ অযোধ্যানাথ তোমায় দেখতে চান,——এখানে এস ।

লব । (নিকটে গমন পূর্বক) আর্ঘ্য, বাল্মীকির শিষ্য লব, আপনাকে বন্দনা কর্চে । [বন্দন ।

রাম । থাকুক হয়েছে, চিরজীবী হও । এস বৎস, আমার কোলে এস । (আলিঙ্গন পূর্বক স্বগত) একি ! দেবীজানকীর স্পর্শে মন যেমন একপ্রকার অনির্বাচ-

১৩৪ জানকী নাটক ।

নীর অহ্লাদে পুলকিত হত, এই শিশুর আলিঙ্গনে
কেন সেইরূপ আনন্দ উপস্থিত হল !

সুমন্ত্র । বীরকিশোর, বসো ।

রাম । বসো বৎস । (সম্মুখে দর্শন)

লব । (স্বগত) ইনি আমার এমন স্নেহ কর-
ছেন, আর আমি এর সঙ্গে সমর কর্তে উদ্যত !

রাম । (স্বগত) আহা ! এ বয়সে বালক বটে,
কিন্তু প্রতাপে প্রকৃতবীরপুরুষের মত বোধ হচ্ছে ।
আমার ইচ্ছা হয়, এর কাছে পরাজয় স্বীকার করি ।

লব । (স্বগত) না, আমার যে আপনাকেই
ভারি অপরাধী বোধ হচ্ছে । (প্রকাশে) অর্থা, আমি
বড় অপরাধ করেছি—”

রাম । কেমন ?

লব । অর্ঘ্যের যজ্ঞাশ্বের অনুগামী সৈন্যদিগের
সঙ্গে সংগ্রাম করেছি,—

রাম । বীরের ধর্মই এই,—

মহাকর রবি প্রকাশিলে খরকর
আগ্নেয়প্রস্তর তেজ প্রকাশে যখন,
ক্ষত্রিয় তনয় যেই, কেন না দেখাবে সেই,
স্বতেজ অরাতি তাপে তাপিয়া তখন ?
সিংহের গর্জনে সিংহ করে প্রতিশ্বর ।

সুমন্ত্র । তার সন্দেহ কি ?

রাম । বৎস লব, তোমার বীরত্বে আমি অত্যন্ত সন্তুষ্ট হয়েছি, এমন কি তোমার স্থানে আমার পরাজয় স্বীকার কর্তে ইচ্ছা হচ্ছে ।

সুমন্ত্র । এই বীরকিশোর, প্রকৃতবীরের লক্ষণা ক্রান্ত ।

লব । (স্বগত) না, ইনি যখন এমন কথা বলছেন, তখন আর সংগ্রাম কি ? ক্ষমা প্রার্থনা করাই আমার উচিত । (প্রকাশে) আর্ঘ্য ! আমি বাল্য স্বভাবমূলভ চাপল্য বশত এরূপ ব্যবহার করেছি, বীরত্ব বা প্রশংসার কার্য করিনাই । মহারাজ ক্ষমা করুন ।

সুমন্ত্র । ক্রীড়া কর্তেই সিংহ-শিশু সিংহকে আক্রমণ করে, তাবলে কি সিংহ, শাবকের প্রতি কুপিত হয় ?

রাম । বৎস লব, আমি তোমাকে একটি বিষয় অনুরোধ কর্তে ইচ্ছা করি ।

লব । (বিনীতভাবে) অনুরোধ কি, আজ্ঞা করুন ।

রাম । চন্দ্রকেতুর সঙ্গে তুমি বন্ধুতা কর, এই আমার অনুরোধ । কারণ, তোমরা উভয়েই উভয়ের প্রতিকৃতি বিশেষ, বীরত্বে, বয়সে উভয়েই উভয়ের তুল্য ।

লব । আর্ঘ্য, আমি আপনার আজ্ঞা অবশ্য প্রতিপাল্য বোধ করি, কিন্তু উনি হচ্ছেন রাজকুমার, আমি একজন তাপস—

সুমন্ত্র । গুণই গৌরবের মূল, অবস্থা নয় । উদ্যা-

মেও কণ্টকীলতা জন্মে, খনির তিমিরগর্ভেও অ-
শূল্যরত্ন লুকায়িত থাকে ।

রাম । বৎস চন্দ্রকেতু, তুমি এই বীরকিশোর-
কে বন্ধু সন্মোদন করে আলিঙ্গন কর । আজ অবধি
তোমরা উভয়ে বন্ধুতা স্মৃত্তে বদ্ধ হলে ।

লব । যে আজ্ঞা । (চন্দ্রকেতুকে আলিঙ্গন ।)

রাম । জগদীশ্বর মঙ্গল করুন, তোমাদের এই
বন্ধুতা মঙ্গল প্রসবিনী হোক । এস তোমরা উভয়েই
আমার কোলে এস । (কোলে উভয়ের উপবেশন)

সুমন্ত্র । একি ! একটী রূন্তে দুটি ইন্দিবর প্রস্ফু-
টিত হল ?—হে বীরকিশোর, জুস্তিকাস্ত্র সংহরণ করে
সৈন্যাদিগে সংজ্ঞা দান কর, তাঁরাও এই সময়ে আহ্লাদ
প্রকাশ করুন ।

লব । (মন্ত্রজপ করিয়া) হা, অস্ত্র সংহরণ
কল্পাম ।

রাম । জুস্তিকাস্ত্র তপোময়, ভগবান কৃশাশ্ব দে-
বগণের নিকট প্রথম প্রাপ্ত হন, তার পর ভগবান বি-
শ্বামিত্র প্রাপ্ত হন, তিনিই আমাকে দিয়াছিলেন ।
বৎস, তুমি এই অস্ত্র প্রাপ্ত হলে কেমন করে ?

লব । আমাদের এই অস্ত্র আজন্মসিদ্ধ ।

সুমন্ত্র । তপপ্রভাবে সকলি সম্ভবে ।

রাম । আমাদের বল্পে যে, আর কার ?

লব । আমি আর আমার জ্যেষ্ঠভ্রাতার ।

রাম । তোমার ভ্রাতা কোথায় ?

নেপথ্যে । আমি ভাগ্যবানের মুখে শুনলেম, র-
ষুবংশীয় অসংখ্য সৈন্য আমার প্রাণের ভাই লবকে
আক্রমণ করেছে । কি অন্যায় যুদ্ধ ! যদি সত্য হয়,
আজ পৃথিবী রাজশব্দ শূন্য হবেন ।

রাম । (নেপথ্যে কুশকে দৃষ্টি করিয়া) এ কে
লীলকান্তমণি-নিন্দিত-কমনীয়-কান্তি বীরকিশোর, স-
জলজলদের মত গভীরগর্জন করছে ?

লব । ইনিই আমার জ্যেষ্ঠ, এর নাম কুশ ।

কুশের প্রবেশ ।

কুশ । (ধনুষ্টকার পূর্বক) আজ আমি শাস্ত্র বি-
দ্যার পরীক্ষার উপযুক্ত প্রতিযোগী পেয়েছি । সূর্য
বংশীয়দের সঙ্গে যুদ্ধ ! আজ আমি সম্পূর্ণ বীরত্ব
প্রকাশ করবো ।

রাম । একি মূর্তিমান দর্প, না সাক্ষাৎ বীররস ?

লব । (নিকটে গিয়া বন্দনপূর্বক) দাদামহা-
শয়, শর প্রতি সংহার করে বিনয়ী হোন ।

কুশ । বিপক্ষের কাছে বিনয় কেন ? অস্ত্রত নি-
স্তেজ হয়নাই ? বাহু যুগলও ত বিক্রমশূন্য হয় নাই ?

লব । রঘুনাথ উপস্থিত ।

কুশ । সেই “রামায়ণকথার” নায়ক রঘুনাথ ?

লব । হাঁ, তিনিই ।

কুশ । তবে এর সঙ্গে কিরূপ কথাবার্তা বলুতে
হবে ?

১৩৮ জানকী নাটক ।

লব । গুরুর কাছে যেরূপ করে কথা বলতে হয় ।

কুশ । সেরূপ কেন ?

লব । রঘুনাথের ভ্রাতুষ্পুত্র চন্দ্রকেতুর সঙ্গে আমার বন্ধুতা হয়েছে, সেই সম্বন্ধে রঘুনাথ আমাদের ধর্মপিতা হন ।

কুশ । ভাল সেইরূপই বলবো, চল ।

[কিঞ্চিৎ অগ্রসর ।

লব । ঐ দেখুন, রঘুমণি দণ্ডায়মান । আহা কি সৌমমূর্তি ! দৃষ্টিমাত্রেই এঁর অলৌকিক বিক্রম, সাগর তুল্য গন্তীর স্বভাবের পরিচয় পাওয়া যায় ।

কুশ । (নিকটে গিয়া) পিতঃ, বাল্মীকি-শিষ্য কুশ আপনাকে বন্দনা করছে ।

রাম । এস বৎস (আলিঙ্গন করিয়া) চিরজীবি হও । (স্বগত) আঃ আমার তাপিতদেহ কি সু-ধাভিষিক্ত হল ! আমি কখনও এমন স্পর্শসুখ অনুভব করি নাই । কি অনির্বচনীয়সুখই অদ্য লাভ করলাম । যেমন প্রিয়তমাজানকীর শরীর স্বভাবতই কোমলকুমুমসৌরভ-বিশিষ্ট ছিল, এর সুনীলশরীরও সেইরূপ সুবাসিত !——”

চন্দ্র । আপনার কনিষ্ঠের নবীনবন্ধু চন্দ্রকেতু আপনাকে বন্দনা করছে ।

কুশ । এস, ভাই এস । [আলিঙ্গন ।

চন্দ্রকেতু । বসুন । [কুশের উপবেশন ।

রাম । (স্বগত) বোধ হয়, এ দুটাই যেন রঘু-

বংশীয় কুমার ! চন্দ্রকেতুর সঙ্গে এদের আকৃতিগত কিছুমাত্র বিভিন্নতা লক্ষিত হয় না । আহা ! এই দুই কিশোরের নীলকণ্ঠ-শিথির-কণ্ঠের বর্ণ হতেও উজ্জ্বল শ্যামবর্ণ ; প্রসন্ন বদন, বিশালবক্ষ, প্রশস্ত ললাট, আ-
নুলব্ধিত বাহু যুগল ।

কুশ । (স্বগত) কি আশ্চর্য্য ! আমি এখনি বী-
ররসে উন্মত্ত ছিলাম, আমার ক্রোধানল প্রজ্জ্বলিত হয়ে
ছিল, এর স্বপ্নেই সম্ভাষণে সেই ক্রোধানল এককালে
নির্ব্বাণ হয়ে গেল । আহা ! মহাপুরুষদর্শনে মন
কি এইরূপ শান্তিরসে অভিষিক্ত হয় !

রাম । (স্বগত) বিলক্ষণ বিবেচনা করে দেখলে
কুমার দুটিতে কেবল আমার অবয়ব সাদৃশ্য কেন,
প্রিয়তমা জানকীরও অনেক সাদৃশ্য লক্ষিত হচ্ছে ।
আমার সম্ভাষণসাধনে প্রিয়ার প্রাণপণ ! সেই জ-
ন্যেই কি প্রিয়তমা জানকী এই শিশু দুটিতে আ-
পনার শরীরে যা কিছু আমার নয়নমনের আনন্দ
বিধায়ক ছিল, সেই সকলগুলি প্রতিবিম্বিত করে দি-
য়েছেন ? সেই প্রসন্ন বদন,—সেই প্রবালওষ্ঠ,
—সেই মুক্তার মত দন্তগুলি,—সেই স্নিগ্ধ মধুর-
কটাক্ষ বিশিষ্ট চক্ষুদুটি !—এ তপোবনও বাল্মী-
কির,—এই তপোবনেই সীতাকে বর্জন করা হয়,
প্রিয়তমা গর্ভবতী ছিলেন । আবার এদের জন্তকাস্ত্র-
ও আজন্ম-সিদ্ধ ।—তবে কি এদুটি আমার সম্ভান ? হাঁ,
হাঁ হতে পারে । আমিও প্রেমসীর পুত্র ছুমিষ্ঠ হলে,

অঙ্গুলিকে শিশুদের অনুগামী হতে বলে ছিলাম ।
 অরে কৃহকিনী আশা ! কেন আর আশ্বাস করিস্ ? মূল
 ছেদন কল্লে কি আর সেই লতায় কুমুমদর্শনের প্র-
 ত্যাশা থাকে ? (অশ্রুপাত) হায় ! আজ আমার এই
 শিশুদিগের সাক্ষাৎ লাভ, দুর্ভাগ্য-সন্তাপ-গর্ভ চন্দনর-
 সের ন্যায়, বজ্র মিশ্রিত চন্দ্রকিরণের ন্যায় বোধ হচ্ছে ।

(অশ্রুপাত)

লব । দাদামহাশয়, আর্ঘ্য রোদন করেন কেন ?
 এর কি দুঃখ উপস্থিত হল ?

কুশ । (হাস্যকরিয়) ভাই তুমি কি “রামায়ণ
 কথা” ভুলেছ ? যে জানকীবিরহে রঘুনাথের শরীর
 জীবনশূন্য,——নয়ন দীপ্তিশূন্য,——জগত বান্ধব-
 শূন্য,——এঁর সেই প্রেয়সী বিচ্ছেদহীত সকল দুঃখের
 নিদান, এই বিরহ তাতে আবার অবধি শূন্য, এতে
 করে এঁর কি পর্য্যন্ত না দুঃখ !

রাম । (স্বগত) না, নিশ্চয়ই এরা দেবীর পুত্র ।
 কোনরূপে এদের পরিচয় লওয়া আবশ্যক । (প্রকা-
 শে) বৎস কুশ, আমরা শুনেছি, তোমাদের মহর্ষি
 রামায়ণ রচনা করেছেন, তোমরা সেই রামায়ণের কিছু
 বল দেখি ।

কুশ । আর্ঘ্য, আমরা মহর্ষি প্রণীত রামায়ণ প্রায়
 সমুদয় অধ্যয়ন করেছি, এক্ষণে সকল স্মরণ নাই । বা-
 লকাণ্ডের এই একটি শ্লোক শুনুন——

প্রকৃত্যেব প্রিয়া সীতা রামস্যাসীম্বহাধুনঃ ।

প্রিয়ভাবঃ সতুতয়া স্বগুণৈরেব বদ্ধিতঃ ।

(স্বভাবত ছিল। সীতা রাম-প্রিয়তমা ।

স্বগুণে হইয়াছিল। আরো প্রাণসমা ॥)

লব । আর একটি এই—

তথৈব রাম সীতয়াঃ প্রাণেভ্যোহপি

প্রিয়োহিববৎ ।

হৃদয়ং ত্বেব জানাতি প্রীতিযোগ পরম্পরম্ ।

(সীতাকে দেখিত রাম প্রাণের মতন ।

দুজনের জানা ছিল, দুজনের মন ॥)

রাম । (স্বগত) হায় ! প্রিয়ে ! আমরা তখন
এইরূপই ছিলাম, এখন আমাদের ভাগ্যে এই ঘটেছে,
এখন সেই আনন্দউৎসবই বা কোথায় !—সেই অশি-
শ্রমনই বা কোথায় !—সেই অকৃত্রিমপ্রেমই বা কো-
থায় !—এখন আর সংসারআশ্রমে সুখ কি ? এ-
খন সমুদয় কেবল দুঃখময় বোধ হচ্ছে !—অরে
পাপপ্রাণ ! তুই আর কি মুখের প্রত্যাশায় দেহ মধ্যে
অবস্থান কর্চিস্ ?—”

সুমন্ত্র । (স্বগত) এ যে মহারাজের নির্দাণ অ-
নলে ফুৎকার দেওয়া হল ।

হুশ । ভাগীরথীর তীরে চিত্রকূট পর্বতের নিকট
অবন কৰ্ত্তে, সীতার প্রতি রামের এই শ্লোক——

তদর্থমিব বিন্যস্তঃ শিলা পাদোহর যত্রতঃ—

(তব তরে প্রসারিত এই শীলাতল ।)

রাম । (লজ্জিত হইয়া স্বগত) এরা নিতান্ত শিশু
বুদ্ধি, তাতে আবার অরণ্যবাসী, কিছু মাত্র বোধ নাই ।
——হা প্রিয়ে ! তোমার কি সেসকল মনে পড়ে ? সেই
স্থান গঙ্গার তীরবর্তী, সেখানে সুশীতল সমীরণ সর্ব-
দাই মন্দঃসঞ্চারিত হত, আমরা দুজনে সেই শিলাপটে
বসে বায়ুসেবন কর্ত্তাম, —আহা ! সেসময় প্রেয়সীর কি
অপরূপ রূপ দেখা যেতো ? (কিঞ্চিৎকাল নিম্পন্দ এবং
স্তম্ভিত প্রায় থাকিয়া) অরে সম্বরিত-বিরহানল !
আর দন্ধ করিস্ কেন ? একবারে ভস্ম করে কেন !

[দীর্ঘনিশ্বাস ত্যাগ ।]

নেপথ্যে । লব আর চন্দ্রকেতুর সংগ্রামসংবাদ
শ্রবণে মহর্ষি বাল্মীকি, রাজর্ষি জনক, ভগবান বশিষ্ঠ
অককুতী, আর রানী সকল ব্যস্ত হয়ে আসছেন ।

রাম । (সত্যে) কি গুরু, গুরুপত্নী, শশুর সক-
লের সঙ্গেই এখন সাক্ষাৎ হবে । আরও সকলের সঙ্গে
সাক্ষাৎ করা যেমন হোক, রাজর্ষি জনকের সঙ্গে সা-
ক্ষাৎ এখন বজ্রাঘাত অপেক্ষাও ভয়ঙ্কর ! হায় ! কি
কষ্ট ! পূর্বে বিবাহসময়ে বশিষ্ঠ প্রভৃতি মুনিগণের
আর পিতার সঙ্গে জনক রাজাকে দেখে, কেমন অ-

মুণ্ড অানন্দ উৎসব উপস্থিত হয়েছিল ! এখন কি
সেই রাজর্ষির সঙ্গে সাক্ষাৎ কর্তে পারবো ?—হায় !
রাম না পারে অগতে এখন ঘণিতকাজ কি আছে ?

নেপথ্যে । রামচন্দ্রের কঙ্কালাবশিষ্ট শরীর দেখে
জনক আর মহাদেবী কৌশল্যা প্রভৃতি সকলে মুচ্ছিত
প্রায় হলেন ।

রাম । (সখেদে) হা পিতৃজনক ! হা মাতৃবর্গ !
আমি চন্দ্র আর সূর্য্যবংশের মঙ্গলম্বরূপিণী সীতাকে
বিনাপরাধে বর্জন করেছি ! আমি কৃতঘ্ন !—নিষ্ঠুর !
কুলদ্বার !—আমার প্রতি কি কার স্নেহ করা উ-
চিত ?

সুমন্ত্র । চলুন, সকলে মিলে, ও দিকে সান্ধবনা
করিগে ।

কুশ । হাঁ, চলুন ।

নব । এই পথ দিয়া আসুন ।

[সকলের প্রস্থান ।

ইতি প্রথম গর্ভাঙ্ক ।



দ্বিতীয় গর্ভাঙ্ক ।



বাল্মীকির আশ্রম ।—রঙ্গভূমি ।

(লক্ষ্মণ, প্রভৃতি দর্শক মণ্ডলি সমবেত ।)

লক্ষ্মণ । (দণ্ডায়মান হইয়া) হে সমাগত সজ্জন
গণ ! মহর্ষি বাল্মীকি প্রণীত নাটকের অভিনয় দে-
খাবার জন্য, মহারাজ এই তপোবনে সভাস্থান করে
ছেন । যদিও এসময় মহারাজের কোনরূপ আমোদ
প্রমোদে মন নাই, তবু ও বাল্মীকির অনুরোধে স্বীকার
করেছেন । আপনারা সকলে যথাযোগ্য স্থানে বসুন,
মহারাজ আগত প্রায় ।

রামচন্দ্রের প্রবেশ ।

রাম । ভাই লক্ষ্মণ, দর্শক সকলে উপবেশন
করেছেন ? (চতুর্দিকে দৃষ্টিপূর্বক) এই যে অযোধ্যা-
বাসী সকলেই উপস্থিত । যজ্ঞের আমন্ত্রিত বন্ধুবান্ধব
বর্গ প্রায় সকলেই এসেছেন । ভাল ভাল ! এখন
নাট্যকারভ্রের আর বিলম্ব কি ?

লক্ষ্মণ । না, আর বিলম্ব নাই, কেবল আর্যের
অনুমতির অপেক্ষা ।

রাম। তবে এখন নাটক আরম্ভ করা হোক। এই
আমি বসলাম।

[উপবেশন।

লক্ষ্মণ। ঠিক হে, নাটক আরম্ভ কর না।

সূত্রধরের প্রবেশ ।

সূত্র। মহর্ষি বাল্মীকি বিজ্ঞাপন কর্তে—

স্মরি বিভূ অন্তর্যামী,
বিশেষ জানিয়া আমি,
করেছি এ নাটক রচন।

করুণ, অদ্ভুত রস,
পূর্ণ, অতীব সুরস,
স্থির চিত্তে হের স্বর্ষজন।

নেপথ্যে। হা অর্ষ্যপুত্র! হা দেবর লক্ষ্মণ,
আমি একাকিনী, সাথে একটি মানুষ নাই,—আমার
প্রসব বেদনা উপস্থিত!—তাতে আবার হিংস্রজন্তু
সব গ্রাস কর্তে আস্চে। এসময় আমাকে কে রক্ষা
করবে? আমি গঙ্গাতে প্রাণ ত্যাগ করি—”

লক্ষ্মণ। এ কি!

১৪৬ জানকী নাটক ।

রাম । প্রিয়ে, ক্ষণেক অপেক্ষা কর, আমি তো-
মার অনুগামী হই ।——আমার এই জীবনে——এই
যুগিতজীবনে প্রয়োজন কি ?

[গমনোদ্যত ।

লক্ষ্মণ । (হস্তধারণ পূর্বক) আর্ঘ্য ! কোথায়
যান ?——এ যে নাটক ।——এ যে নাটক——

রাম । হা রামহৃদয়রঞ্জকে !——হা পতি-
প্রাণে !——হা সহনশীলে ! রাম তোমার অঙ্গ বাতনা
দিলে না !——”

লক্ষ্মণ । আর্ঘ্য, এ বে নাটক ! স্থির হয়ে দেখুন ।

রাম । তাই লক্ষ্মণ, তুমি কি বোল্‌চো !——যে
সীতার জন্যে আমরা নাগপাশ বন্ধন স্বীকার কর্লেম,
——যে জানকীর জন্যে তুমি আজপর্যন্ত বন্ধঃস্থনে
রাবণের শক্তিশেল চিহ্ন ধারণ করেছ, সেই অভি-
রহুদয়সীতা অনাথার মত ভাগীরথীতে প্রাণত্যাগ
করবেন, আর আমি বসে দেখবো ? আমি লো-
করঞ্জনানুরোধে প্রেয়সীকে পরিত্যাগ করেছি বলে
পশু, পক্ষী, ইতর জন্তু হতেও কি অপকৃষ্ট হয়ে প-
ড়েছি ? লক্ষ্মণ, তারাও প্রেয়সীকে মৃত্যুমুখে পতিত
হতে দেখলে, ধৈর্য ধারণ কর্তে পারে না ।

লক্ষ্মণ । দেব, এ যে নাটক, প্রকৃত কিছুই নয় ।
এখানে আর্ঘ্য জানকী কই ?

[হস্তধারণ পূর্বক উপবেশন ।

রাম । ভাই, তুমি আমার যেতে দিলে না, কিন্তু আমার প্রাণ সেই প্রাণেশ্বরীর অনুগমন কর্লে, এই পাপাত্মার দেহে আর তিলেকও অবস্থান কর্তে সম্মত হইল না ! [মূচ্ছ ।]

জানকী, বসুমতী এবং শিশুদ্বয়

ক্রোড়ে লইয়া গঙ্গার

প্রবেশ ।

গঙ্গা । বাছা, তোমার দুটি ছেলে ভূমিষ্ঠ হল, দেখ । আহা ! বাছা রামের মত সকলি, সেই চোক, সেই মুখ, সেই বর্ণ,—আহা ! দেখ বাছা দেখ, দেখলে তোমার চক্ষু জুড়াবে—দুঃখ দূরে যাবে ।

সীতা । হা নাথ ! তুমি কোথায় ? হা ! আজ আমার হরিষ বিষাদ !——” [অশ্রুপাত ।]

লক্ষ্মণ । আর্ধ্য !—আর্ধ্য !——মূচ্ছা ত্যাগ করে দেখুন, দেবীজানকীর দুটি সন্তান প্রসূত হল ।—আহা ! পরমসৌভাগ্য !——হায় কি হল ! আর্ধ্যের এখনও চৈতন্য হল না ।

বসুমতী । বাছা সীতে, উঠ মা !

[হস্তাবমর্ষণ ।]

সীতা । (চক্ষুফণীল পূর্বক) এ অভাগিনী—কে কে এমন মমতা করে ?

১৪৮ জানকী নাটক।

গঙ্গা। বাছা, ইনি তোমার মা,—বসুমতী।

সীতা। (রোদন করিয়া) হায় ! মা আমাকে এমন অবস্থায় দেখলেন !—আমি অভাগিনী !

বসুমতী। তোমার দুঃখ কি মা ? কঁাদচো কেন ?
(অঞ্চল দ্বারা অশ্রু মোচন) এস মা, আমার কোলে এস, রামচন্দ্র বিনিদোষে বর্জ্জন করেছেন বলে, আমি মিত আর পাষণ হই নাই।—ঐ দেখ, তোমার দুটি ছেলে, তোমার কুলদেবী গঙ্গার কোলে কেমন শোভা পাচ্ছে, যেন, মানসসরোবরে নীলপদ্ম দুটি ফুটে রয়েছে !—”

গঙ্গা। বাছা, একবার ছেলে দুটিকে কোলে নীয়ে ভ্রমপান করাও, তোমার সকল দুঃখ দূর হবে এখন।

[সন্তান দুটি সমর্পণ।]

সীতা। (ক্রোড়ে লইয়া) হায় ! আজ আমি অযোধ্যায় থাকুলে !—হা নাথ, তুমি কোথায় ?—

রাম। (চৈতন্যপাইয়া) প্রিয়ে,—” (নিশ্চল)

লক্ষ্মণ। আর্ঘ্য, দেখুন, ভগবতীগঙ্গা আর বসুমতী দেবীজানকীকে রক্ষা করলেন।

রাম। ভাই লক্ষ্মণ, দুখিনী সীতার দুঃখে রাম বিনে কে না দুঃখিত হয় ?

গঙ্গা। বসুমতি, স্থির হও, এত কাতরা হলে কেন ?

বসুমতী। দেবি ভাগীরথি, আমি কেমন করে

ঐর্ষ্য হই ? সীতাকে প্রসব করে অবধি, আমি এক-
দিনের তরেও মেয়েটির সুখ দেখতে পেলেন না ! বা-
ছার আমার দুখে দুখেই জন্মটা গেল ! বাছা আ-
মার চোদ্দবৎসর বনে বনে ভ্রমণ করে—লঙ্কাপুরে
যারপরনাই দুঃখ কষ্ট পেয়ে,—অগ্নিপরীক্ষা দিয়ে
উঠলো, তার উপর আবার এই বিপদ !

গঙ্গা । তাবটে ; কিন্তু সকলি কপালে করে !

রাম । সত্য কথা । দেবীজানকী একদিনের ত-
রেও সুখভোগ কর্তে পেলেন না !——”

বসুমতী । কপালই মূল, তার সন্দেহ নাই ।
নৈলে রাম আমার সীতাকে কি কম ভালবাসতেন ?
অল্পবয়সে সীতার বিবাহ দি, তা মান্লে ন,——
না অগ্নিপরীক্ষায় বিশ্বাস কল্লে ন, না আমার মু-
খের পানে চাইলেন, না জনক রাজার মুখের পানে
চাইলেন, তাঁর বংশের কেউ কখনও যে কর্ম করে
নাই, এমন কর্ম করে সকলকে মর্মে বেদনা দিলেন ।

রাম । তার সন্দেহ কি ? আমি সূর্য্যবংশের
কলঙ্ক স্বরূপ,——”

সীতা । মা, আমি দুঃখের সাগরে পড়ে তোমার
এত ডাক্লেম, এত কাঁদ্লেম, তখন দুফাক হয়ে কেন
এদুঃখিনীকে স্থান দান কল্লে না, তা হলেত আর এত
দুঃখ সহিতে হতনা !

বসুমতী । মা, তোমার দুখে আমার বুক ফেটে
গিয়েছিল, আমার যে এত ক্ষমাগুণ, আমিও অঐর্ষ্য

হয়ে পড়েছিলাম, কিন্তু তবুও তখন এই বলে খানিক
বিলম্ব করি, রামচন্দ্র আমার ধর্মের মূর্তি, ন্যায়ের
আশ্রয়, তিনি কি বিনি অপরাধে সীতাকে পরিত্যাগ
করেছেন ? অবশ্য সীতার কোন না কোন অপরাধ
পেয়েছেন । স্বামীর কাছে অপরাধিনী মেয়েকে
সোহাগ করা, মা বাপের উচিত নয় । কিন্তু বাছা
যখন জানলাম তোমার কিছুমাত্র অপরাধ নাই,
তখন আর কোনমতে ঠৈর্য ধরে থাকতে পেলেন
না ।——এস মা, চল পাতালপুরী পবিত্র কর ।——

সীতা । হা নাথ ! এদাসীত জন্মের মত এ-
লোক পরিত্যাগ করে চলো——এ সময় একবার তো-
মার চরণপদ্ম দেখতে পেলেন না, এই বড় দুখু !

বসুমতী । বাছা, আর তোমার এসাধে কাজ নাই,
তুমি রামচন্দ্রের চোকের তলায় পড়লে হয়ত সূর্য-
বংশেকলঙ্ক রইলো বলে, তিনি আবার অগ্নিতে পরীক্ষা
মীতে চাবেন এখন ।

রাম । মাতঃ বসুধে ! রাম, এমনই নিষ্ঠুর !——
এমনই পাষণ্ড !——হায় ! [নিস্তব্ধ ।

গঙ্গা । দেবীবসুমতি, বিবেচনা করে রামচন্দ্রের
প্রতি কুপিত হও । বাছার দোষ কি ? প্রজাদের
মধ্যে অপবাদ হল——লঙ্কার অগ্নিপরীক্ষা কে প্রত্যয়
করবে ? বিশেষতঃ প্রজারঞ্জন রঘুবংশীয়দের সনাতন
ধর্ম——”

বসুমতী । না, আমি রাগ করে বলছি না, বড় দুঃ-

খেই বল্‌চি।—রামচন্দ্র কি আমার সীতাকে কম ভালবাসতেন ?—আহা ! সীতাকে বর্জন করে তাঁর কি সাধারণ কষ্ট হয়েছে ? কেবল মনাগুণেদগ্ধ হচ্চেন । প্রজাদের বড় পুণ্যের জোর, আর রামচন্দ্রেরও বড় পাষণ হৃদয়, তাই আজো বেঁচে আছেন।—”

রাম । (স্বগত) সত্য, পাষণহৃদয় নাহলে কি আমি কখন প্রেয়সীকে পরিত্যাগ কর্তে পারতাম ? আমার হৃদয় পাষণ কেন, লোহ—লোহ কেন, বজ্র বজ্র কেন,—বজ্র, হতেও যদি বিধাতার সৃষ্টিতে কঠিন কোন পদার্থ থাকে, তবে তাই দিয়া বিধাতা গড়েছেন !

নেপথ্যে গর্জন এবং আলোক প্রকাশ ।

নেপথ্যে । দেবীজানকি ! রামচন্দ্র চিত্রপট দেখার সময় বলেছিলেন, “দেবীরপুত্র হলে তার অনুগত হইও” তা আমরা জুস্তিকাস্ত্র, দেবীর সন্তান দুটির আশ্রিত হলাম ।

রাম । হঁ। বলেছিলাম বটে, কেমন লক্ষণ, তোমার স্মরণ হয় না ?

লক্ষণ । আজ্ঞে ।

সীতা । দুঃখিনীর সন্তানকে আপনারা দয়াকরে এসে উপস্থিত হলেন, এই পরম ভাগ্য ।

রাম । একি ! একবারে যে, আনন্দ, বিস্ময়, ককণ, সকল রসই উপস্থিত !

সীতা । মা, এখন আমার ছেলেদুটির কে ক্ষেত্রি-
দের উচিত কর্ম করবে ?

রাম । হায় ! বশিষ্ঠ ণ্ডক বিদ্যামানেও প্রাণেশ্বরী
আমার সন্তানদের সংস্কারের জন্যে ভাবছেন ?— — হা
অদৃষ্ট !

গঙ্গা । তার জন্যে ভাবতে হবে না, ছেলেদুটি
স্তনত্যাগ কল্লৈই আমরা মহর্ষি বাল্মীকির কাছে নে
দেবো, তিনিই সব করবেন । বশিষ্ঠ, অঙ্গির। আর
বাল্মীকি তিনজনই রঘুবংশ আর জনকবংশের
ণ্ডক ।

রাম । ভগবতী ভাগীরথী, সত্য বলেছেন ।

লক্ষ্মণ । আর্ধ্য, বোধ হয়, সেই কুশলবই দেবীর
পুত্র হবে, তাদেরও আজন্মসিদ্ধ জুষ্টিকাশ্র——”

রাম । (সাহ্লাদে) সত্য বলেছ ভাই, নইলে
তাদিগে দেখে আমার মন তেমন স্নেহরসে গলে যাবে
কেন ? আমার মন তেমন সাহ্লাদে আর্দ্র হবে কেন ?
——তাদিগে কোলে করে আমার জানকীবিরহা-
নল মন্দীভূত হবে কেন ?——ভাই লক্ষ্মণ, মহর্ষি বা-
ল্মীকির চরণ ধরে সবিশেষ এখনি সুধাও, আমার মন
এখন এক নূতনভাবে পুলকিত হয়ে উঠলো——ভাই,
মনে হচ্ছে আমার জানকী বেঁচে আছেন——”

লক্ষ্মণ । হাঁ যাই——”

গঙ্গা । দেবি বসুমতি, তবে এখন সীতা আমার
কাছেই থাকুন, সীতা পরমসতী, আমি সীতার সংসর্গে

পবিত্র হব, আর সীতার ছেলেদুটিকে মানুষ করে রাম
চন্দ্রের ধার শোধ করতে পারবো।

লক্ষ্মণ। অর্ঘ্য শুনুন।

রাম। ভাই, লোকে শুনুক।

বসুমতী। আমাতে, আপনাতে, আর মহাদেবী
কৌশল্যাতে ত কোন ভিন্নভেদ নাই, সীতা সকলেরই
সমান স্নেহপাত্রী।

গঙ্গা। চল মা চল, ছেলেদুটি আমার কোলে
দাও।

[সকলের প্রস্থান।]

রাম। এ কি ষথার্থই সীতাদেবী এই হিংস্রক-
জন্তু-পূর্ণ-সংসার গহন পরিত্যাগ করলেন!—লক্ষ্মণ,
আমি কি স্বপ্ন দেখলাম, না আমিত সীতাবর্জন অ-
ব্ধি নিদ্রা যাই নাই, তা স্বপ্ন কেমন করে হবে?—
হা সীতে!—হা চিরদুঃখিনি, তুমি দুঃখে২ দক্ষ হয়ে ই-
হলোক পরিত্যাগ করলে! আর আমি রইলাম!—
অরে পাপপ্রাণ, তুই এত যন্ত্রণাও সহ কর্তে পারিস্?
(লক্ষ্মণকে আলিঙ্গন পূর্বক) ভাই, এই জন্মেরমত বি-
দায় হলেম! আর আমাকে এই পাপপূর্ণসংসারে দেখতে
পাবেনা, ভাই! তুমি আমার বাল্যকাল হতে অনুগত
ছিলে, তুমি আমার সঙ্গে বনে গিয়েছিলে, তুমি বনে
আমার কত সেবা করেছ, জানকীর বা কত সেবা করেছ,
প্রাতে উঠে ফল মূল এনে যোগায়েছ, শয়নের সময় প-

১১৪ জানকী নাটক ।

ক্লব দিয়ে শয্যা রচনা করে দিয়েছ, জানকীর সঙ্গে,
 এক আশ্রম হতে অন্য আশ্রম যাবার সময় পাচ্ছে রবির
 প্রথর কিরণে আমরা ক্লেশ পাই, এই আশঙ্কায় গা-
 ছের পল্লব ভেঙ্গে ছত্র করেধরেছো,—ভাই তুমি আমার
 মুখেব জনো কি কি কষ্ট না স্বীকার করেছ!—লঙ্কার
 সংগ্রামেও অল্প ক্লেশ পাওনি, ময়দানবের সেই ভ-
 যানক শক্তিশোলাঘাত কোমলহৃদয়ে সহ্য করেছ!—
 হায়! সেই সকল কথা মনে হলে প্রাণ কেঁদে ওঠে। সে
 সকল যাহোক,—ভাই, তুমি আমার আজ্ঞায় নির্দয়
 দম্বারাও যে কাজ করতে পারে না, সেই ভয়ানক অ-
 ধর্মের,—পাতকের কর্ম স্বীকার করে জানকীকে
 বনমধ্যে বর্জন করে এলে। হায়! তুমি আমার জনো
 —এই পাপাত্মার জনো—এই কর্মচণ্ডালের জনে
 কি কি পাপের কাঁচ না কল্লো? ভাই লক্ষ্মণ,—তোমার
 দোষ নাই, সমুদয় পাপ আমি স্বীকার করে নিচ্ছি,
 —(কৃতাজ্জলিপুটে) হে পাপ পুণ্যের দণ্ড পুরস্কার
 কর্তা পরমেশ্বর! লক্ষ্মণ এই দুরাত্মার—এই পাপা-
 ত্মার আদেশেই পূর্ণগর্তী জানকীকে বনমধ্যে হিংস্রজন্তুর
 মুখে পরিত্যাগ করে এসেছে, তাতে লক্ষ্মণের দোষ মাত্র
 নাই। এতে যদিও এর কিছু পাপ হয়ে থাকে, তবে
 আমিই সেই পাপের শাস্তি ভোগ করবো। লক্ষ্মণ
 যেন সেই পাতকে আপনার কোপভাজন না হয়!

লক্ষ্মণ। হায়! আর্ঘ্য, যে শোকদুঃখে উন্মত্ত হ-
 লেন—”

(রোদন)

রাম । ভাই, তুমি, চিরকাল আমার আজ্ঞাবহ,
আমার কএটা শেষকথা শুন,—কথাটি এই, সীতার
বিনোদনের নিমিত্তে যে অশোকবন করা হয়, সেই
অশোকবনে একটি মণি মানিক্যময় মন্দির প্রস্তুত করে,
প্রাণপ্রতীমা জানকীর স্বর্ণময়ী প্রতিমূর্তি প্রতিষ্ঠিত
করবে । সে প্রতিমূর্তির চরণতলে প্রসূরফলকে এই
কবিতাটি, স্পষ্টাক্ষরে খোদিত করে দিবে—

বিনাদোষে সতীনারী রমণী রতন,
হতভাগ্য রাম দিয়ে বনে বিসর্জন,
অবশেষ, অনুতাপে ত্যজিল জীবন,
এই তার প্রিয়ার প্রতিমা নিদর্শন ।

লক্ষ্মণ । দেব ! যথার্থই উন্নত হলেন, কি ব-
ল্ছেন ?

চন্দ্রকেতু । জেঠামহাশয় ! আমাদের মমতা প-
রিত্যাগ করে কোথায় চল্লেন ? যেতে দেবোনা । আ-
মাদিগে কে আর তেমন স্নেহ, তেমন মমতা করবে !—”

[গলদেশ ধারণপূর্বক রোদন ।

রাম । বৎস এস, তোমায় জন্মের মত, আলি-
ঙ্গন করি, (আলিঙ্গন) আর এমন অমৃতময় স্পর্শমুখ
পাবোনা । বৎস ! তুমিই একমাত্র পিতৃদেবতাদের
জলপিণ্ডের ভরসাস্থল ! রঘুবংশের আর কেউ নাই ।

—পুত্রের প্রদত্ত তর্পণাঞ্জলির জল পান করা রামের
অদৃষ্টে মাই, বিধাতা—বিধাতা! কেন, আমি
স্বয়ং সে আশালতার মূলোচ্ছেদ করেছি! বৎস,
তোমার প্রদত্ত জলাঞ্জলি পানে ও আমি পরকালে তৃপ্ত
হব, জানকী আমার অশোকমঞ্জরী পরতে বড় ভাল-
বাস্তেন তা, তর্পণাসময় তিলের সঙ্গে অশোক ম-
ঞ্জরী প্রদান কর, আমি পরলোকে প্রেয়সীর সঙ্গে,
পান করে পরিতৃপ্ত হব!—না, না, এ আশাও
মিথ্যা, আমি জানকীর কাছে যে অপরাধ করেছি,
তিনি কি পরকালে আমার সহিত সম্মিলিত হবেন?
তার অমৃতময় সহবাসে কি আমার অনুতাপিতচিত্ত
শান্তি লাভ কর্তে পারবে? জ্ঞানকৃতপাপের কি ক্ষমা
আছে? না তেমন ভয়ানক পাপীর শান্তিলাভের
সম্ভাবনা আছে? আমি নিরপরাধিনী জেনেও সেই
মতীরত্বকে—সেই অনন্যহৃদয়াকে—সেই প-
তিপরায়ণাকে পরিত্যাগ করে মহাপাতকে লিপ্ত
হয়েছি;—ভাই লক্ষ্মণ, ঈশ্বর কি আমাকে এই ক্ষ-
মার অযোগ্য অপরাধ ক্ষমা করবেন? না, তিনিও
জ্ঞানকৃতপাপ ক্ষমা করেন না।—হায়!—”

[রোদন ও মূচ্ছা।]

দর্শকমণ্ডলির কোলাহল।

লক্ষ্মণ। মহর্ষি বাল্মীকি, রক্ষা করুন, রক্ষা ক-
রুন।

সকলে । বহুর্ষি ! আর নাটকে প্রয়োজন নাই,
বহুর্ষি বিষয় প্রকাশ করে মহারাজকে প্রবোধিত ক-
রুন ।

আকাশে কোমল বাদ্য ।

লক্ষ্মণ । একি আবার ! (উর্দ্ধে দৃষ্টি পূর্বক)
বিমানে দেবগণ উপস্থিত ! দেবী জানকীর অগ্নি প-
রীক্ষার দিন এইরূপ দেবগণ সমাগত হয়ে ছিলেন,
না জানি আজ আবার কি অদ্ভুত ঘটনা ঘটে ।

নেপথ্যে । অগো অকল্পুতি, তুমি জগতের পূজা,
আমরা রঘুকুলের বধূ, অতি পবিত্রা—পবিত্রা কি,
জগতপবিত্রকারিণী সীতাকে তোমার কাছে সমর্পণ
কলাম—

লক্ষ্মণ । আমরা কি স্বপ্ন দেখছি ! (নেপথ্যে
দৃষ্টি করিয়া) না, ঐ যে ভগবতী অকল্পুতী আর্ঘ্য
জানকীকে সঙ্গ করি আসছেন ।—দেব, মূচ্ছা ত্যাগ
করুন, দেবীজানকী উপস্থিত ।

অকল্পুতী এবং সীতার প্রবেশ ।

অক । বাছাসীতে ! এস, লক্ষ্মণা পরিত্যাগ করে
মূচ্ছাপন্ন বল্লভকে চেতন করাও ।

সীতা । (নিকটে গিয়া হৃদয়স্পর্শপূর্বক) নাথ,
ওঠ, ওঠ,—

১৫৮ জানকী নাটক ।

রাম । (চৈতন্য প্রাপ্ত হইয়া আহ্লাদে) এই যে জীবিতেশ্বরী জানকী ! পরমসৌভাগ্য !—সুখাধারা অভিব্যেক নাকল্লে, মৃতদেহে জীবনসঞ্চারের সম্ভাবনা কি ?—অই যে ভগবতী অকল্কুতী—”

নেপথ্যে । বৎস, আমি সকলের পাপ পুণ্যের সাক্ষি স্বরূপিণী বসুমতী, তোমার শ্বাশুড়ী । তুমি সীতাকে বর্জন করবার সময় বলেছিলে “মাতঃ যদি নি ! দুঃখী রামত জানকীকে পরিত্যাগ কল্লে, অতঃপর তুমি তোমার তনয়ার রক্ষণাবেক্ষণ করো ।” তা আমি এতদিন জাহ্নবীর সঙ্গে সীতার রক্ষণাবেক্ষণ কল্লাম, তোমার ছেলেদুটীকে মানুষ কল্লাম ।—সীতার সত্যত্বের আর পবিত্র চরিত্রের বিষয় আমি কিছু বোল্ বোনা, কেন না, সীতা আমার মেয়ে, মেয়ের দোষ গুণ মায়ের বল উচিত নয় । তোমার কুলদেবী ভাগীরথী কি বলেন, শোন ।

নেপথ্যে । ওহে রঘুমণি রামচন্দ্র, আমি তোমার কুলদেবী গঙ্গা । তুমি চিত্রপট দেখাবার সময় বলেছিলে “মাতঃ গঙ্গে, তুমি ভগবতী অকল্কুতীরন্যায় আমা দেব প্রতি স্নেহবতী, তোমার কুলবধু সীতার প্রতি সর্বদা স্নেহ থেকে ।” তা তুমি সীতাকে পরিত্যাগ কল্লে, আমি তাকে আপনার কাছে রেখেছি, আর তোমার ছেলেদুটীকে মানুষ করে বাল্মীকির কাছে সমর্পণ করেছি । সীতা অতি পবিত্রা—এমন কি সীতা সংস্পর্শে আমি পণ্ডিত পবিত্র হয়েছি ।

লক্ষ্মণ । ষাঁরা দেবীরচরিত্রে সন্দেহ করেন,
ঔঁরা শুনুন ।

আকাশে কোমল বাদ্য ।

নেপথ্যে দৈববাণী । সীতার তুল্য সতী নাই—
সীতার তুল্য সতী নাই——

অকঙ্কুতী । অহে পুরজন সব !—অহে দর্শকগণ !
ভগবতী ভাগীরথী আর দেবগণ সীতার সতীত্বের সাক্ষী
দিচ্ছেন ; এখন আর সীতার চরিত্র বিষয়ে কোন
মতেই সন্দেহ করা যেতে পারে না, যদি তোমরা বল
তবে রামচন্দ্র সীতাকে গ্রহণ কর্তে পারেন ।

সকলে । দেবী অকঙ্কুতি যা বল্লেন, তাতে আ-
মরা সকলেই সম্মত আছি ।

অকঙ্কুতী । বৎস রামচন্দ্র, সীতার সতীত্ব বিষয়ে
দেবতারাও অনুমোদন কর্চেন, পৌরজনেরাও সকলে
সম্মত, তুমি এখন ধর্মপত্নী জানকীকে গ্রহণ কর ; আমি
তোমাকে এই সতীরত্ন সমর্পণ করি ——বৎস রাঘব,
সুদীর্ঘকালের পরে, জানকীকে সম্মাননা সম্ভাবনা
করে, তার মনোদুঃখ দূর করে ।

সীতা । (সান্ত্বিত্যে) আর্ধ্যপুত্র কি আমার দুঃখ
দূর কর্তে জানেন ?

রাম । প্রিয়ে, আমি তোমার সঙ্গে যে অসহ্যব-
হার করেছি; মানুষের কথা দূরে থাক, পশুতেও প্রে-

১৬০ জানকী নাটক ।

যমীর সঙ্গে তেমন ব্যবহার করেনা। কপোত কুর-
ঙ্গও গর্ভিণী প্রণয়িনীকে প্রাণপনে রক্ষা করে। প্রা-
ণেশ্বর, আমি আর কি বলবো, তোমার কাছে, আমি
আর লজ্জাতে মুখ দেখাতে পারি না। কেন আমি
তোমার সঙ্গে তেমন বিশ্বাসঘাতকের কাজ করলাম,—
কেন আমার তেমন মতিস্থল হল, তাকিছু বলতে পা-
রিনা। যাহোক, পতিব্রতাসতীদেব ধর্মই এই, পতি
শতসহস্র অপরাধ কল্লেও তারা তা মার্জনা করে
থাকেন। তা প্রাণেশ্বর, আমার অপরাধ ক্ষমা কর্তে
হবে। [চরণ ধারণে উদ্যত।

সীতা। (সহসা কর ধারণ পূর্বক) নাথ, সেকি !
সেকি ! উঠ, উঠ,—তোমার একটুও দোষ নাই,
সকলি এই অভাগিনীর কপালের দোষ বলতে হবে।
তবু আমি বিধাতার কাছে কৃতজ্ঞতা স্বীকার করছি যে,
তিনি এতদুখ দিয়েও আমাকে প্রাণে মারেন নাই—
যদি প্রাণে না বাঁচতেন, তবে কি আর, আজ তো-
মার চরণপদ্ম দেখে, আহ্লাদ সাগরে ভাসতে পারতেন ?
আমার এই পরমভাগ্যী যে আবার তুমি আমার গ্র-
হণ কল্লে। আমার দুখের অশ্রুজল নিয়তই ধারা বা-
হী পড়তো, আজ সেই অশ্রুজল আনন্দে পরিণত
হল। [অশ্রুপাত।

কুশলব সহ বাল্মীকির প্রবেশ।

বাল্মীকি। রাঘবেন্দ্রের জয় হোক।

রাম এবং সীতা। প্রণাম মহর্ষে।

বাল্মীকি । বৎস রামচন্দ্র, আজ আমার চিরম-
মোরথ সিদ্ধি হল । (সীতার প্রতি) মা জানকি,
তুমি একবার রামের বামে বোস, আমি তোমার
কোলে কুশলবকে সমর্পণ করে, চরিতার্থ হই ।
(রামের বামে সীতার উপবেশন)——বৎস কুশ, লব,
তোমরা জ্ঞানলাভ করে পিতা, মাতা কেমন দেখ নাই,
—আজ একবার জনকজননীর ক্রোড়ে বসে, তাঁদি-
গে ইহলোকের সারস্বত প্রদান কর——আপনাদের
আত্মা পরিতৃপ্ত কর—আর জনক জননীকে সম্বোধন
করে বাকুশক্তি সফলিত কর ।

[কুশ এবং লবকে সীতার ক্রোড়ে
স্থাপন ।

সীতা । এস, বাছা, আমার কোলে এস, (ক্রোড়ে
স্থাপন ও মুখচুম্বন) আমি অনেকদিন হতে বাছা তো-
দের বদনচন্দ্র দর্শনে বঞ্চিত হয়ে রয়েছি । (রামের
প্রতি) নাথ, একবার আমার কুশলবকে কোলে করে,
আমার মনের দুঃখ দূর কর ।—আমি যে এজন্মে আর
ছেলেদুটিকে কোলে করে তোমার কোলে দিয়ে আহ্লাদে
গলে যাবো, আমার এমন আশা ছিল না, এতদি-
নের পর বিধাতা যদি অনুকূল হয়ে, সেই আশা পূর্ণ
করবার সময় দিলেন, তবে আর অপেক্ষা কি ?

[রামের ক্রোড়ে কুশলবকে সমর্পণ ।

রাম । আজ আমার জীবন সার্থক হল,—আজ

আমি সংসার আশ্রমের সার মুখ প্রাপ্ত হলাম ।

লক্ষ্মণ । আর্যো, সেই হতত্যাগ্য লক্ষ্মণ, প্রণাম
কর্চে । [বন্দন ।

সীতা । এস, লক্ষ্মণ—তবু ভাল যে আবার
তোমায় দেখতে পেলেম,—

রাম । ভাই লক্ষ্মণ, দেবীরপুত্র এই লবকুশ,—

লক্ষ্মণ । এস, বৎস, একবার আমার ক্রোড়ে
এস,— [কুশলবকে অঙ্কে গ্রহণ ।

জনক, বশিষ্ঠ, ঋষ্যশৃঙ্গ, কৌশল্যা, শান্তা
প্রভৃতির প্রবেশ ।

রাম । এই যে সকল গুরুজন উপস্থিত ।——

আহা ! অযোধ্যার রাজ্যাভিষেক সময় হতেও আজ
আমার অধিক আহ্লাদের সঞ্চার হচ্ছে !——

সীতা । পিতঃ, আপনার দুঃখিনী নন্দিনী জা-
নকী প্রণাম কর্চে ।

জনক । বৎসে, তুমি আমার শ্রীষ্যকন্যা । তো-
মার সচ্চরিত্রতা আর পাতিব্রতো আমি কৃতার্থ হলাম ।

ভরতের প্রবেশ ।

রাম । এস ভাই, এস, লবণ বধ করা হয়েছে !
যখন মঙ্গল হবার হয়, তখন কেবল মঙ্গল পরম্পরাই
হতে থাকে ।——আমি আজ ধর্মপত্নী সীতাকে প্রাপ্ত
হলাম,—দুটি সন্তানরত্ন পেয়ে কৃতকৃতার্থ হলেম,—

জানকী নাটক । ১৬৩

সকল বন্ধুবান্ধবের সাক্ষাৎলাভে, আহ্লাদ হ্রদে—পী
যুষ সাগরে অভিষিক্ত হলাম ! জানিনা এর পর আর
কিরূপ মঙ্গলঘটনা উপস্থিত হয় ।

আকাশে কোমল বাদ্য ও পুষ্প বৃষ্টি ।

বাল্মীকি । বৎস রাঘব, তোমার সকল অতীষ্ট
সিদ্ধ হল,—আজ তুমি শত অশ্বমেধ যজ্ঞের ফল হতেও
মহৎ ফল লাভ কর্লে, আর কি প্রার্থনা কর, বল ?

রাম । মহর্ষে, আমার আর প্রার্থনার কিছু মাত্র
অবশিষ্ট নাই, জগদীশ্বরের প্রসাদে, আর ভগবানের
আশীর্বাদে প্রার্থনার পূর্বেই আমার সকল অতীষ্ট
সিদ্ধ হয়েছে—এখন যদি প্রার্থনা করতে হয়, তবে
এই প্রার্থনা করি—

সকলের মতি হোক ঈশ্বরেতে লীন;
থাকুন ধার্মিকগণ সুখে চিরদিন;
নবরস যার বর্ণনায় মূর্তিমান,
করুন সজ্জনে সেই কবির সম্মান;
পাতিব্রতা সুশীলার দৃষ্টান্তের স্থলী,
হউন “জানকী” আমি এই মাত্র বলি ।

বাল্মীকি । তথাস্তু ।

[যবনিকাপতন ।

ইতিপঞ্চম্যাক্ষ ।

সমাপ্ত ।

Bayerische
Staatsbibliothek

Mün

অশুদ্ধশোধন ।

অশুদ্ধ	শুদ্ধ	পৃষ্ঠা	পাতি
তমা	তর	৩	১
প্রস্ফুটিত	প্রস্ফুটিত	১৪	১৭
করেছি	কর্চি	১৭	৪
মুক্তামালা	সেবতীহার	২০	২৪
হরিচন্দ্র	হরিশচন্দ্র	২৫	৮
অবু	তবু	২৯	১৫
এইসর্বভুকতাগুণে	এইগুণে	৩৭	২২
পরপোকারিণী	পরমোপকারিণী	৩৯	১৭
অকল্পতী	অকল্পুতী	৬২	১২
শিরচ্ছেদন	শিরশ্ছেদন	৬৫	২০
কীরণ	কিরণ	৭১	৩
অশ্রুসম্বরণ পূর্বক	অশ্রুসম্বরণ		
	পূর্বক স্বগত	৭৩	১২
ময়ূর	ময়ূরী	৮১	৮
প্রভাতিক	প্রাভাতিক	৮১	২০
সুধাংশুবিবরহে,	বিবরহে	৮২	৬
চৈতন	চৈতন্য	৮৩	১৪
একবার	একবারে	৯১	১
সহধার্মিণীর	সহধর্মিণী	১১৪	২২
স্ত্রীপুরুষ	স্ত্রীপুরুষে	১১৫	৪
বিবাহ সময় যে	বিবাহ সময়ের ঐ		১৫
যা	হা!	১১৬	১১
আপনাকে	আপনাদিগে	১১৯	২
ক্রোড়ে করিয়া, ক্রোড়ে করিয়া	স্বগত	১১৯	৬
লব। কেন জানিবোনা	কেন জানিবোনা	১২০	২১
তুমি সেই	সেই	১২১	২২
উচ্চৈঃস্বরে	(উচ্চৈঃস্বরে)	১২২	২৩

হবে	হবেন	১২৬	১৮
থাকে	থাকেন	১২৭	১২
জানেন	ভাবেন	১২৮	১৪
তারকাকে	তাড়কাকে	১২৯	৯
লব	চন্দ্রকেতু	১৩০	৪
অস্ত্র কৌশল	অস্ত্রবিদ্যা-কৌশল	১৩৩	৭
রাম	রামঃ	১৪১	৬
সীতয়া	সীতায়।	ঐ	ঐ
কর্ত্তে	কর্ত্তে২	১৪২	২
সন্তানকে	সন্তানদিগে	১৫১	২০
জনে	জনো	১৫৪	১৩

পাঠপরিবর্তন ।


৬০ পৃষ্ঠার শেষভাগের চারি চরণের পরিবর্তে নীচের লিখিত শ্লোক পাঠ করিতে হইবে ।

“মা নিষাদ প্রতিষ্ঠাং ত্বমগমঃ শাশ্বতীঃসমাঃ ।
যৎক্ৰোধঃ মিথুনাদেকমবধীঃ কামমোহিতং ॥”

৮৭ পৃষ্ঠার লিখিত ১৮। ১৯। ২০ পংক্তির পরিবর্তে

“রাম । (সভয়ে স্বগত) বাসন্তী বুঝি সীতাব-
র্জনের কথা শুনেছে !—কি সর্বনাশ ! আমি কি বো-
ল্‌বো ! (প্রকাশে) হাঁ কুশল !” পাঠ করিতে
হইবে ।

১৪১ পৃষ্ঠার পরিবর্তে “রামকে দেখিত সীতা প্রা-
ণের মতন ।” পাঠ করিতে হইবে ।



Mitra, Hariścandra

Jānakī nāṭaka

Ṣhākā 1785/[1863]

A.or. 2506

urn:nbn:de:bvb:12-bsb10250269-8